

कांगड़े दी संस्कृति कनै लौकिक-जीवन

लेखक :-

प्रो० स्वामी राम शर्मा

एम० ए० (संस्कृत, हिन्दी) शास्त्रां

राजकीय महाविद्यालय, ऊना (हि०प्र०)

HIMACHAL PRADESH UNIVERSITY

58770

Accounts Dept.

Date

20/4/75

SOUP

Kumar Sars.

Solan.

Bill No. 17.8.8

16/4/75

Signature

हिम

915.452

₹ 85 क

11/7/95

सर्वाधिकार सुरक्षित

मूल्य : १२ रुपये × प्रथम संस्करण 1974 × लेखक : प्रो० खुशी राम
मुद्रक : कुमार प्रिंटिंग प्रेस, सोलन (हि०प्र०)

UNIVERSITY LIBRARY
H. P. KRISHI VISHVA VIDYALAYA



PALAMPUR

Class No. 915.459

Book No. 21 85 4

Accession No. 58770

HIM

हिम

Acc. No. 58770

Call No. 915.452 Book No. 21 85 4

Author गुणवत्ता वीणा, सुशीरा

Title कान्ति की लक्ष्मी का

H	Borrower's No.	Due Date	Borrower's No.	Due Date
1.	375	16 AUG 1975		
	J.S. 1080. 83			
2.				
3.	61	27 SEP 1975		
	2.3.73/1041			
	26.4.81			
	P. 12			
	14.5.81			
	25.8.88			

HIM

HIMACHAL PRADESH
KRISHI VISHVAVIDYALAYA LIBRARY
PALAMPUR-176 062

Call No. 915.452

21 85 7

Acc. No. 578770 Date of release for loan

This book should be returned on or before the
date last stamped below. Overdue charges will be
collected for each day the book is kept overtime.
(See Rules Overleaf).

कांगड़े की संस्कृति कहीं लोक जीवन

संख्या 4(6) अकादमी/73/1181 तिथि
8 अक्टूबर, 1973 को हिमाचल कला
संस्कृति एवं भाषा अकादमी की ओर से
500/- की सहायता से अनुदान से
सम्मानित ।

कुमारसन्त, दी माल, सोलन (हिमाचल प्रदेश)

पाठकां अगर्ग बेनती

एह, पुस्तक तालू लिखी थी, जालू ऊने कनें म्हीरपुरे दे ज़िले कागड़े ज़िले च सामल थे । इस करी नें उस समें मताबक ऊने कनें म्हीरपुर ज़िले दे बारे बी इत्थू वर्णन ऐ, भुगोलक सीमां बी तिन्हां दे अनुसार लिखिओ ऐ । इस करी सारे पाठक इसा गल्ला जो ध्याने च रक्खी नें इसा रचना जो पढ़ने दी किरपा करन ।

रुशीराम राय
-लेखक

॥ स्नेहा ॥

मिजो एह् जाणी करी मत्ती प्रसन्नता होई जो तुसां
“कांगड़े दी संस्कृति कर्ने लोक जीवन” दी प्हाड़ी पुस्तक
प्रकाशित करा दे। एह् जाणी नें होर भी प्रसन्नता होई
भेई हिमाचल प्रदेशे दी राज्य कला संस्कृति कर्ने भाषा
अकादमीयें तुसां जो इस ग्रन्थे दे प्रकाशने ताई (५००) रु०
दी सहायता प्रदान कीती ए।

इसा कृतिया दी रचना नें तुसां लोक साहित्य च
जो बाधा कीता ए, तिस ताई तुसां बघाईया दे पात्र हन।
प्हाड़ी लोक जीवन दा सही रूप लोकां दे साह्मणे आई
सकै, इस पासे हर इक जतन उत्तम दिशा दे पासे इक
कदम ए।

नाशायण चन्द पराशर
संसद् सदस्य
(लोक सभा)

दो गल्लां

किच्छ बरियां होइयां म्हारा घर तसील ऊने च था, जेडी ताल्ह जिला हुशियारपुरे दी इक तसील हुंदी थी । हुशियारपुरे दी इक तसील होणे करी कनें द्वाबे दे बनें पर होणे करी इसा दिया बोलिया पर, इसा रे रैह्णे-बौह्णे पर किच्छ २ पंजाबे दा असर था । चाएं म्हारे नौएं कनें पराणे साक-नाते सब्बे कांगड़े दे ई हन, सै इत्थू दे बसनीक ई नेई बल्कि इत्थू दे पौण पाणिये कनें पलेयो हन । इत्थू दी बोली तिन्हां दी मात-बोली ऐ । इत्थू दी सम्यता संस्कृति इ तिन्हां दी सम्यता संस्कृति ऐ । फिरी बी हौं ऊने दा जमेया पलेया था, इस करी जाल्ह बी कुसी जो प्हाड़ी बोलिया च प्हाड़ां जां इत्थू दे लोकां बाबत गल्लां करदा मुणदा, ताल्ह मिजो हासा आई जांदा । हौं सोचदा—

‘प्हाड़ां दा जीणा बी कोई जीणा ए, जित्थू ऊचे २ टिल्लेयां, टेढ़े मेढ़े क्वालुआं कनें घणे बणां जो छड्डी नें कोई खरी गल्ल नेई । पर कदी २ तिन्हां दिया गल्ला च अजेया भोलापण दुसदा, तिन्हां दिया बोलिया च अजेई मिठास भरोई मलूम हुंदी, जिन्हां करी इत्थू दिया बोलिया बाबत कनें होरना गल्लां बाबत जानने जो जी करी औंदा ’’

नौकरिया दे चक्करे च मिजो पैह्लां कुल्लू फिरी कांगड़े च रैह्णा पेया । ताल्ह इत्थू दियां सूहणियां घाटियां कनें तिन्हां दे मुन्दर नजारे दिखणे जो मिले । तित्थू दे बांके गबरूआं, भोले भाले लोकां कनें गल्लां बातां करने दा मौका मिलेया, तित्थू दे रीति-रिवाजां, तित्थू दे तिथ्यां-तिहारां कनें तित्थू दे रैह्णे-सैह्णे जो नेड़े ते दिखणे दा सुभाग प्राप्त होएया ।

१९६६ सने दे नवम्बर म्हीनें इक होर सूह्णा धियाड़ा आएया, जाल्ह तसील ऊना दा किच्छ हिस्सा हिमाचले दा अंग बणी गेया । हण तसील ऊने दा अपणा कोई जिला मेई रेया, इस करी सै बी कांगड़े जिले दी इक तसील बणाई दित्ती नेई,

(ख)

तालू हौ सिरफ नौकरिया करी नै ई प्हाड़ी नेई बणेया, घर बार बी प्हाड़े च होणे करी बी प्हाड़ी बणी गया ।

इन्हां सारियां गल्लां दा असर एह् होएया भेई मेरे अन्दरे दे सै पराणे संस्कार, जेह्ड़े सुत्तीया हालत च दबोएयो थे, जागी पैए । तिन्हां दे जागदेयां ई इत्थू दिया बोलिया बाबत मिजो जेह्ड़ा हासा औंदा था. सै बी बन्द होई गया, जेह्ड़ा भरम भलेखे इत्थू बाबत थे, सै बी दूर हुंदे गए । मठें २ इत्थू दी धरती कनै इत्थू दे प्हाड़ बी नोखे लगणे ते हटी गए । इत्थू दिया बोलिया, इत्थू दी सम्यता-संस्कृतिया कनै इत्थू दे लोकां दे जीवने बाबत जाणने बुझणे दी इच्छा बदर्धा गई ।

नतीजा एह् होएया, अपनी इच्छा जो सान्त करने बास्तें हौं इत्थू दे लोकां कनै होर मेल जोल बधाया । किच्छ जगां मिजो अप्पू जाणा पेया । किच्छ मितरां-दोस्तां नै मदत कीनी, फिरी बी जिज्ञासा अजे पूरी नेई होई ।

पर जिना किच्छ अजे नाई जाणी सकेया आं तिदे करी दिले जो जेह्ड़ा सुख मिलेया, तिसा जो हौं ई जाणदा आं ।

गलां दे हन, “खरी चीज बड़ी ठुंडी नै खाणी चाई दी ऐ” एई साड़े मुलखे दी पराणी सम्यता ए । अज बी जालू इत्थू दे लोक कोई चीज घरे च बणां दे हन, तालू सै आंडियां गुआंडियां चो बी दिदे हन । जे तिन्हां जो कोई खरी चीज मिलै, तां सै लुकाई नै नेई रखदे । अज बी इत्थू एह् प्रथा ए ।

इसा परम्परा पर चलणे जो मेरा बी जी करी आएया । हौं सोचेया, जे किच्छ मिजो इत्थू मिलेया ए, सै सबनां जो दस्सां । तिसा जो अपने पास ई रखी नै हौं किल्ला ई मजा लेणे दा दोषी ना बणां ।

एह् सोच औंदेया ई कांगड़े दे बारे च लोकां जो किच्छ गल्लां दसणे बास्तें कलम चुक्की, तालू भाषा दी इक समस्या साम्हणै आई खड़ोती । हिंदी साड़े मुलखे दी राष्ट्र-भाषा ए, तिसा जो अपने हक्के ते बंचित रखणे जो पैह्लां मन

(ग)

नी मनेया । पर एह् गल्लां सोची नै, भेई राष्ट्रभाषा वी ताई फली-फुल्ली सकदी ऐ, जे प्रादेहिक बोलियां दी तरक्की होए । हिन्दी कने बाकी प्रादेसिक भाषां वी इकसी भाऊ संस्कृत दियां घीयां, दोहतियां हन, तिन्हां दा अप्पू च कोई बर-विरोध नेई, कने जित्थू दी गल होए, तित्थू दिया बोलिया च ई तिमा जो दसणे कने पढ़ने दा मजा औदा ऐ, हौं 'हाड़ी भाषा च लिखणे दा निस्चा कीता ।

कांगड़े दे बारे ई पैह्लां लिखणे कने प्हाड़िया च ई लिखणे दा दूआ कारण होर बी ऐ सै एह् ऐ, भेई किच्छ स्वार्थी कने मतलबी लोक इत्थू दे मिधे सादे लोकां जो अज बी भुलेखे च पाणे दी कोमम करा करदे हन । सै इत्थू दे लोकां रे माम्हणें इत्थू दियां कठनाइयां जो ई दस्सी नै अपणा उल्लू मिधा करना चाहंदे हन । तिन्हां फिरी एह् रौला पाणा सुरू करी दित्ता ऐ — “कांगड़ें जो पजाबे न मेली दित्ता जाए ताई इत्थू दे लांक मुखी होई सकदे हन ।”

पर हौं समझदा आ, भेई “कांगड़ें दा अपणा सब्बो किच्छ ऐ—तिदी अपणी मिट्टी बोली ऐ, जेह्ड़ी कुमी ते मंगीओ नेई, कांगड़ें दी अपणी सम्यता संस्कृति कने रैहणी बोणी ऐ । तिसा जो कुसी गल्ला बास्तें दूए दे हत्थां भलां दिखणे दी लोड़ नेई । इत्थू दे लोकां दा नरवाह् इन्हां प्हाड़ां दियां हरिया भगिया तरौटा कने ई होई सकदा ऐ, सैह्ना दिया जगमगा नै अक्खी चुनियां करी नै नेई ।”

एह् गल्ल मोचदे होए इत्थू दे लोकां जो सै इत्थू देयां लोकां जो तिन्हां दियां अपणिया बोलिया च तिन्हां दी बडियाई चेता कराई ऐ ।

इस निक्किया जिनिया कनावा च हौं कांगड़ें दिया सम्यता संस्कृतिया दे मुख २ अंगां, तीर्था, मेलेयां, तिहारां कने इत्थू दे लोकां दे जीवने दे बारें खास २ गल्लां दस्सणे दा जतन कीता ऐ । तां जे लोकां जो पता लग्गी सकें, भेई इत्थू दे प्हाड़ निरे

५५०५०

विमान विमान विमान
प्रथम प्रथम, १९७०

— विमान विमान —

पर एह, देव-भूमि ऐ, इत्ये द्वा एक एक या देव-भूमि ऐ ।
सं भयते भय च एक एक पुत्रक ऐ, विमान द्वा देव दत्तक बाप
बड़े भयते भय देी लोह ऐ । इस करी विमान देी द्वा देव देी
इत्ये नी दत्तक सकेया, भयते देी विमान देी देी इत्ये सामन
करते द्वा पुत्र २ भयते कीर्ति जागा ।

देी लोह ऐ ।
व्यापन देई सज्जता, ना देई सांजो कुसी क्रिया दे भुजेवे च पौजे
देन, विमान देी छुट्टी दे सांजो देरना दे नकलवा जा पुछले
जाते भा । इत्ये द्वा बाकी भयते देी साहिवा भयते भापिया दे
पर चहदे उतरदे भयते भयते विमान भयते राती देने बदले
देवता भयत पुत्रक दे साधना-साधना (साहिवा) देन, विमान
व्यादे सकदे भा । इत्ये दे देई भूदे ऊचे नीठे राह भयते देव
दिल लोह कर्म करदे भयते मनुष्य जीवने जा सुखी कर्म सकल
किचछ देई सकदे देन । इत्ये रे खेन साह कर्म खेन देन, विमान
करते दे एह, साहिवा देीरे, ज्वाहेराव, भुना, बादी बागरी सज्जता
परभर देई देन, एह, साह देीकर देन, देह देी देी पुत्रा मन लोह

विषय-सूची

अध्याय	विषय	पृष्ठ
१	कांगड़ा (विषय प्रवेश) Introduction	... 1
२	कांगड़े की भुगोलक-स्थिति Geographical Position of Kangra	... 5
३	कांगड़े का सांस्कृतिक जीवन Cultural Life of Kangra	... 7
४	संयुक्त परिवार प्रथा Joint Family System	... 9
५	धार्मिक एकता Religious Unity	... 11
६	कांगड़े के मन्दिर Temples of Kangra	... 12
७	कांगड़े के गुरुद्वारे Gurudwaras of Kangra	... 25
८	देस पियार Love for Country	... 27
९	कांगड़े के तिहार Festivals of Kangra	... 33
१०	कांगड़े के मेले Fairs of Kangra	... 51
११	अतिथि सेवा की भावना Spirit of Hospitality	... 62
१२	कांगड़े के रीति रिवाज Customs & Manners of the Kangra	... 65
१३	लोकों का सुभास Nature of the People	... 68

(आ)

अध्याय	विषय	पृष्ठ
१४	कांगड़े दी बोली Language or Dialect of Kangra	... 71
१५	कांगड़े दा पैह् रावा Dress of Kangra	... 73
१६	कांगड़े दे लोकां दा खान-पान Foods of Kangra	... 77
१७	कांगड़े दे ब्याह् Marriages in Kangra	... 79
१८	कांगड़े दे जन्मोत्सव Birth Ceremonies in Kangra	... 94
१९	मरण-संस्कार Death Ceremonies	... 97
२०	लोकां दा पेशा (धंधा) Occupation of the Peoples	... 99
२१	आर्थिक-अवस्था Economic-Condition	... 102
२२	कांगड़े च शिक्षा Education in Kangra	... 105
२३	अन्ध विस्वास Blind-Faith	... 107
२४	उपसंहार Summary	... 110
२५	कांगड़ा गुण-गान (कविता च)	... 111


कांगड़े की संस्कृति
कनै
लोक - जीवन

....१

कांगड़ा (विषय प्रवेश)

Introduction

ऊचियां ऊचियां बर्फा-ढकियां चिट्टियां २ चोटियां आले
बड्डे २ पहाड़ां कनै घिरेया, झूंघे २ नालुआं, लम्में २ हरे २
चीलां देयां डालुआं कनै सजेया, कुदरता दियां सूह्णियां अमर-
विभूतियां कनै भरेया, ऊचे ऊचे दियारां, बांकियां ब्हारां दा देस,



हिममण्डित धौलाधार शृंखला

ठंडियां पौणां, सीतल पाणियां दा प्रदेस, बीरां दी जन्म भूमि,
ऋषियां मुनियां दी तपो-भूमि, देवी-देवतेयां दी निवास-भूमि
एह् कांगड़ा ।

जिसा दा नाआँ चेतै आँदियां ई सरीरे च इक सिंह रन जेई
पैदा होई जांदी ऐ । दिले च इक गुदगुदी होणा लगी पौंदी ऐ ।

अक्खीं च इक मस्ती जेई छाणा लगी जांदी ऐ, इक नसा जेया ओणा लगी पौंदा ए ।

जिसा दी मन-मोहणी मूरत, बांकी सूरत दिले च औदियां ई मन खुशियां नैं नची उठदा ए । जिसा दे देवी-देवतेयां दा नाओं ओठां पर औदियां ई सिर श्रद्धा कनैं भुकी जांदा ए । जिसा दे वीरां दे कारनामे सुणांदियां ई छाती गवैं नैं फुली जांदी ऐ । जिसा दी सुन्दरता दी कहाणियां कनां च पौंदियां ई हिरदे दी कली मुस्काई उठदी ऐ ।

सै ई ऐ कांगड़ा—

जिसा दे मत्थे पर धौलीधारा दा सुन्दर मुकट सजेया ए । सतलुज कनैं रावी नदियां जिसा दे सज्जे-खब्बे अंचलां जो धोदियां रेंह दियां हन । व्यासा जिसा दे चरणा जो दिनें राती पखारदी कनैं मिट्टे सुरे नैं इसा दी अस्तुति करदी रेंह दी ऐ । गज्ज-बंडेर, मान कनैं होर अणगिणत खड्डां, चो, नालू जिसा दी प्रशंसा दे गीत गाई २ सुणांदे, दुनियां दे मने जो मोई लैंदे हन । कनैं अपने बडेरेयां कनैं मिली जिसा दी सुन्दरता दी कहाणी कन्या कुमारी ताई सुणांदे चले जांदे हन ।


सै ई कांगड़ा सन् १९६६ नवम्बर महीने ते पैह्लां पंजाबे दा शृंगार था, उसा दे मत्थे दा मुकट था, हण म्हाचले दिया माला दा इक मूहणा, चमकदार, अनमोल हीरा ए । इसा ने म्हाचले च आई नैं ना सिर्फ उसा दे जिस्मे जो दूणा कनैं शक्ति-शाली बणाई दित्ता, बल्कि उसा दिया शानां जो बी चार चंन लाई दित्ते हन । म्हाचन पैह्लां ई आपणो मिट्टी बोली, आपणे सादे अचार-विचारां कनैं आपणे चज्जा-चारां करी नैं सारी दुनियां च मसहूर था । कांगड़े ने उसा जो सब्बे पहाड़ी प्रदेशां दा सरदार बणाई दित्ता ।

सै म्हाचल, जिसा दे दुधे साईं बिट्टे कनैं चानणिया साईं चमकदे पहाड़ सारे ममार दे लोकां दे आकर्षण बणेयो थे—कांगड़े दी मूहणियां घाटियां, इधे २ नालुग्रां कनैं नौइयां ब्याइयां

बांकियां नारां साईं नाज नखरे करदियां, गैहणे छणकांदियां खड्डां
नैं लोकां दा दिल होर बी मोई लेया ए ।

जित्थू म्हाचले च पैह्लां ई केई देऊ देवते रेंह् दे थे, जिन्हां
करी सारे इस प्रदेसे जो “देव भूमि” गलांदे थे, तित्थू कांगड़े दी
देवी ब्रजेश्वरी, ज्वालामुखी दी देवी ज्वालामाई, चिन्त पुरणी
दी देवी चिन्तापुरणी आद देवियां दे मन्दरां कनैं कालेश्वर
महादेव, बैजनाथ आद शिवां दे मन्दरां नैं इसा दी पवित्रता
कनैं म्हांनता जो होर बी बघाई दिता ए ।

हण म्हाचले दे कोटखाई, कोटगढ़, नारकंडा कनैं थाणेधारां
दे बगीचेयां दे सेउआं, नाखां, आरुआं कनैं चरिया जो खाई नैं ई



बर्फी ढक्कियां धारां हेठ इक रैस्ट हाउस

लोक इसा दी तरीफ नेई करदे, हण कांगड़े दे पालमपुरे दे पट्टा,
मुंगल, बंदला कनैं गोपालपुरे दे टी-स्टेटां दी चाह बी चुस्कुआं

लाई २ स्वादे नैं पीदे हन कनें नूरपुरे दे बगीचेयां दे सन्तरे,
मालटे, ममम्मियां दा रस तूसदे, कांगड़े कनें ऊने दे अम्बां दे
बागां दे अम्ब, जामणू, तूतां दा मज्जा लैदे, गंनेयां दा रस पी नैं
गीत गादे हन । कनें एह्, गल वी चेतें रखणे आली ऐ भेई इत्थू
पैदा होणे आलिया चाइ नैं म्हाचले जो दुनिया दिया मंडिया च
मसहूर वणाई दित्ता ए ।

चम्बा, मंडी, बिलासपुर, कनें सुन्दर नगरे दे सुन्दर नगरां
नैं इस प्रदेशे जो पैह्ला ई बड़ा सजाएया, संगारेया था, ह्ण
धर्मसाला, पालमपुर, बैजनाथ कनें ऊने दे नगरां नैं इसा दी
सुन्दरता जो बांके गवरुप्रां साई होर वी नखारी दित्ता ए । ह्ण
इस प्रदेशे दी सुन्दरता जो दिखणे वास्तै इस लोके दिया ई हूरां
नीं तरसदियां, सुरगे दियां परियां वी तड़फदियां हन ।

तां अजेया कुण माहणू हुंगा—जिसा दे दिने च इस
सुन्दर इलाके बाबत जाणने बुझणे दी चाह् नीं हुंणी । तां
ओग्रा, हौं तुमां जो इसा बारे किछ गलां दसदा आं, जिन्हां ते
तूमां अप्पू ममभी जांगे, भेई एह् कांगड़ा जिसा जो अजे ताई
पहाडां कनें जंगलां दा इलाका बुझदे रए, सची मुची किना म्हान
ऐ कनें इसा च किनी सुन्दरता ऐ ।

कांगड़े दी भुगोलक-स्थिति Geographical Position of Kangra

जे अमी हुशियार पुरे ते मोटरा च बैठिये, तां १३ मील चली नै सांजो पहाड़ा दा सूहणा नजारा सुभणा लगी पौदा ए, कनै पहाड़ा दी ठंडी २ सीतल पीण साडे अंगां जो स्पर्श करना लगी पौदी ऐ—तालू अमी बुभी लैदे आं भेई असां कांगड़े च पुजी गए आं । अगै किछ बघणे पर कुसी डंगरे चारदे ग्वालुए दी मिट्टी २ एह् तान कनां च पौदी ऐ :—

ठंडी ठंडी हवा जे झुलदी,

झुलदे चीलां दे डालू ।

जीणां कांगड़े दा ॥

तां सैहरे दा सारी गर्मी, बाटा दी सारी थकीट कनै बण-खडिया दे मोड़ां च चढ़ेप्रो सिरे दे सारे चक्कर दूर होई जांदे हन ।

उत्थू ते अगै चलदे २ सप्पा साईं टेढियां मेढियां कालियां सड़कां जो पार करदे, खड़ां नालुआं चोआं दरियां जो लघदे, ऊची २ घाटियां, हरियां २ चीलां दे नजारे दिखदे, चिन्तपुरणी, ज्वालामुखी कनै कांगड़े दे देवी मन्दरां दे दर्शन करदे संभा जो बैजनाथ पुजी जाने आं । इत्थू ताई ई अज कल कांगड़े दी पूर्व पच्छमे दी हद ऐ । पैह्लां इसा बिच कुल्लू कनै लाहील-स्पीती दे जिले बी सामल थे—तालू इसा दा बंन तिब्बत बाडरे ताई था । हण सैह् बक्खरे जिले बणी गेयो हन ।

इयां ई हमीर पुर तसीला रे लदरौर ग्राएं ते लेई नै पठान-कोटे नेई चक्किया दे पुले ताई इसा दा दक्खण-उत्तरे दा बंन ऐ । एह् म्हाचले दे सबनां जिलेयां ते बड़ा कनै लम्मा चौड़ा जिला ऐ । इत्थू अज कल ऊना, देहरा गोपीपुर, पालमपुर,

नूरपुर, हमीरपुर कने कांगड़ा छे तसीलां हन। अम्ब कणं बड़सर सब तसीलां हन। इत्थू दी आबादी लगभग ग्यारां लख ऐ। सबनां धर्मा दे लोक इत्थू रेंह्दे हन। पर इत्थू पूरा धार्मिक मेल जोल ऐ—जिसा दा हाल असीं अगै लिखेया ए।

देस अजाद होणे ते पैह्लां इत्थू जस्सवां, (जसवाल रजपूतां दी रियासत), कुटलैह्ड़, गुलेर, कांगड़ा, नदीण, सुजानपुर टीरा कने नूरपुरे दियां रियास्तां हुंदियां थियां। राजे इत्थू दिया जनता दे मालक थे। पर सन् १९४७ च देस आजाद होएया। देसे दियां दूइयां रियास्तां कने इत्थू दियां रियास्तां बी मुकी गेइयां। लोक होर बी मुखी होई गए।

—०*०—

कांगड़े दा सांस्कृतिक जीवन Cultural Life of Kangra

कांगड़े दी संस्कृति अजकले दियां होरनां संस्कृतियां ते बिल्कुल न्यारी नोखी कनें सबना जो प्यारी संस्कृति ऐ । एह्, सैह्, संस्कृति ऐ, जिसा दा वर्णन सांजो महाभारत कनें पुराणां च मिलदा ए । एह्, सैह्, संस्कृति ऐ, जिसा जो अपणायी नें साडा मूलख सदियां ताई सबनां दा सरगणा बणेया रेया । एह्, सैह्, ई संस्कृति ऐ, जिसा करी साडे भारते जो सारा संसार अपणा गुरु मनदा रेया । एह्, सैह्, ई संस्कृति ऐ, जिसा जो दिखणे कनें सिखणे ताई दुनिया भरे दे लोक इत्थू औं दे भे । एह्, सैह्, ई संस्कृति ऐ, जिसा दिमा उत्तमता दी प्रशंसा मैक्समूलर, मैकडानल, ए०सी० बुलनर आद पच्छमी कनें पूर्वी विद्वानां कनें ह्वेन सगं आदि चीनी यात्रियां कीत्ती ऐ । ग्लाणे दा मतलब एह्— भेई इत्थू दी संस्कृति प्राचीन वैदिक कालीन ऋषियां मुनियां दी संस्कृति ऐ । जेड़ी सदियां ते इत्थू दे लोकां च नौआ जोश, नौआ उत्साह भरदी, तिन्हां जो नौआ जीवनदान दिदी चली औंदी ऐ ।

इसा ई संस्कृतिया च इत्थू दे लोकां दा जीवन बड़ा सूह्णा ऐ ।

चाएं मुलखे च बड्डियां २ बदलियां दियां न्हेरियां आइयां— तुगल, मुगल, पठाण, गोरे इन्धू आये, जेड़े अपणी अपणी सभ्यता संस्कृति धार्मिक परम्परां दा असर इत्थू छडदे गए—पर कांगड़े दे लोक इन्हां न्हेरियां, इन्हां असरां ते अणभिज्ज रए कनें अज बी तियां ई हन । साइसा दी उन्नति कनें श्रीणे जाणे दे साधनां दी मुखाल होणे करी इत्थू दे लोक जीवने च असर जरूर होएआ दुसदा ए. पर इना नीं, जिना होर मुलखे च । इत्थू दे सांस्कृतिक

जीवने च किछ विशेषतां हन, जिन्हां च ते खास २ विशेषतां दा हाल इत्थू दसणे ते सांजो पिछलियां गलां दिया सचाऱ्या दा पता लगी सकदा ए ।

पर इत्थू दिया संस्कृति कने सभ्यता दियां विशेषतां दस्सणे ते पैहलां सांजो एह् दिखणा जरूरी ऐ, भेई संस्कृति हुंदो क्या ए ?

जिने बी पूर्वी जां पच्छमी विद्वान् होए हन, तिन्हां नें संस्कृतिया दी बखरी बखरी विआख्या कीती ऐ । पर तिन्हां नें सभ्यता कने संस्कृति दे भमेले च पेई नें इजो समझणा होर मुस्किल वणाई दिता ए । पर जे असां मिथे सादे शब्दां च दस्सणा चाइये, तां असां इसा जो इयां दस्सी सकदे आं :—

“संस्कृति अपने जीवने जो विताणे दा ढंग ऐ । असां क्या करदे आं ? कीयां करदे आं ? क्यों करदे आं ? अपने कमा जो करने वास्तें किन्हां गलां ते, किन्हां ख्यालां ते सांजो प्रेरणा मिलदी ऐ ? एई संस्कृति ऐ । साड़े सोचने कने करने दा ढंग संस्कृति ऐ । एह सांजो दूअ तरीकेयां नें प्राप्त हुंदी ऐ, किछ साड़े जमांदरू संस्कारा ते साड़े कने पैदा हुंदी ऐ । किछ असां दिखी-सिखी नें प्राप्त करदे आं ।”

इसा गला जो साम्हणे रखी नें असां गलाई सकने आं—भेई इत्थू दे लोकां दा धर्म-संस्कार, चज्ज चार, रहन-सहन वने विश्वास सारे इत्थू दिया संस्कृतियां दे अंग हन । इन्हां ई सबनां गलां दियां विशेषतां दा वर्णन असां इत्थू कीता ए ।

—०*०—

संयुक्त परिवार प्रथा Joint Family System

कांगड़े दिया संस्कृतिया दा पैहला गुण “मिला जुला परवार” प्रथा ए। एह् प्रथा इत्थू दी संस्कृतिया दा मुख अंग ऐ। इसा दा मतलब एह् ऐ भेई सारा टब्बरे कट्टा रई नैं अपने घरे दे बड़के दे हुकमे मुताबक काम करे। सारे टब्बरे दा इक्को इ मता होऐ—टब्बरे च आपापंथी न होऐ।

इत्थू बापू ई सारे टब्बरे दा मोहूरीदार हुंदा ए। उसा दी सलाई नैं ई घरे दा सारा काम हुंदा ए। सैह् ई सारेयां कने बरतदा व्याहरदा ए। सैह् सबना कने लैने देणे दा काम करदा ए। सैह् ई घरे दियां सबनां खोटियां खरियां गल्लां दा जिम्मेवार हुंदा ए। सबे तिसा दे हुकमे नैं ई तिसा दिया सलाई नैं सब काम करदे हन।

जे घरे च बापू ना होये, तां चाचू सारे घरे जो सांभदा ए—जे चाचू बी ना होऐ, तां बड्डा भाऊ (जिजो बड़का बी गलां दे हन) घरे दे कामे काजे जो सांभदा ए। सैह् ई अपने बापुण दियां सबनां जिम्मेदारियां जो निभादा ए। छोटेयां बहूणां भाउआं पढ़ाने जो, तिन्हां जो व्याह्णे वरणे दी जिम्मेदारियां जो अपना धर्म समझी नैं पूरा करदा ए।

होरनां इलाकियां दे लोकां च चाएं एह् रिवाज मुकदा जा करदा ए—कै जे, अज जमाने दे हालात ई अजैए होई गए हन—भेई परवार इकट्ठा नेई रेई सकदा। अज जमाना एह् ऐ—भेई परवारे दे किछ लोकां जो नौकरी करनी पौआ करदी ऐ—कइयां जो अपने २ रिजके ताई होरना २ जगां जाणा पौंदा ए—इस करी सबना जो अड्डो अड्डु रैह्णा पेई गेया ए। दूई गल

एह्, भेई अज लोकां च ईरखा द्वेष इना बधी गया ए, भेई अज
इक भाऊ दूए भाउए जो दिखी नैं नेंई सुखांदा ।

पर जित्थू ताई इस इलाके दा तल्लक ऐ, इत्थू दे लोक
अजै बी इस प्रथा जो खरा बुझदे कनैं इसा जो घरे दिया
तरकिया दा साधन समझदे हन ।

—०३०—

....५

धार्मिक एकता Religious Unity

धार्मिक एकता इत्थू दिया संस्कृतिया दी दूई विशेषता ए । इत्थू दे लोग चाएं बड़े सिदे साधे हन, पर हन बड़े धार्मिक विचारां दे । इसा गल्ला दी गुग्राई इत्थू दे देवी देवतेयां दे अणगिणत मन्दर, थान, गुरद्वारे कनें डेरे हन—जिन्हां दी गिणती सुफने च बी नेई कीती जाई सकदा । इने धार्मिक स्थान होर कुती बी नेई, जिने इत्थू हन ।

इत्थू एह गल जरूर ध्यान देणे आली ऐ, भेई लोक चाएं सब्नां देवतेयां जो इको जेई भावना कनें मनदे हन, तिन्हां दी आरती-पूजा बी पूरी श्रद्धा नें करदे हन । फिरी बी इत्थू दुंह, किस्मां दे मन्दरां दी गिणती मती ऐ, जिसा ते पता लगदा ए, भेई इत्थू दू किस्मां दे लोक जियादें हन—

(क) इक साकत (शाकत) हन जेह्ड़े शक्ति (दुर्गा) जो मनदे हन ।

(ख) दूए शैव हन—जेह्ड़े शिवां दे उपासक हन ।

इसी करी मलूम हुंदा ए, इत्थू देवियां कनें शिवां दे मन्दर मते हन ।

इत्थू दे प्रसिद्ध मन्दर, गुरद्वारे, थान कनें डेरे जेड़े इत्थू दे लोकां दिया धार्मिक-भावना जो प्रगटांदे कनें स्थिर रखदे हन, तिन्हां दा वर्णन इयां ए अगले चैपटरां च ।

—o*o—

....६

कांगड़ा दे मन्दर

Temples of Kangra

असी एह पंहुलां दसी चुके आं भेई कांगड़े च अणगिणत मन्दर हन, निन्हां च बी दुर्गा कनै शिवां दे मन्दर मते हन । इत्थू देवी (दुर्गा) दे मुख्य मन्दर एह हन :—

(क) चिन्तपुरणी देवी दा मन्दर


एह मन्दर चिन्तपुरणी देवी दा ए । एथू चिन्तपुरणी भगवती दा मन्दर होणे करी नै इस स्थाने दा नां ही चिन्तपुरनी पेंई गेया ए । एह स्थान हुशियारपुरे ते लगभग तीह मील दूर तसील ऊने च हुशियारपुर - धर्मशाला दे रस्ते च (भरवाई ते इह मील ऐ । इस मन्दरे बाबत इयां कथा दसदे हन :—

“पांडवां दे जमाने विच इक माई दास नाएं दा भगत था, तिनीं माता दी भगनी कीती । माता ने शेर सवारी करी नै माई दासे जो दर्शन दिते कनै वर मंगणे वारतैं उजो बोलेया । माई दासैं प्रार्थना कीती—हे देवी ! जे तू प्रसन्न ऐ, तां इत्थू निवास कर कनै भगतां दियां मुरादां पूरियां कर । चिन्तां जो हर । देवी ने माई दासे जो उत्थू मन्दर बणाने दा हुकम दित्ता—कनै जित्थू अज कल देवी दी पिंडी ऐ, तित्थू सैं अन्तर्ध्यान होई गई । तदुए ते एह मन्दर बणेया ए । अज बी माई दासे दे वंशे दे लोक तित्थू पूजा करदे हन ।”

इत्थू असूजे दे नरातेयां कनै चैत्रे दे नरातेयां च मेले लगदे हन । देसे दे कोणे २ ते भगत माता दियां भेटां गादे दर्शन करन आंदे हन कनै अपनी श्रद्धा दे फुल चढ़ाई नै मनमंगियां मुरादां पांदे हन ।

नरात्रेयां ते छुट साउणी अष्टमी (सावन महीने दी

अष्टमी) जो इत्थू इक बड्डा भारी मेला लगदा ए। इसा जो चिन्तपुरणी दा मेला बोलदे हन—लगभग लख इठ्ठ लख जातरू इत्थू आउंदे हन। कोई भगत पैरी ई माता दा जैकारा बोलदा



मन्दर चिन्तपुरणी जी

चलेया औंदा ए। कोई होरनां कनै मिली नै माता दे भंडे चुक्की माता दियां भेटां गांदा, माता दे दरबारे च पुजदा ए। कोई साइकलां उपर चले औंदे हन तां कोई गड्डेयां उपपर। कोई

मोटरां पर तां कोई मोटर-सैकलां पर छेती २ पुजी नै माता दे दर्शन करना चाह्दे हन। कोई डंडौत अपने जिस्मे कनै सारे रस्ते जो नापदा हौलीं २ तित्थू पुजी जांदा ए। गलाणे दा मतलब एह, भेई माता दे प्रेमे दे वद्धेयो लखां जातरू मीलां पैडा करी नै रस्ते दे दुःखां, कठिनाइयां कनै मुसकलां दी परवाह् न करदे होए चिन्तपुरणी पुजदे हन। तां तित्थू कट्टे होई नै जिस बेला एह् गीत गांदे हन :—

रंग बरसे रंग बरसे गुला नारी—

भवन पर रंग बरसे।

पान सुपारी धजा नारियल,

पेह्लड़ी भेंट चढ़ाई,

भवन पर रंग बरसे ॥

तां माता दे प्यारे दा अजेया रंग बरसदा ए, भेई सारा वातावरण लाल होई जांदा ऐ। अनंदे दा समुद्र उमड़ी पौंदा ऐ, जिदे च जातरू उटकी उटकी, नची नची चुबियां लांदे हन, पर फिरी बी तिन्हां जो तृप्ती नई हुंदी। अष्टमी ते दूए दिन भगत वापस अपने २ घरां जो मुड़ना लगी पौंदे हन।

ईयां एह् देवी सारेयां दी चिन्ता जो दूर करदी कनै सबनां दियां आसां जो पूरा करदी ऐ।

(ख) ज्वाला जी दा मन्दर

कांगड़े च देवी दा दूआ मसहूर मन्दर ज्वाला जी दा मन्दर ऐ। इसा देविया जो ज्वाला माई, लाटां आली जां ज्वालामुखी बी बोलदे हन। एह् मन्दर तसील देहरे च देहरे ते ७ मील दूर ज्वालामुखी नगरे च ऐ। इत्थू ज्वालामुखी देवी दा मन्दर होणे करी नै ई इस नगरे दा नाओं ज्वालामुखी पेया ए।

इम मन्दरे च राती दिनै लाटां (ज्वालां) जगदियां रेंह् दियां हन, जिन्हां जो भगत जन देवी दा साक्षात् रूप मनी नै

पूजदे हन, माता दियां भेटां गांदि हन । श्रद्धा मूजब प्रसाद चढ़ांदि
हन कनै माता दी स्तुति करदे हन :—

खोल दे भंडार माता खोल दे भंडार,
तेरे सन्त खड़े दरबार माता खोल दे भंडार ।
सन्तां कीती जै जैकार,
माता खोल दे भंडार ॥



मन्दर ज्वाला जी

फिरी जालहु सै मिली नै "जै ज्वाला माई", "ल टां आली
माता तेरी सदा ई जै" जां "जगदीयां जोतां आली माता

तेरी सदा ई जै” आदि माता दे जैकारे बुलांदे हन, तां मन्दरे दे आसै पासै दा सारा प्हाड़ माता दे जैकारेयां कनै गूंजी उठदा ए। मलूम हुंदा ए, आसै पासै बसदे जंगली जानवर बी माता दे जैकारे बोला करदे हन।

ज्वालामुखी मन्दरे बाबत कुछ लोक कथां :—

इसा मन्दरे बाबत कई कथां प्रसिद्ध हन :—

[अ] (१) जदू दुयोंधनै पांडवां जो जुए च हराई नें बनवास दित्ता तां पांडव इत्थू आइ नें रैए, तदू पांडवां ने एह् मन्दर बणवाया। इसा गला जो भगत अज इयां गांदे हन :—

कुनी कुनी माता तेरा भवन बणाया,
कुनी कुनी चौर भुलाया, भवन पर रंग बरसे।
पंजा पंजा पांडवां नें भवन बणाया,
अर्जुन चौर भुलाया, भवन पर रंग बरसे ॥

(२) दुई गल जेह्ड़ी इस मते जो पुष्ट करदी ऐ, सै एह् ऐ भेई ज्वालामुखी दे मन्दरे ते कोई दो फरलांग दूर ऊपर “अर्जुन नांगा” नाएं दा इक टिब्बा ए—जित्थू अर्जुने दी इक नंगी मूर्ती ऐ। लोकां दा विश्वास ऐ, भेई इत्थू बैठी नें अर्जुनै तपस्या कीती थी।

(कई लोक अर्जन नागे जो नागार्जन गलांदे हन कनै तिसा दा संबंध गुरु गोरख नाथे दिया कथा कनै जोडदे हन।)

[ब] इक होर कथा जेह्ड़ी इस मन्दरे बाबत बड़ी मसहूर ऐ, सै एह् ऐ, भेई मुगल सम्राट् अकबरे जो जोतां दे वारे भरम होई गया। तिनीं सोचेया, एह् सब पांडेयां दी ठग विद्या ए। सो उमा नें जोतां पर लोए दे मोटे २ तौए चढ़ोआई दित्ते कनै उप्परे ते पाणिये दी नैह् लुड़ाई दित्ती। ह्ण उमा ने समझी लिया भेई ह्ण जोतां बुझी गेइयां। पर वारे जाइये माता दिया करामाता पर लाटां तौएआं जो पांडी नें पाणिये दिया धारा जो चीरी नें फिरी प्रगट होइ गइयां। अकबरे जो मुत्ते जो दवा पेई गया।

उठी नैं नंगीं नंगीं परीं नसदा २ माता दे चरणां च पुजा ।
 अपणी गल्लिया पर बार २ माता दे अगें नक रगड़े, माफी
 मंगी । माता दी सेवा च सूआ चोला, धजा (ध्वजा), नरेल
 (नारियल) कनें सवा मण सोने दा छत्तर चढ़ाया । एह् छत्तर
 अज बी उत्थू इक कमरे च रखेया ए, पर सोने दा नई ऐं, पता
 नई लगदा, एह् किस धाता दा ए । इसा सारिया कथा जो माता
 दी भेटा दे रूप बिच माता दे भगत अज बी इयां गांदे हन :—

अकबर बादशाह नैं नैहर कटाई,

जल बिच जोत सुहाई.

भवन पर रंग बरसे ।

नंगी नंगी परीं माता अकबर आया,

सोने दा छत्तर चढ़ाया,

भवन पर रंग बरसे ॥

[ज] इयां ई साडिया स्वतन्त्र भारते दिया सरकारां नैं बी
 दम बारां साल होए, एह् बुझेया, कि इत्थू दे प्हाड़े बिच शौद
 पटरोल कनें गैस हुंगा, ताई ऐह् जोतां जगदियां हन । एह् बुझी
 नैं उसा रोमानियां दी सरकारा कनें तेल कढणे दा इक समझौता
 कीता । रोमानियां नैं अपने कारीगिर इत्थू भेजे । तिन्हां आई
 नैं बड्डियां बड्डियां उच्चियां मशीनां गड्डी दित्तियां ।

कई महीने मशीनां दी घिरड़ घिरड़, घड़ी घड़ी इत्थू
 सुणोदी रही. मोटरां जीपां थले ते उप्पर, उप्परे ते थले दौड़दियां
 रेइयां । मलुम हुंदा, भेई अज तेल निकली आँगा, अज निकली
 आँगा—पर सै अज कदीं बी न आया, जिसा दी नियालप थी ।
 रोमानियां आले मसीनां चुकी चले गए ।

[द] इस गला ते तिनं चौं बरसां परन्त रूसे दे कारीगिर
 इत्थू आए । तिन्हां जो अपणिया कारीगिरया उप्पर बड्डा
 गमान था । तिन्हां जो पूरी उमेद थी—भेई असां जरूर पटरोल
 कढी नैं छड़गे । पर तिन्हां जो बी लगदा ए, देवी दी शक्तिया
 अगें हार मंनणी पेई । सै बी अपणा मुंह लटकाई इत्थू ते
 नसी गये ।

इयां इसा देविया दे चमत्कारां वावत होर बी मतियां सारियां बहाणियां लोक सुणादे हन ।

इत्थू बी चैत्रे कनें अस्मुए दे नवरात्रियां च ज्हारां जातरू माता दे दर्शन करन औदे हन ।

(ग) कांगड़े दा बज्रेश्वरी देवी दा मन्दर

एह् मन्दर कांगड़ा नगरे दे गब्बें ए । इत्थू दी देवी बज्रेश्वरी माता गलादे हन, कांगड़ा नगार बज्रेश्वरी देवी नें ई बसाया था ।

गलादे न— महमूद गजनी नें १००६ ई० च इस मन्दरे पर हमला कीता कनें मन्दरे जो लुटेया । इसा गलां दियां लिखतां मिलदियां न, भेई सै महमूद गजनी इस मन्दरे चे ते सत्त लख मुन्ने दियां मोहरां, सैंकड़े मण मुन्नां कनें हीरे मोती, ज्वाहरात कनें होर अणगिणत पत्थर लुट्टी नें लेई गया था ।

महमूद गजनिये ते परन्त १३६० ई० च फीरोज तुलक बादशाह इजो लुटेया ।

पुराणा मन्दर १६०५ ई० दे बड्डे हिल्लणे कनें ढेई गया था, अज कले दा मन्दर कांगड़े दिया मन्दर कमेटिया नें बणवाया ए ।

एह् मन्दर बड्डा उच्चा ए । मन्दरे दे उप्पर लग्गे मुन्ने दे कलस इसा दी पवित्रता दी कहाणी गासे ताई पुजादे मलूम हुंदे हन । मन्दरे पर भुलदे छत्तर इसा दी मसहूरी चौआं दिसां फैलादे लगदे हन ।

चैत्रे कनें अस्मुए दे नवरात्रियां च जेड़े लोक चिन्तपुरणी जां ज्वालामुखी दी जातरा बास्ते औदे हन, सै इत्थू बी जरूर औदे हन, ताई तिन्हां दी जातरा सुफल बुभी जांदी ऐ ।

(घ) नगरोटे दा चामुंडा दा मन्दर

नगरोटे नेडें चामुंडा दा मन्दर ऐ । चामुंडा भगवती चंडी

दा इक रूप ऐ । पुराणे जमाने च शुभ निशुभ नौएँ दे दो राक्षस थे । तिन्हें नें सारेयां देवतेयां जो सुरगे ते कड़ी दिता । सारे देवते मिली नें दुर्गा दे दरबारे च पुजे । उत्थू देवी दी स्तुति कीती, देवी प्रसन्न होई । देवतेयां नें राक्षसां जो मारने बास्तें देवी



भागसूनाथ दे निर्भर

अग्निं प्रार्थना कीती । भगवती नें चंडी रूप धारी नें शुभे निशुभे दा नाश कीता कनै तिन्हें रे दो सेनापतियां चंड, मुंडे जो बी मारेया—इन्हें सेनापतियां जो मारने करी नें चंडी दा तां चामुंडा पेई गया ।

तिसा ही चामुंडा दा एह् मन्दर ऐ । एह् तिस लाके च च बड़ा मसहूर मन्दर ऐ । मंगले जां त्वारे जो तां इत्थू बड़ी भीड़ हुंदी ऐ । लोक दूरे २ ते चामुंडा दे दर्शन करन इत्थू औदे हन ।

कांगड़े च देबियां दे इन्हां बड्डे कनें मसहूर मन्दरां ते छुट
इत्थू हमीरपुर तसीला च टीणी देवी दा मन्दर, नोआही देवी
दा मन्दर, ओवाह् देवी दा मन्दर, ऊता तसीला च भद्रकाली
दा मन्दर कनें चिन्तपुरणी दे नेडें सीतला दा मन्दर प्रसिद्ध हन ।
होर बी मते देवियां दे मन्दर ग्रां च मिलदे हन, जेह् डे इत्थू दे
लोकां जो देवी दे भगत सिद्ध करदे हन ।

(ड) कांगड़े च शिव जी दे मन्दर

इत्थू शिवां दे प्रसिद्ध मन्दर एह् हन :—

[अ] शिव मन्दर 'बैज नाथ'—तसील पालमपुरे च
बैज नाथ इक प्रसिद्ध नगर ऐ । इत्थू शिवां दा इक पुराचीन

बैजनाथ दा मन्दर

मन्दर ऐ । एह् मन्दर अपणी म्हानता करी नें प्रसिद्ध नई,
अपणियां पराणियां कलाकृतियां करी नें बी सारे देसे च मसहूर
ऐ । इमा मन्दरे दी कारीगिरी "साडे देसे दी भवन निर्माण
कला पुराणे जमाने च किनी उच्च थी" इसा गल्ला दी याद
करांदी ऐ । एह् मन्दर वास्तु-कला दा उत्तम नमूना ए । इत्थू
दिया कारीगिरिया जो दिखी नें अजे दे बड्डे २ कारीगिरां जो
मुं ए च उंगली पाणी पौंदी ऐ । साडे लोक सम्पर्क विभागे दे

कर्मचारी इस मन्दरे दियां तस्वीरां दसी दसी नें इत्थू दी
बडिआईं लोकां जो दसदे हन ।

इस मन्दरे च शिवरात्रि जो बड़ा बड़ा मेला लगदा ए ।
इस दिन लोक दूरे दूरे ते इत्थू शिवां दी पूजा करणा अगैदे हन ।

मन्दरे दा इक दूआ हवा

शिवां दिया पिडिया पर बिलपत्ती कनें दूधे दी लस्सी चढ़ादे
हन । बरत रखदे हन । शिवां दी कथा सुनदे हन कनें शिवां
दा जागरा करदे हन ।

[ब] कलेमर (कालेश्वर) महादेव—एह् मन्दर व्यासा
नदिया दे कंठें तसील देहरा गोपीपुरे च ऐ । इत्थू बसोए जो बड़ा
बड़ा मेला लगदा ए । उस दिन लोक बड़े चाएं २ भिमागा ते
ही उत्थू पुजणे शुरू होई जांदे हन । इत्थू आईं नें व्यास नदिया
दे निर्मल (नीर) जले च जां पंच-तीर्थिया च न्हाईं नें किछ दान
पुन करदे हन । फिरी पवित्तर मने कनें महादेवे जो जल चढ़ादे
हन, मत्थे टेकदे हन ।

व्यास नदिया ते छुट इत्थू इक पंच-तीर्थी कुंड ऐ—जित्थू
पहाड़े चे ते पाणी निकली नें इसा कुंडे च पौंदा ए । लोक दसदे
हन कि इत्थू पंजा तीर्था दा पाणी कट्टा होई नें पौंदा ए । इस
करी इत्थू स्नान करने दा बड़ा महत्त्व बुझदे हन । ताईं मरद,

जणासां, बच्चे, बुड्डे इत्थू इनें चाए कनें नौह् दे हन, जियां सै सची मुची हरद्वारे दियां हरदियां पैड़ियां पर ही नौग्रा करदे होन । ऊग्रां बी इत्थू स्नान करना पुंने दा कंम समभिया जांदा ए । कें भाई लोक बोलदे हन कि एह् जग्गा हरद्वारे ते जीं भर उच्ची ऐ ।

[ज] शिवां दे इन्हां बड्डे मन्दरां जो छट्टी नैं तसील ऊने च शिव बाड़ी, देहरे च मधीणिया दा मन्दिर कनें हरेक ग्राएं च छोटे २ शिव मन्दर लोकां दी शिवां ताई भगती सरधा जो प्रगट करदे हन ।

(च) ठाँकरां दे मन्दर

देवी माता कनें शिवां दे मन्दरां ते छुट्ट कांगड़े च कोई निक्का जां बड्डा ग्रां अजेया नई, जित्थू तुसां जो कोई ठाकुरद्वारा नई मिलगा, तित्थू भगवान् सालिग्राम (ठाँकर), राधाकृष्ण जां सीता राम मन्दरां च सजेयो तुसां जो मिलगे । इत्थू दे लोक इन्हां जो बी तिसी भावना कनें पूजदे हन, जिदे कनें सै देवी जां शिवां दी पूजा करदे हन । इन्हां मन्दरां च सुजानपुर टीरे दा मन्दर बड़ा मसहूर कनें पराणा ऐ ।

(छ) गूगा

गूगा कांगड़े दा इक होर मसहूर देवता ए । कांगड़े च ग्रांए ग्रांए च गूगे दे थान बणेओ हन, तित्थू घोड़े पर स्वार गूगे दियां पत्थरां जां लकड़े दियां मूर्तियां रखियां हुंदियां हन । गूगे जो इत्थू दे लोक गूगा छतरी (क्षत्री) करी नैं मनंदे हन । गूगे दी कथा इत्थू दे स्याणे गाई २ नैं सुणांदे हन ।

सौण म्हीने गूगा नौमी औंदी ऐ, ताल्हू गूगे दे मेले सुरू हुंदे हन । गूगे दा छत्तर चढ़दा ए । गूगे दे पुजारिये जो चेला बोलदे हन । चेला गूगे दा छत्तर लैई नैं, डौरू बजाणे आलेयां कनें घरीं घरीं जांदा ए । उत्थू डौरू बजी बजी नैं कनें नची २ नैं गूगे दे गीत गांदे हन । लोक तिन्हां जो पैसे, दाणे, कनें रोटियां

दिंदे हन । फिरी गूगे दी छिज घुलदी ए, जित्थू पैह्लवान घुलदे हन । बुड्डे, स्याणे, गवरू तित्थू नची २ नैं, भूमी २ नैं टम्मक बजांदे हन । गूगे दे गीत गांदे हन । खूब ढोल ढमाका हुंदा ए । लोक हसदे गलांदे खुशियां मनांदे घरे जो अांदे हन ।

इस गूगे दा होर बी बड्डा महत्त्व ऐ । नौई फसल निकलैं, तां पहलां नौइयां फसला दा रोट गूगे जो चढ़ांदे हन । जे घरे च जीजुए कंडुए दा भैं होई जाए, तां बी गूगे जो रोट सुखदे हन । ऊआं बी हरेक त्वारे (एतवार) जो कइयां घरां च गूगे दा रोट दित्ता जांदा ए ।

इक होर सबनां ते बड्डा महत्त्व जेह्ड़ा गूगेयां दा समझदे हन, सै एह् ऐ कि जे कुसी जो डंग होई जाए, तां तिस आदमिये जो गूगें लेई जांदे हन । तित्थू दा पंधारा लाई, पाणी पी नैं कनैं गूगे अगैं मत्था टेकी नैं सप्पे दा जेहर उत्तरी जांदा ए । इयां एह् गूगा इत्थू बड़ा प्रसिद्ध देवता ए ।

(३) बाबा बालक नाथ जां दियूट-सिद्ध

कांगड़े दे धार्मिक-जीवने च सिद्ध जां बाबे बी अपणी खास जगा रखदे हन । जित्थू लोक देवी देवतेयां दियां शक्तियां च यकीन रखी नैं बडी सरधा कनैं तिन्हां जो मनदे हन, तित्थू लोकां जो सिद्धां दियां करामातां च बी पूरा विसवास ऐ । इत्थू कई बाबे जां सिद्ध मसहूर हन । तिन्हां च बाबा बालक नाथ ऐ जिजो “बड्डा बाबा” जां “दियूट-सिद्ध” गलाई नैं मनंदे हन । एह् बाबा तसील म्हीरपुरे च बडसरे दे नेडें ए ।

इत्थू प्हाड़े दिया गुफा च बाबा बालक नाथे दी मूर्ति बणियो ऐ । पैहलां गुफा ताई पुजणे जो लकड़े दी मांज लगी थी, हण पक्कियां पैड़ियां लाई दित्तियां हन । इत्थू हरेक त्वारे जो मेला लगदा ए, दूरे २ ते जातरू छेलू कनैं बाबे दियां लाल धजां लेई नैं बाबे दे गीत गांदे पंधाड़ी देण अांदे हन । इत्थू आई नैं बाबे जो बकरू कनैं धजां चढ़ांदे हन । होर भेटा, जो मुखण कीती होऐ, सै तित्थू चढ़ांदे हन । फिरी छेलुए जो

बिजादे हन, जे छेलू बिज्जी पीए, तां बुभदे हन, भेई बाबे नैं तिन्हां दी पंधाड़ी मंजूर करी लेई ऐ। फिरी बाबे दे गुण गांदे, मत्था टेकदे, जेकारे बुलांदे मुड़ी औंदे हन।

इस स्थाने दे थलें लगभग दो मील छाह-तलाई इक जगा ऐ, गलांदे हन, इत्थू बाबा जी निक्के हुंदे गाई चारदे थे कनें तप करदे थे। इक बुद्धी तिन्हां जो रोटी कनें छाइ दा कटोरा दिदी थी। बाबा जी रोटियां इक जगा संभाली नैं रखदे थे, छाडग्रा जो तलाइया च पाई दिंदे थे। सँ ई एह् तलाई ऐ। इसा तलाइया दे बी बाबे दे जातरु जरूर दर्शन करदे हन।

इत्थू दे लोक बड़े भोले भाले हन। जे कोई मते दिन विमार रँए, कोई पागल होई जाए जां घरे च लड़ाई भगड़ा रँए, जे मुंडु स्कूलें न जाए, तां बुभदे हन कि इसा जो बाबे दा खोट ऐ। फिरी सँ बाबे जो पंधाड़ी मुखदे हन। फिरी सँ मिली नैं बाबे दी पंधाड़ी देण जांदे हन।

इयां इन्हां सिद्धां दा बी इत्थू बड़ा महत्त्व ऐ।

(झ) डेरे

इन्हां मन्दरां थानां ते छुट इत्थू साधुग्रां, महंतां दे डेरे कनें मठ बी हन, जिन्हां च इत्थू दे लोकां दी बड़ी सरधा ए। इन्हां डेरेयां च सबनां ते प्रसिद्ध डेरा बाबा रुद्रानन्द ऐ, जिजो बाबा रुद्रू बी गलांदे हन। एह् डेरा तसील ऊने च ऐ। इत्थू १०२ बरसां पुराणा अखंड धूणा ए। तित्थू पुण्यां जो, मस्या जो, त्वारे जो लोक औंदे हन। धूणे पर मत्था टेकदे हन। धूणे दी बभूता मत्थें लांदे हन। इत्थू दे मुखिया महन्त हन। इत्थू औणे आले जातरूग्रां जो लंगरे च रोटी मिलदो ए।

बाबा रुद्रू दे डेरे ते छुट धर्मसाला महंता दा डेरा, कंदरोड़ी दे महंता दी गद्दी कनें होर बी कई डेरे इत्थू हन।

—०४०—

कांगड़े दे गुरद्वारे

Gurudwaras of Kangra

कांगड़े दी धार्मिक विशेषता इत्थू दे मन्दर जां थान ही नहीं, इत्थू दे गुरद्वारे बी हन। इयां तां इत्थू छोटे गुरद्वारे होर बी हन, पर व्यासा दे कंहे नादीने दा गुरद्वारा कर्ने 'मैड़ी दा गुरद्वारा जां डेरा बाबा गुरभाग सिंह' बहुत मसहूर हन।

(क) नादीने दा गुरद्वारा

एह् गुरद्वारा गुरु गोविन्द सिंह जी दे जमाने दा मंनिया जांदा ए। इत्थू गुरु जी ने मुगलां कर्ने लड़ाई कीती थी। एह् ऐतिहासिक गुरद्वारा इत्थू व्यासा दे बनें ए।

(ख) डेरा बाबा गुरभाग सिंह दा गुरद्वारा

एह् गुरद्वारा तसील ऊने च हुशियारपुरे ते कोई २५ मील दूर हुशियारपुर ते म्हीरपुरे दे राहे च ऐ। इसा जो "मैड़ जां मैड़ी दा गुरद्वारा बी बोलदे हन। है तां एह् सिखां दा धार्मिक स्थान (गुरद्वारा) पर इत्थू दे हिन्दुआं दे दिलां विच कदीं ए गल नई आई--कि एह् कुस रा ए, कुस रा नई। सै इत्थू तियां ही सरधा कर्ने आई हन, जियां अपने देवी देवतेयां दे मन्दरां च। इत्थू बी सै "ग्रन्थ साहबे" अगै आई नै तियां ही प्रेम भावना कर्ने अपना सिर नमां दे हन, जियां होर देवतेयां दियां मूर्तियां अगै। इत्थू बी सै तियां ही ध्यान मगन होई नै सब्द कीर्तन करदे कर्ने सुणदे हन, जियां अपने मन्दरां च माता दियां भेटां गां दे हन जां ठीकर दुआरेआं च कीर्तन करदे हन। इत्थू बी सै तियां ई संघा पाड़ी नै "जो बोलै सो निहाल, सत मिरी अकाल" दा नारा लां दे हन, जियां अपने देवी देवतेयां दा जैकारा बोलदे हन।

इन्हां गलां ते पता लगदा ए, भेई इत्थू किनी भावनात्मक एकता (*Imotional Integrity*) ऐ ।

इत्थू (गुरद्वारे च) ईयां तां हरेक पुंनियां जो कनें हरेक त्वारे, कनें मंगले जो जातरू औंदे हन—पर होलियां च इत्थू इक बड़ा बड़ा मेला लगदा ऐ । ताल्हू इत्थू लखां दी गिणतियां च पंजाबे ते सिख भाई औंदे हन, म्हाचली भाऊ-बैहणां बी चाएं चाएं मेला दिखणा औंदे हन । पर क्या मजाल, जे कदी बी इत्थू किसी किस्मां दा भगड़ा होए, जां लुट मार होई होए, जां किसी माऊ-बैहणा दी बेज्जती होई होए ।

दो दिन होलियां दा मेला हुंदा ए । तीये दिन पुन्यां जो होला महल्ला हुंदा ए । इस दिन मंजी साहेबे च सिख भाई इक बड़ा उच्चा भंडा चढ़ांदे हन । भंडा चढ़ने ते परन्त सिखां जो अपने अपने घरीं जाणे दी छुट्टी मिली जांदी ए । मेला बिखरी जांदा ए ।

इन्हां सारियां गलां दा मतलब एह ऐ, भेई कांगड़े दे लोक चाएं किने बी अपने धर्म दे पक्के होण, कुसी बी देवते जो मनंदे होण, कुसी बी सिद्धे पीरे च यकीन रखदे होण, पर इन्हां च सै गल नई । जे अपने धर्म दे जोसे च दुएआं मुंड फटाने बास्ते तियार होई जाण । इत्थू तुसीं दिखेया किन्ने देवी देवता, मन्दर कनें थान हन, पर इत्थू कदी बी इन्हां गलां जो लई नैं भगड़ा नई होएया, कदी कोई दुर्घटनां नई घटी, ना ई कदी इक दूए दे सिर मुंड काटे । इत्थू सारे लोक अप्पू च इक दूए दे धर्म दा, इक दूए दे देवते दा आदर करदे होए मिली जुली नैं प्रेम कनें अपना समां बितांदे हन । सच्ची गल तां एह भेई इत्थू पूरी धार्मिक कनें सांस्कृतिक एकता ए । इत्थू दे विरोधे बिच बी इक मेल ऐ (*Unity in Diversity*) । इत्थू दे बखरे पणे च बी इक कठपण ऐ । इत्थू व्यष्टिया च बी सभष्टिया दी भावना ए ।

—०५०—

देस पियार

Love for Country

कांगड़े दे लोकां दा देस पियार सवनी थाई बड़ा मसहूर
ऐ। अपने देसे कनें पियार इन्हां दिया नसा २ च भरेया ए।
इत्थू दे लोकां जो अपने देसे दी इक इक चीज पियारी ऐ।
इत्थू दे डूँघे २ नालू छैले २ गवरू, बांकियां २ नारां कनें
तिन्हां दियां सहते साईं मिठियां २ बोलियां, इन्हां सारियां चीजां
जो दिखी नें इत्थू दे लोकां दा दिल नची उठदा ए सै तालू
मस्त हाई नें गाई उठदे हन :—

जी मेरा कांगड़े दा देस न्यारा।

डूँघी डूँघी नदियां—

तां सैली सैली धारां,

ओ सैली सैली धारां ॥

छैले छैले गवरू—

तां बांकियां बांकियां धारां,

ओ बांकियां बांकियां धारां ॥

बोलणा ते बोल पियारा—

जी मेरा कांगड़ा देस पियारा ॥

इयां गांदे जो सुणी नें दूए माहणू बी चुप नई रेई सकदे,
तिन्हां दे दिले च बी पियार लैहरां मारण लगी पौदा ए, सै बी
अपणे दिले दे भाव ईयां प्रकट करदे हन :—

कांगड़ा एह् देस मिजो

जानी ते बी पियारा ए।

हरे भरे बण जिदे, चोले जो संवारदे।

सूह्णे मन मोह्णे फुल, जिसा जो संगार दे ॥

कोलां तोते मोर पैछी, जिह्दी आरती उतारदे ।

छल छल नदी नालू, पापियां जो तारदे ॥

सै ई एह् देस सारी

दुनिया ते नियारा ए :

कांगड़ा एह् देस.....

इत्थू दे लोकां दा जीणां चाएं मता ही कठिन ए । भियागा उठी नें संभा ताई पता नहीं इन्हां जो किने क कंम करने पौंदे हन । इन्हां दा जीणा कर्मखेतरे दा साक्सात रूप मलूम हुंदा ए । तड़कैं भुम भुसैं ही उठी नें खेतिया दे कंमे च जुटी जांदे हन । लोई होइया ते गोए, कूड़े दा कंम करदे, किच्छ दतियालू खाई नें डंगरेयां दे चारने जां घाए पट्टे दा इन्तजाम करदे हन । इने च दोपैहर होई जांदी ए । फिर सै रोटी खाई नें कुसी न कुसी कंमे च जुड़ी जांदे हन । एह सबो कंम भियागा ते लैई नें संभा ताई करदेयां इन्हां दा लक्क दुखण लगी पौंदा ए । पर कंम फिरी भी नहीं मुकदा । कदीं कदीं कोई इन्हां कमां ते दुःखी होई नें गाणा लगी जांदा ए :—

घरे दा सियापा असां कुण कुण पिटणा ।

धानां बिच जान देई, कम पौंदा करना ।

चौं जंघा आला भाऊ, मोर पौंदा वणना ॥

उट्टी कनें दिक्खा लक्क, कनें बी न हुंदा ए ।

तालू ताई सूरज बी, पच्छमे घरोदा ए ॥

फिरी दिक्खा कंम पेया, तितणे दा तितणा ।

घरे दा सियापा असां, कुण कुण पिटणा ॥

इयां ही कई जणासां गांदियां हन :—

जली जाए प्हाड़ां दा देस,

अम्मां जी मै नई बसणा ।

पर इत्थू दे लोक अपणी इसा कठण कनें मुस्कलां भरी जिदडियां च भी हसदे रेंहदे हन । प्हाड़ां च चाएं उन्हां जो किनें भी कस्ट कैं न होण, फिरी भी सै इन्हां कस्टां जो मदानां दे सुखां ते खरा बुझदे हन । ताई सै गांदे हन :—

प्हाड़ां दा रहणा चंगा ओ गदिया,
 प्हाड़ां दा रहणा चंगा ओ ।
 इक ते सहिरां च गर्मी जे हुंदी,
 प्हाड़ां दा सीत न जांदा ओ ।
 सहिरां च हुंदियां बडियां धोखे वाजियां ।
 प्हाड़ां दा धर्म चंगा ओ ॥

इत्थू दी ठंडी हीआ, बरफां दा पाणी, इत्थू दे सूहणे २ फुल,
 इत्थू दे लोकां जो पियारे हन । इन्हां जो छट्टी नैं सैं होर थीं कुतीं
 बी नई जाणा चाहदे । इन्हां जो इत्थू दा जीणा ही पियारा
 लगदा ए :—

जीणा प्हाड़ां दा जीणा,
 ठंडी २ हवा चलदी, बरफां दा पाणी पीणा ।
 जीणा प्हाड़ां दा जीणा ।
 होरनां दे बागीं, सब फुल फुलदे,
 मेरे बागें फुल गोभी ।
 खाणे पीणे दा लोभ न अड़िये,
 नैनं तेरेयां दा लोभी ॥

अपणियां माऊं कनें इत्थू दे निक्के नियाणे वचपणे ते ही
 गाणा लगी पौंदे हन :—

ठंडी २ हवा जे झुलदी,
 झुलदे चीला दे डालू,
 जीणा कांगड़े दा ॥
 मर्द घरां ते बाहर कमांदे ।
 घरे च हथणू मघाणी घुमादे ॥
 भोला रज्जी रज्जी पोवे ओ ।
 गारिया देइ दित्ता इत्थे धियालू ।
 जीणा कांगड़े दा ॥

इयां ही इत्थू दे होरना लोक-गीतां च इन्हां दे देम पियारे
 दी भाती साफ दिसदी ए ।

पर इसा दा एह मतलब नई, भेई इत्थू दे लोकां जो सिरफ
 अपने कांगड़े, तिथू दे प्हाड़ा, बरफां, झूँघे नालुआं, उच्चे क्वालुआं
 चीलां दे हरे २ डालुआं कनें ई पियार ऐ। तिन्हां जो इत्थू दे
 टिल्ले टिल्ले, ठंडियां २ पौणां कनें सीतल पाणी ई पियारे हन,
 बाकी देसे कनें तिन्हां जो कोई बास्ता नई, न ई अपनी मात-
 भूमियां कनें तिन्हां जो कोई पियार नई, एह गल सोचणी बी
 साडी भुल हुंगी, तिन्हां कनें साडी बेइन्साफी हुंगी। तिन्हां दे
 दिले बिच अपने देसे दा बी उंना ई पियार ऐ। जिना अपने
 प्रदेसे दा। तिन्हां जो अपनी मातभूमिया कनें भी उंना ई
 पियार ऐ जिना अपनीया माऊं कनें। तिन्हां दे लोक गीतां ते
 ई पता लगदा ऐ, भेई जद् बी देसे जो इत्थू दे लोकां दी कोई
 जरूरत पेई सै भटपट अपनीयां जानीं कुर्बान करने जो तियार
 होई गए। इत्थू दे गबरूआं दे दिलां बिच ई नई, इत्थू दे
 छोटियां बड्डेयां सारेयां दे दिलां च देसे दा पियार ठाठां मारदा
 ऐ। इस गलां दी मिसाल सांजो पैहलां चीने दिया लड़ाइया
 दे मौकें फिरी पाकिस्ताने दिया लड़ाइया दे मौकें देखणे जो
 मिलदी ऐ। जियां सन् १९६२ च चीनें नें धोखे कनें साडे देसे
 उप्पर हमला करी दित्ता, सारे देस बासी अपने देसे दी रक्षा करने
 कनें दुममणे दे दंद खट्टे करने वास्तें दौडी पैऐ। भला कांगड़े
 दा गबरू घर कीयां बेठी सकदा था? तिनीं बी फौजां च भरती
 होई नें बैगिये जो मजा चखाणे दा निमचा करी लेया कनें अपने
 बापुए पाम जाइ नें उजो बोलेया :—

मैं बी भरती होइ जाणा मेरे बापू।

मैं बी भरती होई जाणा।

चीने नें हमला कीता असां पर,

उसा जो मजा चखाणा,

मैं बी भरती होइ जाणा ॥

बापुए ने उमा दे देस पियारे जो दिखी नें, भरती होणे
 दी आज्ञा देई दित्ती। फिरी मैं अपनीयां अम्मां पाम अमीर्बाद
 लेण गया, तां मैं बी तालू न ई रोई, न ई कुरलाइ कनें न ई

उसा दियां अक्खां चो अंजू निकले—उल्टा सै शेरनी मां बणी
नै पुत्ते जो अपने दुधे दी सौह दिदी ऐ कनै बोलदी ऐ :—

जा बच्चू अपने जो भरती कराई लै ।
शेर बच्चा जणेया, जा ! नेफा जो बचाई लै ॥
धरती नी देणी, नाले खूने दे बहाई लै ।
मरी नै जां मारी नै, तू नां चमकाई लै ॥

इत्थू दे गबरू ई वीर नई, इत्थू दी जणाम बी देमे जो
बचाणे लई अपने बभिये कनै लड़ाइया च जाणा चांदी ऐ ।
सै बी इम कम्मे च पिच्छे नई रहणा चाहदी । ताई सै अपने मरदे
जो बोलदी ऐ :—

मेकी बी लेई चल नेफा जो,
मेरे बांकु देया चाचुआ ।
हौं गलांदियां सच बो,
मेरे बांकु देया चाचुआ ॥
मैं तां सुणेया जंग लगी पई ओ,
चीने दी फौज अगे बधी गई ओ ।
तिरंगा लेया मैं हत्थ बो,
मेरे बांकु देया चाचुआ ॥

जेहड़ी कोई नौई ब्याही कनै नई जाइ सकदी, सै अपने
मरदे जो इयां करी भेजदी ऐ :—

चूड़े जो लाज मत लांदा ओ फौजिया ।
जम्मुए दे मोर्चे जो मारेयां ओ फौजिया ।
चूड़े जो लाज मत लांदा ओ ॥
खण खणौंदा बोलै मेरिया वाहं दा चूड़ा ओ ।
हारी कनै घरै मत आउंदा ओ ॥

इन्हां सारियां घटनां ते पता लगदा ऐ भेई एह सारियां
गलां केवल ख्याली जां कल्पना दा चमत्कारा ई नई, एह
बिन्कुल सचाई पर आधारित हन । अज बी इत्थू दे जहारां
नौजुआन फौजा च हन, जिन्हां चीने कनै पाकिस्ताने दिया

लड़ाइया बिच दुसमणे दे छक्के छुड़ाई दित्ते । कनें अपने देसे दा नां सारे संसारे च चमकाई नें अपनी वीरता दी धाक दुसमणा उपपर जमाई दित्ती । मेजर जनरल जकक चन्द कटोच, लै० जनरल के० एस० कटोच, लै० जनरल वी० एस० पठाणिया, मेजर जनरल वीरेश्वर नाथ (रिटायर) इत्थू दे ही सपूत हन, जिन्हां ने देसे जो आखे बेलें सम्भालेया कनें अज बी संभाला करदे हन । इन्हां ते छुट इत्थू दे होर मते जुआन अज फौजा दे उच्चेयां उच्चेयां आहूदेयां पर हन, जेह्दे राती दिनें देसे दियां ह्दां पर अपनीयां चौड़ियां छातियां ताणीं खड़ोते रेंहूदे हन । तिन्हां जो दिखी नें भारत-वैरियां जो इस देसे बल अक्ख चुकी नें बी दिखणे दी हिम्मत नई पौंदी ।

इन्हां फौजी जरनैलां-कमांडरां कनें होरनां अफसरां जो छुड़ी नें इत्थू होर बी अजेए देस भगत होए हन, जिन्हां नें मुख जो आजाद कराणे वास्तें अपना सब किछ कुरबान करी दित्ता, कनें सारी उमर अगेजां दियां जेलां च गुजारी दित्ती । इन्हां च डाडे सीबे दे बाबा कांसी राम सबनां ते मसहूर हन, जेड़े 'पहाड़ी गान्धी' नाएं ते प्रसिद्ध हन । तिन्हां वास्तें लोकां दे दिलां बिच तिनी ई श्रद्धा ए—जिनी महात्मा गांधिये ताई ।

इयां सह प्रदेस सिरफ मस्तानेया दा ही प्रदेस नई, बीरां दी जन्मभूमि बी ऐ । अपने देसे कनें प्यार इन्हां दी सम्भतां दा खास गुण ऐ ।

—०००—

कांगड़े दे तिहार Festivals of Kangra

सारे देसां दे अपने २ तिहार हुंदे हन जिन्हां जो तिथू दे लोक बड़े चाएं चाएं मनांदे हन । तिहार तिथू दिया संस्कृतिया दे प्रतीक (निशानी) हुंदे हन । इन्हां तिहारां जो मनाई नें लोक जित्थू किच्छ आनन्द लेंदे हन, तिथू इन्हां तिहारां कनै मम्बन्ध रखणे आले महापुरुषां जो चेता करी नें किच्छ प्रेरणा बी पांदे हन ।

कांगड़े च बी मने सारे तिहार मनाये जांदे हन । सै इत्थू दो संस्कृतिया दे ख अंग हन । इत्थू दे लोक अपने सारे तिहारां जो बड़े जोसे कनै मनांदे हन । जदूं बी कोई तिहार इत्थू आये, तां चाएं तिन्हां जो किने बी कम कैं न होण ? घरां च किने बी बखेड़े कैं न होण ? मै अपने तिहारां जो मनाणे ताई समां कड्डी ही लेंदे हन । इत्थू दे प्रसिद्ध तिहार एह् हन । पैहलां तिन्हां तिहारां जो दसदे आं जेह्ड़े सारे देसे च मनाए जांदे हन, सै एह् हन :—

(१) सार्वदेशिक तिहार [Common Festivals]

(क) नरात्रे (नवरात्रे)

नरात्रे भगवती चंडी दी यादा बिच मनाये जांदे हन । एह् इक बरसा बिच दो बार आंदे हन । इक बारी चैत्र शुक्ल परवे च चैत प्रतिपदा जो सुरू हुंदे हन । दूई बार अस्सुए दे शुक्ल परवे दिया प्रतिपदा जो ।

नरात्रे सत्त हुंदे हन । अठमें दिन अष्टमी हुंदी ऐ, तिसा

जो दुर्गा अष्टमी बोलदे हन । कांगड़े दे लोक बड़ियां मानां कनें बड़े उत्साहे कनें नरात्रेयां जो मनांदे हन । नरात्रेयां च लोक बरत रखदे हन । दुर्गा देवी दी पूजा, पाठ करदे हन । जौ उगांदे हन । कलसा स्थापित करदे हन । अष्टमी आले दिन कंजका दी पूजा करदे हन ।

इयां एह नरात्रे इत्थू दे लोकां दी दुर्गा दे प्रति भक्ति भावनां जो प्रगट करदे हन ।

(ख) राम नौमी

दुर्गा अष्टमी ते दूए दिन राम नौमी दा तिहार आँदा ए । इस दिन भगवान् रामचन्द्र दा जन्मोत्सव मनांदे हन । लोक घरें २ रामायण दा अखण्ड पाठ करदे हन । भगवान् राम दे जीवन दियां भातियां बजारां च कढदे हन । कुतीं २ रामनौमी जो मेला बी लगदा ए ।

(ग) बसोआ (बैसाखी)

कांगड़े च बसोए दा तिहार मेष संक्रांति अर्थात् बसाख महीने दिया संगरांदी जो मनांदे हन । इस दिन किसे तीर्थ स्थाने पर जां बगदे पाणिये च स्नान करना बड़े पुंने दा कम समझेया जांदा ए । इम करी नें लोक तड़कें उठी नें कुसी दरियाए च जां कुमी नदिया च जां होरथी बगदे पाणिये च जाइ नें स्नान करदे हन । समरथा आले लोक हरद्वार जां प्रयाग आद तीर्था पर बी चली जांदे हन । कई लोक कलेसर जाई नें व्यासा च जां पंज तीर्थिया च स्नान करदे हन, तित्थू न्होणा बी इक तीर्थ पर न्होणा बुझदे हन ।

स्नान करी नें पाणिये दा भरोया नौआं घड़ा, कनें किच्छ आटा सीधा, पैसे दान करदे हन । इसा दा अजके दिन बड़ा महत्त्व ऐ ।

कुतीं कुतीं इम दिन मेला बी लगदा ए, जियां बसोए दे मेले दा वर्णन असी अगै करगे ।

(घ) निर्जला-एकादशी

एह तिहार जेठ महीने दी एकादशी जो मनांदे हन । इस दिन लोक बरत रखदे हन । इस दिन लोकां जो मिट्टा पाणी पियाणे दा बड़ा पुन हुंदा ए । इस करी लोक मिट्टे पाणिये दे भरेयो घड़े दान करदे हन, कने भरो लाइ नें तित्थू ठण्डा मिट्टा सरबत लोकां जो प्यांदे हन । बरती लोक निर्जला-एकादशी दा महातम सुणदे हन । राती जो फलाहार करदे हन ।

(ङ) कृष्ण जन्माष्टमी

अजेया कुण अभागा भारत-बासी हुंगा, जेहड़ा इस तिहारे बावत नेई जाणदा ? इस तिहारे जो सारे लोक बड़िया सानां कने मनांदे हन । एह तिहार भादों महीने दे कृष्ण परवे दिया अष्टमी जो औदा ए । सादियां पंज हजार बरसा होइयां श्री कृष्णे न इसी दिन मथरा च वसुदेवे दे घर जन्म लेया था । कृष्णे जो सारे हिन्दू भगवान् दा अवतार मनदे हन, जिनीं सबनां दुष्टां कने राखसां जो मारी नें पृथ्वी दे भारे जो हल्का कीता । तदुएं ते इस निने जो इक तिहारे दे रूपे च मनांदे हन ।

कांगड़े च बी इस तिहारे जो तिसी घूम घामा कने रीणकां नें मनांदे हन, जिसा नें बाकी देसे च । भियागा ते हो घरां च कृष्ण जन्म दे गीत गोणे सुरू होइ जांदे हन । कृष्णे दी पूजा हुंदी ऐ । लोक इस दिन बी 'ठाकरां दा बरत' रखदे हन । मन्दरां च पंचूड़े पांदे हन । जिन्हां च बाल कृष्णे दी मूर्तियां जो भूटे दिंदे हन । कृष्ण जन्मे दियां भातियां दसदे हन । कृष्ण जन्मे दी कथा सुणदे, कीर्तन करदे हन । गलाणे दा मतलब एह्, भेई सारा बातावरण खुसिया च भूमी उठदा ए । इयां लगदा ए, जियां सची मुची कृष्ण जन्म होया होऐ ।

अधिया राती जिस बेला चन्द्रमा चढ़दा ए, ताल्ह कृष्ण जन्मे दा ममां समभेया जांदा ए । ताल्ह घरां च थालियां बजदियां हन । शंखां, घटियां, छैनेयां दियां अबाजां कने सारा

देस गुंजी उठदा ए । लोक ताल्ह कृष्ण जन्मे दा गीत गांदे हन :—

जन्म अष्टमी बुधवार

कृष्णे नै जन्म लेया जी ।

कृष्णें मारी ऐ पैह्लड़ी छाल,

जमना दे कंठे पेया जी ॥

— जां—

तन्द घर जन्मे कृष्ण मुरार जी,

जानी बलिहार जी, मै जानी वलिहार जी ।

ताल्ह अनन्दे दी अजेई बरखा हुंदी ऐ. भेई हरेक मर्द नन्द
बणी जांदे हन, हरेक जणास यशोदा होई जांदी ऐ । फिरी मिली
नै कृष्णे दी आरती करदे हन, प्रसाद खाई नै विसराम करदे हन ।

(च) दसैहरा

एह् तिहार बी सारे मुलखे च मसहर तिहार ऐ । इसा जो
इत्थू दे लोक बी बड़ियां खुसियां कने मनांदे हन । एह् तिहार
अस्सू महीनै औंदा ए । दसैहरे दे पैह्लां नरात्रे हुंदे हन ।
पैह्ले नरात्रे ते ई ग्राएं ग्राएं, नगरे नगरे च रामलीला मुरू
होई जांदी ऐ । रामलीला दिने जो हुंदी ऐ । रामलीला च राम
चन्द्र, लछमण, भरत, शत्रुघन, सीता कने हनुमाने दे स्वरूप
बणाई नै सीता दे जन्मे ते लेई नै रामचन्द्र दे राज तिलक
ताई रमैणां दिया सारियां घटनां लोकां जो दमदे हन । धार्मिक
भातियां बी कइदे हन । लोक रामचन्द्रां दे दर्शन करी नै बड़े
खुस हुंदे हन, तिन्हां दी बेनती करदे हन ।

रातीं जो राम नाटक हुंदा ए । राम नाटक दिखी नै लोक
जित्थू नाटके दा अनन्द लैदे हन, तित्थू रामचन्द्रां दे कमा ते
सिक्षा बी लैदे हन । रामलीला जां राम-नाटके ते छुट लोक
घरां च रामायणां दा पाठ करदे हन । कीर्तन करदे हन कने
रामगुण गांदे हन ।

दसमी जो दसैहरा हुंदा ए । उस दिन इक बड़ा बड़ा मेला
रावण, कुंभकरण कने उमा दे सम्बंधियां दे बंजां दे बुत बणाई
नै फूकदे हन । जिन्हां जो इत्थू दे लोक दमोदरियां गलांदे हन ।

एह् तिहार लोकां जो दसदा ए, भेई बुरे कंमां दा म्हेसां सँ ई नतीजा हुंदा ए जेह्ड़ा रावणे जो भुगतणा पेया। इयां एह् तिहार लोकां जो बुरे कंम छड़ी नँ सदा खरे कंम करने, रामचन्द्रां दे आदसें पर चलने दी प्रेरणा करदा ए।

(दसैहरे ते पैह्लां नरात्रेयां च लोक चिन्तपुरणी कनें ज्वालामुखी दी जातरा बी करदे हन, जिंसा दे बारे च पैह्लां ई दस्सी चुके आं।)

(छ) करवे चौथ

एह् जणासां दा तिहार ऐ। इम् तिहारे जो जणासां बरते दे रूपे च मनादियां हन। करवे चौथ, दूआ हरेयाली (हरि-तालिका) तिया गौतरी (गौरी तृतिया)। ईन्हां तिन्हां बरतां जो सारे म्हाचले दियां सुहाग-बंतियां जणासां अपने सुहागे दी वृद्धिया वास्तें रखदियां हन। करवे चौथ इन्हां च बड़ा प्रसिद्ध तिहार ऐ।

एह् तिहार दयालिया ते पैह्लां दसैहरे ते परन्त चतुर्थी तिथिया दे दिन आँदा ऐ। ववारियां कुड़ियां इस बरते जो मने दियां इच्छा पूरी होणे वास्तें रखदियां हन। व्याहियां अपने पति दी आयुवृद्धि वास्तें रखदियां हन।

इस दिन तड़के ई उठी नँ जणासां सरंगी खांदियां हन। तरकालां जो थालियां च बदाम कनें मटियाई रखी नँ अपने कुले दे बड़ें मनुखे दी पूजा करी नँ असीर्वाद लैदियां हन। फिरी थाली बटांदियां हन। करवे चौथा दी कथा सुणदियां हन।

राती जो चन्द्रमा दिखी नँ, उसा जो अर्घ देई नँ भोजन करदियां हन।

इस बरते दे बारे इक कथा भविष्यत् पुराणे च आँदी ऐ :—

इक राजे दी इक कुड़ी थी। तिसा दे सन भाऊ थे। भाऊयां जो सँ बैह्ण बड़ी पियारी थी। सँ तिसा बगैर रोटी नई खादे थे। इक रोजे तिन्हां दी बैह्णा दा ब्याह होई गया। अजँ सँ मक्खावे नसों गई, करवे चौथ आई गई। तिसा कुड़िया बी

बरत रखेया । तिसा दे भाऊआं नें सोचेया भेई इसा जो भुलां नें बड़ी तकलीफ होणी ऐ । उन्हां नें तिसा जो बरत छड्डी देणे बास्तें गलाया । पर उसा बैहणी बोलेया, भेई चन्द्रमां जो अर्घ देई नें ई रोटी खाणी ऐ ।

भाऊआं नें इक तरकीब कीती । नौकरां जो दूर पहाड़े पर अग बाली नें तिसा अगें महीन चादर ताणी कें बैठणे जो गलाया । भाऊआं नें रौला पाई दित्ता, भेई चन्द्रमां चढी पेया ए । राज-कुमारिया नें सच बुझी नें चन्द्रमां जो अर्घ देई करी, रोटी खाई लेई । नतीजा एह् होएया, भेई उसा दा पति (सौरेयां दें, विमार होई गेया । कुड़िया जो पता लगा, सै तित्थू गई । पति दी सेवा करदी रई पर उसा जो अराम नई होएया ।

दूए साल फिरी करवे चौथ आई । राजकुमारियां नें विधि विधाने कने बरत रखी नें चन्द्रमा जो अर्घ दित्ता, उसा दा पति ठीक होइ गेया ।

इयां इस कथा च जकीन रखी नें जणासां अज बी इस बरते जो पूरे नियमे कने रखदियां हन ।

(ज) दियाली (दीपावली)

दसैहरे ते बीयां दिनां परन्त दियाली औदी ऐ । एह् कत्तक महीने दिया मस्या जो औदी ऐ । दियालिया दा तिहार बड़ा ई प्रसिद्ध तिहार ऐ । पैह्लां दो दिन छोटी दियाली हुंदी ऐ, तीये दिन बड्डी । एह् तिहार पितरां जो दीपदान करने दा तिहार ऐ ।

इतिहासक संबन्ध :—इसा तिहारे दा सम्बन्ध हिन्दू उस दिने कने जोड़दे हन, जिस दिन श्री रामचन्द्र १४ बरियां दे बणवास ते परन्त मुड़ी नें अजुध्या च बापस आए थे । उन्हां दे ओणे दिया खुसिया च अजुध्या दे बासियां नें घरे २ घियोए दे दीये वाले थे, तिस दिने ते ई एह् तिहार चलेया औदा ऐ ।

मिख भाइयां दा मत ऐ इस दिन तिन्हां दे गुरु हरगोविन्द सिंह जी मुगलां दिया कंदा ते छुट्टे थे । आर्य समाजियां दे स्वामी

दयानन्द कनै जैनियां दे भगवान् महाबीर बी इसी दिन निर्वाण पद जो प्राप्त होए दस्से जांदे हन ।

इयां एह् तिहार सारेयां फिरकेयां दा सांझा तिहार ऐ ।
सारे इजो बड़ियां खुसियां कनै जोसे नै मनादे हन ।

दियालिया ते केई दिन पैह्ला ई लोक अपणे २ घरीं तिहार मनाणे दियां तियारियां करण लगी पौंदे हन । घरां दी सफाई करदे हन । घरां जो लिप्पी पोची, सफेदी, गोलू, प्युली मिट्टी कनै हरा गोआ फेरी नै चमकाई दिंदे हन । नियाणे पैह्ला ई तिहारे दे बाबत गलां करण लगी पौंदे हन ।

जिस दिन दियाली हुंदी ऐ, तिस दिन भियागा ते ई लोक खुसी २ सारे कम कार करण लगी पौंदे हन । घरां जो तस्वीरां, कलंडरां कनै लक्ष्मी गणसे दियां मूर्तां नै सजांदे हन । दरबाजेयां पर फुलां दे हार लटकाई नै लक्ष्मी देवी दे स्वागते बास्तै तियारी करदे हन ।

नेयाणेयां जो बी स्कूलां च छुट्टी हुंदी ऐ । सै बी सबेरा ई उठी नै, नौएं २ कपड़े पाई, अपणे २ जोड़ीदारां नै खेलणा लगी जांदे हन । पटाखे फुलभड़ियां, तिड़ितिड़ियां चलांदे हन ।

बजारां च इस दिन जेहड़ी गौणक हुंदी ऐ, तिसा दा वर्णन नेई कीता जाई सकदा । सारे बजार नौइयां लाड़ियां साई सजेयो हुंदे हन । हलवाई नौइयां २ भांती २ दियां बधियां २ मठियाइयां बणादे हन । कै भई इस तिहारे जो मठियाइयां दा तिहार बी बोलदे हन । सारे अमीर गरीब इस दिन मठियाई खरीददे हन । इस करी हलबाइयां दी तां इस दिन चांदी हुंदी ऐ । इस दिन कोई नौआं भांडा बी खरीदणे दा रिवाज ऐ । सब लोक इस दिन कोई न कोई भांडा जरूर खरीद करदे हन । नियाणे फुलभड़ियां पटाखे कनै होर अस्तबाजी (आतिशबाजी) खरीददे हन ।

जाल्ह मूरज छिपदा ऐ, ताल्ह लोक मिट्टिया दे दीये बाली नै तिन्हां दी पूजा करदे कनै पितरां जो अर्पण करदे हन । कनै अपणे कुले दे बधणे फुलणे बास्तै असीर्वाद मंगदे हन ।

तालू दीयां दी इनी रोसनी होई जांदी ऐ, भेई मस्या दिया राती जो बी चंद चढ़ेया मलूम हुंदा ऐ। न्हरे दा कुतीं बी नौ नसाण नई रेंहूदा ।

फिरी लोक लक्ष्मी कनें गणेसे दी पूजा करदे हन । लोकां दा विस्वास ऐ, भेई दियालिया दे धिय रातीं जो लक्ष्मी आंदी ऐ ।

लक्ष्मी पूजा ते परन्त लोक मठियाई जां कोई होर खरी चीज खांदे हन । अपने सारवां नातेयां, मित्रां-सज्जणां कनें आदियां गुआदियां जो मठियाई बंडदे हन । नियाणे चभड़ियां, पटाखे, तिड़तिड़ियां कनें होर अस्तबाजी चलांदे हन । कनें खुसियां नें नच्ची उठदे हन ।

इयां एह् तिहार लोकां जो अपने अन्दरां दा न्हारा दूर करी नें चमकदियां रोसनियां कनें चमकाणे दा सनेया दिदा ऐ ।

इक होर गला करी नें बी इस तिहारे दा बड़ा महत्व ऐ । बरसाती दे दिनां च घरां च सलाब आइ जाणे करी नें केइयां किस्मां दे कीटाणु पैदा होई जांदे हन । तिन्हां ते केई विमारियां फेलणे दा डर हुंदा ऐ । इस तिहारे बहानें घरां दी सफाई होई जांदी ऐ, जिस करी विमारियां दे सें जीव मरी जांदे हन । इस करी जित्थू एह् तिहार लोकां जो नोई लो दिदा ऐ, तित्थू लोकां जो निरोग बी रखदा ऐ ।

केई लोक इस तिहारे जो जूआ खेली नें कलंति करने दी कोसस करदे हन । सें गलांदे हन, भेई जेह्ड़ा इस दिन जूआ नई खेलदा सें खोते दिया जूनां उतरदा ऐ । पर एह् बिल्कुल भूठी कनें लोकां जो भलेखे च पाई नें लुटणे दी इक चाल ऐ । कुसी वेदे सास्त्रे च एह् नई लखोएया । इस करी सांजो चलाक लोकां दियां चालां ते बचणा चाईदा कनें तिहारे दिया पवित्रता जो नष्ट नई करना चाइदा ।

(३) लोह्ड़ी

इस तिहारे जो लोक पोह् महीने दे मसान्ते जानी महीने दे

अखीरी दिन मनांदे हन । संगरांदी ते ही गाएं दे निक्के २ मुंझ कुड़ियां भुंड़ियां बणाई नें रोज संभा जो घरें २ जाई नें लोह्ड़ी मंगणा सुरू करी दिंदे हन । सै घरां च जाई नें लोह्ड़ियां दे गीत गांदे हन । मुंझ गांदे हन :—

(पैह्लां इक मुंझ बोलदा ए, बाकी “हो” करदे हन)

सुन्दर मुंदरियेहो ।

तेरा कौण विचाराहो ।

दुल्ला भट्टी आलाहो ।

दुल्ले धी ब्याईहो ।

सेरक सक्कर गोदा पाईहो ।

सिरे दा सालू पाटाहो ।

.....गिणीं २ फाए दुआए.....हो ।

(एह् दुल्ला कुण था ? तिन्हें कुदे कनें अपणी धी ब्याई ? इसा गल्ला बारे अजे खोजा दी लोड़ ऐ । इसा कथा दा कुसी जो बी पूरा पता नेई ।)

लोक मुंझुआं जो दाणे, धान जां लकड़ियां दिंदे हन । इयां ई कुड़ियां बी घरें २ लोह्ड़ी मंगदियां गांदियां हन :—

पटड़े हेठ कटोरी थी ।

भावो मेरी गोरी थी ।

भावो सीस गुंदाया था ।

भाई दिखण आया था ।

.....भावो छण मण करदी आई थी ॥

त्वारे जो एह् लोह्ड़ी मंगणे आले मुंझ कुड़ियां अपणे २ घरें खरियां खरियां खाणे दियां चीजां बणाई नें तित्थू कट्टे हुंदे हन । जित्थू (इक घर) लोह्ड़ी रखी हुंदी ऐ । तित्थू सारे ई अपणियां चीजां इक दूए जो दिंदे हन, सार मिली नें खांदे हन । इसा खाणे जो सै ‘अधियारा’ गलांदे हन ।

इयां एह् अधियारा तिन्हें च प्रेम कनें भाई चारे दी भावना पैदा करदा ए ।

लोह्ड़ी आले दिन मुंझ कुड़ियां भुंड़ियां बणीं नें नौए २

कपड़े पाई नैं, गलां च गरी, दाख कनैं खोड़ा दी गिरी, न्योजेयां दे हार पाई नैं घर २ जांदे हन कनैं लोह्ड़ी मंगदे हन । लोक इस दिन तिन्हां जो तिल चौली, रेयोड़ियां, चिऊड़ां, न्योजे मुंगफलियां दिंदे हन, कनैं उबलेयो दाणे कनैं पैसे बी दिंदे हन । एह् सब चीजां लोह्ड़िया परन्त एह् मुंझ, कुड़ियां आपू बिच बंडी लेंदे हन ।

रातीं जो अंगणां च बड्डे २ गीठे कढ़ी नैं तिन्हां च अगग बालदे हन, अगगी च तिल चौली पाई नैं पूजा करदे कनैं मत्था टेकदे हन । तिल चौली कनैं रेयोड़ियां, मुंगफलियां, उबलियां छलियां खांदे हन । हसदे खेलदे, गीत गांदे हन ।

सेह्ता दी दृष्टिया ते बी इस मौसमें च तिल, गुड़, चौल खाणा बड़ा फंदेमन्द हुंदा ए । इस करी एह् बी बड़ा महत्त्वपूर्ण तिहार ऐ ।

(ज) माघी

एह् तिहार माघ म्हीने दिया संगरांदी जो मनांदे हन । इस तिहारे जो मकर संक्रान्ति बी गलांदे हन । इस दिन हरद्वारे कनैं प्रयागे च अधकुम्भी दा मेला हुंदा ए । दूरे दूरे ते लोक तित्थू स्नान करणे बास्तै पुजदे हन । कागड़े च बी लोक किसी पवित्र नदिया च नौह्दे हन । न्हाई नैं खिचड़ी दान करदे हन । कनैं अप्पू बी इसा दिन खिचड़ी खांदे हन । इजो खिचड़िया दा तिहार बी गलांदे हन ।

(ट) बसन्त-पंचमी

एह् तिहार माघ म्हीने दे अन्त च बसन्त-पंचमी आले दिन आँदा ऐ । एह् सियाल सर्दी मुकणे दी सूचना दिंदा ऐ । इस तिहारे ते परन्त सीत घटना सुरू होई जांदा ए । जियां भेई इत्थू दे लोकां च इसा तिहारे बाबत इक कहावत मसाहूर ऐ—

“ आया बसन्त, पाला उड़न्त ”

एह् तिहार मौसमे दे बदलने दा बी सूचक ऐ । इसा ते परन्त ऋतुआं दे राजा बसन्त दे चिन्ह दिसणा लगी पौंदे हन ।

रूखां पर नौइयां २ कूम्बलां निकलण लगी पौंदियां हन । सूहणे सूहणे रंग बरंगे फुल खिडणा सुरू होई जांदे हन । खेतां च सरुआं दे प्युले २ फुल लैहरांदे मने जो मोइ लैन्दे हन । फसलां पकी नें प्यूलियां होणा लगी पौंदियां हन । इयां सारी धरती सुन्ने नें मढोइयो वडी सूहणी लगदी ऐ ।

इसा तिहारे जो लोक प्युले रंगे दे साफे बन्हदे हन । जणासां कने कुडियां बी चादरी कने चुनियां ओढदियां हन । घरां च लोक प्युले रंगे दा कडाह वणाई नें खांदे हन । बजारा च हलवाई प्युले रंगे दियां मठियाइयां वणांदे हन ।

कुतीं २ बसन्त-पंचमी दा मेला बी लगदा ऐ ।

(ठ) होली

इस तिहारे दा इत्थू बड़ा महत्त्व ऐ । एह् तिहार बसन्त ऋतु च आँदा ऐ, इस करी इसा च मस्ती कने मिठास होरनां तिहारां ते जियादा हुंदी ऐ । इस तिहारे जो फागुण महीने दिया पुण्यां जो मनांदे हन ।

इस तिहारे दा जन्म लोक हरनाकस कने प्रह्लादे दिया कथा ते मनंदे हन । सतजुगे च हरनाकस नाएं दा इक राखस राज करदा था । सै अपने जो भगवान् दा अवतार मनंदा था । पर तिसा दा ई पुत्र प्रह्लाद भगवान् दिया सत्ता पर विस्वास करदा था । सै अपने बापुए जो इक सादा आदमी मनंदा था ।

हिरनाकसे नें प्रह्लादे जो बडियां तकलीफां दित्तियां । तिसा जो जैहर प्याएया, प्हाड़ें ते सट्टेया, पर प्रह्लादे दा बाल बिगा नेई होएया । अखीर हरनाकसे दी इक होलिका नाएं दी बैहण थी, तिसा जो एह् बरदान मिलेया था भेई सै बलदिया अग्नी च बी बैठी जांगी, तां बां नेई फकोगी । हरनाकसें तिजो गलाएया । सै प्रह्लादे जो लेई नें अग्नी च बेई गेई । पर एह् दिखी नें सारे हरान रेई गए, भेई प्रह्लाद तां बची गेया, पर होलिका तां जली नें स्वाह होई गेई ।

लोकां दा जकीन ऐ, भेई एह् सै ई होलिका जां होली ऐ, जिजो अज बी लोक फुंकी नें खुसी हुंदे हन ।

इसा कथा ते छुट इक इतिहासक कनै मनोविज्ञानिक अधार बी इस तिहारे दा एह् दसदे हन । जेह्ड़ा उपरलिया पुराणक कथा ते जियादा सच्च मलूम हुंदा ए । सै एह् ऐ :—

“भारते दे पुराणे लोक अग्नि देव दी पूजा करदे थे । सै जाल्हू ऋतुआं बदलदियां, इक जगा इकठ्ठे होई नै अग्नी जो पूजदे थे । नौआ नाज घर ल्योणे तै पैह्लां सै अग्नि दी भेट करदे थे । इसी दे सिलसिले च सारा दिन गाणा बजाणा हुंदा रेंहदा था ।”

पर अज कल होलिया दा जेह्ड़ा रूप ऐ, सै किछ होर ई किस्मां दा ए । अज तिसा जो दिखदे होए कोई बी धार्मिक कथां पर विस्वास नैई करदा ।

खैर ! सचाई जो बी होऐ । होलिया दा तिहार इक अनोखा तिहार ऐ, जेह्ड़ा बरियां च इक बरी आँदा ए कनै लोकां जो नौई जिंदगी देई जांदा ए । एह् इक रंगां दा तिहार ऐ, बच्चे, बुड्डे, जुआन सारे इक दूए पर लाल, हरा, प्यूला पाणी सटदे हन । केई रंगे दियां पचकारियां भरी नै इक दूए जो मारदे हन । केई बालटियां कनै ई इक दूए पर रंग सुटदे हन । केई हत्थां नै ई इक दूए दे मुंए जो रंग मलदे हन कनै इक दूए पर गुलाल सुटदे हन । सारे मिली नै होलियां दे गीत गांदे कनै मस्त होई नै नचदे हन । ढोल कनै नगारे बजांदे हन, जिसा ते सारा बातावरण संगीत मय होई जांदा ए ।

कई मूर्ख लोक होरनां पर गंदा पाणी बी सुटदे हन । आपस बिच खूब छेड़छाड़ बी चलदी ऐ । जेह्ड़ा इस दिन चिढ़ै, तिसा दी बड़ी दुर्गति बणांदे हन ।

गलाणे दा मतलब एह् भेई इस दिन छोटे बड्डे, अमीरे-गरीबे दा फर्क मिटी जांदा ए, सारे लोक अपने २ मतभेदां जो भुलाई, मिली नै रंग खेलदे हसदे गांदे कनै नचदे हन ।

रंगे दे परन्त इक दूए दे मुंए जो गुलाल मलदे हन । ताल्हू सारेयां दे मूंह लाल २ होई जांदे हन ।

रातीं जो मिली नै होली फूकदे हन, ताल्हू बी खूब बाजे

बजदे हन । सारे मरद जणामां होलिया जो इक यज मनी नैं तिसा दी केरी लेई बन्दना करदे हन ।

कइयां २ नगगरां च होलियां दे दिनां च रातीं जो डामे हुंदे हन । कुतीं २ इन्हां दिनां च कइयां किस्मां दे स्वांग बणाई नैं लोकां जो दसदे हन ।

मतलब एह्, इसा तिहारे दे मौकें दिलां जो खुसी करने आलियां सारियां गलां कीतियां जांदियां हन ।

इत्थू सुजानपुर टीरा, चौकी मुनियार कनैं राजपुर जस्सोआं दी होली दिखणे आली हुंदी ऐ ।

(१) स्थानिक तिहार [Local Festivals]

इन्हां तिहारां ते छुट सै बी तिहार हन, जिन्हां जो कांगड़े दे लोक मनांदे हन । एह् लोकल तिहार हन । इन्हां तिहारां च मुख तिहार एह् हन :—

(क) सेर

एह् तिहार कांगड़े देयां लोकां दा इक बड़ा ममाहूर लोक-पियारा तिहार ऐ जेह् डा ग्रम्सू म्हीने दिया संगरांदी जो सबनीं थाई मनांदे हन । खास कर पलमां च एह् तिहार तां बड़ा ई परसिद्ध ऐ ।

लोक तड़कें चार वजे उठी नैं सेर बिठांदे हन, जिदे च नौइयां फसला दियां चीजां, धाने दा सिट्टा, पेठा, नारे जां दाडुए दा फुल कनैं कच्चा खोड़ रखदे हन । तिदी घरे दे निकके बड्डे सारे बन्दना करदे हन । भियागा हुंदेया ई बच्चे खोड़ां दी खेल खेलणा लगी जांदे हन । किछ खाई पी नैं कट्टे होइ नैं ग्राएं दे बड्डे आदमिये दे घरीं जाई, उजो खोड़ भेंट करदे हन ? कनैं उसा दे ई घरें सारा दिन गीत गांदे रेंह् दे हन । कुड़ियां अपणेयां सौरेयां दे घरां ते मापेयां दे घरां जो आँदियां हन । कई दिनां दे बिछड़ेयो मिलदे हन ।

इस दिन इक दूए जो भोजे पर सददे हन । घरां च पकवान पकदे हन । सारे इक दूए दे घरीं जाई नैं किछ न किछ खांदे हन । ग्राएं दा नाई किरनियां च सेर पाई नैं घरीं २ जाई बन्दना करवांदा ए । गरीबां जो पकवान बडदे हन । लोक सुर पी नैं सारी सारी रात मैह् फलां जमांदे हन ।

एह् फसला दा तिहार ऐ । जियां पंजाबे च कणकां दी फसल पकणे पर बसाखी (बसाखे दी संगरांद) जो तिहार मनांदे हन, तियां ई कांगड़े च धानां दी फसल पकणे पर अस्सुए दी संगरांदी जो सेरा दा तिहार मनांदे हन ।

इस तिहारे दा इक महत्त्व होर बी दसदे हन । ग्राएं दे लोक साम-लाटां (शामलात) च चरांद रोकी नैं घाह् पालदे हन, इस जो सेर घाह् गलांदे हन । सेरी आले दिन डंगरेया जो तित्थू छट्टी दिंदे हन । सै तित्थू ढिढ भरी नैं घाह् चुगदे हन ।

इयां इस तिहारे ते इत्थू बड़े महत्त्व हन ।

(ख) गूगा नौमीं

एह् तिहार सोण जां भादों म्हीनैं औंदा ए । एह् गल पैह्लां दस्सी चुके आं भेई इत्थू (कांगड़े च) गूगे दे थान हन, तित्थू मेले लगदे हन । छिजां ते छुट इस दिन लोक गूगे दी कार मंगदे हन । कार मंगी नैं गूगे दे रोट पकांदे हन । धूप टिक्का देई नैं घरे च सुख मांतिया वास्तें, कीडू कंडुए ते बचाए वास्तें प्रार्थना करदे हन । थानां पर जाई आटा, दाणे कनें पैसे चढ़ांदे हन । गूगे जो थैयां दा दुध, जौं, घेयो भेटां करदे हन । सारेयां दा सुख मंगदे हन ।

(ग) नाग पंचमी

एह् तिहार बी बरसाती च औंदा ए । बरसाती जो सप्पां सपोलुआं दा प्हाड़ां च मता डर हुंदा ए । इस करी लोक नाग पंचमी जो, जित्थू छाह छोलदे हन, तित्थू डंगरेयां दे खुंडां पास चिट्टे, लाल, प्यूले, काले नाग बणाई नैं तिन्हां दी पूजा करदे हन । तिन्हां जो खीर, बलेई चढ़ांदे हन । अपनी कनें अपने पमुआं दी रक्षा वास्तें तिन्हां अग्रे प्रार्थना करदे हन ।

इत्थू एह् गल दमणी जरूरी ऐ, भेई नाग पंचमी ते पंज दिन पैह्लां लोक घरां च थैयां रखदे हन। जिन्हां दा मतलब एह् ऐ, भेई पंज दिन घरे दे पसुआं दा दुध, दौह, घेयो कुसी जो खाणे जो नेई दिंदे। मुच्चा रखदे हन। नाग पंचमी जो थैयां पूजा नै ई दुध, दौह आद बरतदे हन। इन्हां थैयां जो 'पजी दी थैयां' गलांदे हन। इन्हां ते पैह्लां गूगा नीमीं जो जंडी दी थैयां रखदे हन।

(घ) गोबर्धन पूजा

एह् तिहार सारे म्हाचले च इक खास रूपे नै मनाया जांदा ए। एह् दियालिया ते दूए तीये दिन आँदा ए। इस तिहारे जो कांगड़े च "गोधणां" गलांदे हन।

इस तिहारे दा सम्बन्ध भागवत पुराणे दी इस कथा कनें ए :—

ब्रजवासी हर साल इन्द्र पूजा करदे थे। तिन्हां दा ख्याल था भेई इन्द्र बरखा करदा ए, जिस करी साडियां खेतां च अन्न पैदा हुंदा ए, साडे गोधने जो अर्थात् गौं, बछुआं जो घाह् मिलदा ए। इस करी नै तिस दिन सै लोक खरे खरे पकवान पकांदे कनें इन्द्रे जो चढांदे थे।

गोपाल कृष्णे जो एह् खरा नीं लगा, तिन्हीं लोकां जो सलाह् दित्ती, भेई इन्द्रे दी बजाए सांजो गोबर्धन पर्वते दी पूजा करनी चाई दी ऐ। कं भेई इस प्हाड़े दा घाह् चुगी नै, पाणी पी नै साडियां गाई बदधियां हन, तगडियां हुंदियां हन, कनें सांजो मता २ दुध दिंदियां हन। गोबर्धन प्हाड़े दा घाह्, पाणी पी नै गाई दे बच्छू बैहड़ साडियां खेतियां दे कम करदे हन। इस करी सांजो तिसा दी पूजा करनी चाई दी ऐ।

लोकां नै कृष्णे दी सलाह मनी लेई। तिन्हां नै इन्द्रे जो छड़ी नै गोबर्धन पर्वते दी पूजा कीती। कृष्ण अप्पू गोबर्धन देवता बणी नै ब्रजे वासियां दे पकवानां जो खाई गये। लोक बडे खुसी होये।

पर इन्द्रे नै जाल्हू दिखेया भेई ब्रज दे लोकां नै कृष्णे दे

गलाए ते मेरी पूजा छड़ी नैं इक प्हाड़े दी पूजा कीती ऐ, तां उसा जो बड़ा गुम्सा आएया, तिन्हीं अपने बहलां जो हुकम दित्ता, “भेई ब्रजे च इनी वरखा करो भेई सारा ब्रज रुही जाए, पाणिये च गरक होइ जाए, तिसा दा नां निसान मिटी जाए।” स कृष्णे दी शक्तिया जो नेई जाणदा था, सै तिन्हां जो ममूली ग्वालू बुझदा था।

अपणे मालके दा हुकम मंती नैं बहलां नैं पूरे जोरे सोरे कनै ब्रज उप्पर हमला करी दित्ता, मूसलाधार वरखा होणा लगी। गलांदे हन, हाथियां दे मुंडे साईं मोटी धार पौण लगे। जिन्हां करी ब्रजवासी घबराई गए। सै कृष्णे जो दिल ई दिल बुरा भला बोलण लगे, अपणिया भुला पर पछताणा लगे।

कृष्णे नैं जातूह दिखेया भेई ब्रजवासी बड़े दुखी हन, तातूह तिनीं सारेयां जो चली नैं गोवर्धन देवने दी सरण नैणे बास्तैं गलाया। कृष्णे नैं जाई नैं सारे गोवर्धन पर्वते जो अपणिया इक अंगुलिया पर चुकी लेया। सारे ब्रजवासी अपने घरे दियां चीजां, अपणियां गाई बच्छुआं मणै तिस प्हाड़े थलै आई गए। गलांदे हन भेई लगातार सत्त दिन इन्द्रे नैं जोर लाई लेया, पर ब्रजवासियां दा किच्छ बी नेई विगड़ेया। अखीर इन्द्रे जो कृष्णे दिया सक्तिया पर विस्वास होई गेया। सै त्राहि त्राहि करदा आई नैं कृष्णे दे पैरां पर डिगेया, अपनी गलिनया बास्तैं माफी मंगी। ब्रजवासी फिरी तियां ही सुखी होइ नैं ब्रजे च रैह्णा लगे।

कांगड़ा इक प्हाड़ी प्रदेश ऐ। इत्थू दे प्हाड़ इत्थू दे गाई-बच्छुआं दे पालणे दे साधन हन। इस करी इत्थू बी इस तिहारे जो बड़े उत्साहे कनै मनांदे हन। तिस दिन त्रिकालां जो गोए दियां गोधणां वणाई नैं तिन्थू अपने बच्छुआं कट्टूआं जो फेरदे हन। तिन्हां दी पूजा करदे हन। अपने पसुआं दी राजी खुमी मंगदे हन।

(३) राष्ट्रीय तिहार [National Festivals]

इन्हां धार्मिक कनै स्थानिक तिहारां ते छुट इत्थू राष्ट्रीय

तिहार बी तिसी जोसे कनें, तिसी धूमधामा कनें, तिसी सानां कनें मनांदे हन, जिस जोसे जां सानां कनें बाकी मुखे च सै तिहार मनाये जांदे हन । इन्हां तिहारां दा संक्षेपे च विवरण हयां ऐ :—

(क) २६ जनवरी

इस दिन १९५० मने च भारत गणतंत्र घोषित होएया था, देसे च परजा दा राज होएया था । स्वर्गीय डा० राजेन्द्र प्रसाद प्रजातंत्र भारते दे पैह्ले राष्ट्रपति बणे थे । इस दिने जो इत्थू लोक बड़ियां धूम धामां कनें मनांदे हन । सबनीं जगीं तिरङ्गा झण्डा अपणियां निरालियां सानां कनें लैह् रांदा ए ।

(ख) १५ अगस्त

एह् सै भागसाली धियाड़ा ऐ, जिस दिन साडा देस सदियां दी गुलामियां परन्त अज़ाद होया था । एह् सै दिन ऐ, जिस दिन महात्मा गांधी दे अहिंसा कनें सत्याग्रहे दे सान्तमय हथियारां अगैं बिदेमियां दे तोपां दे गोले ठंडे होइ गये थे, कनें सै अपणा वोरिया-विस्तर चुकी नें समुद्रे पार होइ गये थे । इस दिन सूरजे दियां रिस्मां इक अज़ाद देसे पर पैइयां । इस दिने ते भारत वासियां नें अज़ाद पौणां च साह् लैणा सुरू कीता था ।

गलाणे दा मतलब एह्, भेई साडा स्वतन्त्रता दा दिन ऐ । इस दिन सन् १९४७ च सांजो अज़ादी मिली थी । इस दिने जो बी इत्थू दे लोक मनदि, अज़ादी दे सहीदां जो श्रद्धांजलियां दे फूल चढांदे कनें अपणे देसे दी अज़ादिया दिया रक्षा बास्तें हर कुर्बानी करने दी प्रतिज्ञा करदे हन ।

(ग) २ अक्टूबर

इस दिन अजे ते १०५ साल पैह्लां १८६६ च साडे राष्ट्रपिता महात्मा गांधी नें जिन्हां दा नाओं मोहन दास कर्मचन्द गांधी था, गुजरात काठियावाड़ च जन्म लेया था । महात्मा गांधी नें इस देसे दी अज़ादिया बास्तें जेह् डे कम कीते, सै इत्थू दे

लोक कदी नेई भुली सकदे । तिन्हां दा नाग्रों, जदूं ताई एह् देस
अजाद ए, इक तारे साई चमकदा रह्णा ए ।

अपणे पियारे राष्ट्रपिता जो श्रद्धांजली अर्पत करने बास्तें
कृतज्ञ भारतवासी इस दिने जो मनांदे हन । इस दिन बापुए जो
याद करी नें तिन्हां दे रस्ते पर चलने दी प्रेरणा लेंदे हन ।

कांगड़े दे लोक बी इस दिने जो मनाई नें बापुए ताई अपनी
कृतज्ञता प्रगट करदे हन ।

इन्हां तिहारां ते छुट इत्थू होर बी रखड़ी, भाईदूज बगेरा
तिहार हन, जिन्हां पर बैह्णां भाउग्रों जो रखड़ी बन्ददियां हन,
टिक्का लांदियां हन । इयां एह् सब तिहार इत्थू दे लोकां जो
नौई जिंदगी दिंदे हन ।

—०❀०—

....१०

कांगड़े दे मेले

Fairs of Kangra

कांगड़े च तिहारां जो छड़ी नै केई मेले बी लगदे हन, जिन्हां जो दिखणे वास्तै इत्थू दे लोक बड़े चाए चाए जादे हन । इन्हां मेलेयां दा सम्बन्ध किछ इत्थू दे तिहारां कने ई हुंदा ए । जित्थू बी कोई तिहार मनादे हन तित्थू होर बी लोक आई जादे हन । जियां हलवाई उत्थू अपणियां हटियां लाई बेई जादे हन । मुनियार अपणियां बंगां, कांटे, हार, मालां, पोडर, करीमां दे डब्बे, टिकके, बिदियां, कज्जले दे डब्बू, वच्चेयां दियां सीटियां, गणगोजू, वंसरियां, फलूस सजाई लेंदे हन । इक पास फल बेचणे आले बी किच्छ खरे, किच्छ गलेओ सडेयो मौसमे मनावक फल टोकरूआं, छात्रड़आं च पाई नै जोरे जोरे कने अवाजां मारदे हन ।

इयां ई तिन्हां जो दिखी नै इत्थू दे भोले भाले सिधे साधे गद्दी बी पिछै नेई रेंद दे, तिन्हां जो बी बपारी बणने दा चा लगदा ए । इस करी सै बी अपणियां भेडां दिया उनां दे बणेओ पट्टां, कम्बलां कने लांगां जो खलारी, कने खोड़, खोड़ां दा दंदासा, उन निक्के २ थैलुआं जां खलडुआं च पाई नै बेई जादे हन । होर बी केई लोक निक्के २ थालुआं च तेले दे पकौड़े वणाई मंजेयां पर ई सजाई नै रखी दिदे हन । केई परातडुआं च गंडोणुआं साई मंदे दे लम्मे २ लच्छे पाई नै रंग बरंगे लाल जां प्यूले सरबते जां पाणिये दियां बोतलां भरी नै फलूदा बेचना आई जादे हन । आसे पासे दे होर लोक बी तित्थू इन्हां जो दिखणे ताई कठरोई जादे हन । इयां एह् तिहार इक मेले दा रूप धारण करी लेंदे हन ।

जदूं बी कोई मेला लगणा हुंदा ए, लोकां दे घरां च तिसा बाबत पैह्लां ई चर्चा सुरू होई जांदी ऐ । नियाणे नौएं २

कपड़े सियाने बास्तें अपणे २ मापेयां जो गलां दे हन । कोई २ नौएं बूट लैणे बास्तें जिद् करदे हन । जणासां कुसी गैहणे, नक्के दे लौगे दी जां मत्थे दे टिकुलेए दी सफारम करदियां हन । जिस दिन मेला हुंदा ए, नियाणेयां जो रातीं निद नेई पौंदी । सै उठी २ नें दिखदे हन भेई भियागा होइ कै नेई । इयां चाएं सै सौ सौ हक्कां पाइयां ते बी उठणे दा नाओं नेई लेंदे, पर उस दिन तिन्हां जो होरनां नें तां क्या जगोणा सै ई होरनां जो जगाई दिदे हन । जियां भेई होरनां जो जगणे दी रोजा ड्यूटी इन्हां दी ऐ ।

भुस भुसै ई उठी नें सै मेले जाणे दी तियारी मुरू करी दिदे हन । नियाणे नौएं नौएं कपड़े, भग्गू, सुथणू, सिरे पर नौआं टोपू लाई, पैरां च नौएं जुट्टू जां बूट पाई नें भटपट तियार होई जादे हन । तिन्हां जो मेले जाणे दी इन्नी खुसी चही जांदी ऐ भेई खाणा पीणा बी भुली जांदा ए । जणासां बी मुएं जो कनें पैरां जो घसी २ कनें दुधे साई लसकाई नें सूहणे २ कपड़े पैह्दियां हन । सिरे पर नौआं रंगदार सान्हू ओढ़दियां हन । नौआं जां धोइ करी कै रखेया छौटा जां सूफा दा लेंहंगा कढदियां हन । फिरी नक्के च मुन्ने दा मोटा जेया लौंग जां मोटिया डंडिया आली बड्डी नत्थ पाई नें, कन्नां च बड्डियां भुमकुआं आलियां बालियां लटकाई नें, मत्थे पर टिकलू जां बिन्दलू सजाई, अखां च काले कज्जले दी लम्मी धार बाई नें, गले च मुन्ने जां चांदिया दा लम्मियां लरजां आला हार, कलाइ, हत्थां च मुन्ने चांदिया दे गूठियां, छल्ले पाई नें बाई च चांदिया दे चौड़े चौड़े चनें साई चिट्टे बंद जां बंगां पाई नें, पैरां च भांभरां जां सग्लेयां दी छणमण करण लग्गी जांदियां हन, जेह्डी इमा गला जो दसदी ऐ, भेई सै मेले जाणे बास्तें पूरी तरां तियार होई गइयां हन ।

पलमां दे इलाके दियां गह्णां दा अपणा ई भरौआ (पहनाबा) हुंदा ए, जेह्ड़ा दिखदे ई बणदा ए । सै मेले जाणे ताई नौआं नकोर दुधे साई चिट्टा चोला कढदियां हन । नौआं फुलदार छौटा दा रंग बरंगा पूरा दसां गजां दा लेंहंगा,

जेह्ड़ा इसी कमें बास्ते संभाली नें रखेया हुंदा, पेहनदियां हन । नौआं डोरा जेह्ड़ा पिछलिया बरसां ई काले भेडुए दिया उंना दा बणाएदा हुंदा ए, लक्कें लपेटदियां हन । मत्थे पर चौड़ा लाल बिंदला तिन्हां दे कुदरती रूपे जो होर बी नखारी दिंदा ए । तिन्हां दिया जूआनिया च होर बी बहार आई जांदी ऐ । तिन्हां दे इसी सरूपे पर मोह्त होई नें इक कवि इयां बोली उठेया :—

मेले जो तियार बंठी, गहिया दी नार ए ।
चिट्टा चोला पेन्ही करी, लगै धौलाधार ए ॥
काला डोरा बन्ही करी, लगै मटियार ए ।
एड्डा रूप दिखी करी, आई तां बहार ए ॥
कोके दा जो पौंदा ए, सूहणा लसकारा ।
चित्त मोही लैदा कनें, लगदा ए पियारा ॥

एह् तां होई, नियाणेयां कनें जणासां दी गल, हण तुसां सुणां इत्थू दे मरदां दी बी गल । जिसा बेला सै अपने नियाणेयां जां जणासां जो मेले जांदेयां जो दिखदे हन, तां तिन्हां जो बी अपना बचपन चेतें आई जांदा ए । बचपने दी तस्वीर तिन्हां दियां हक्खीं चों लघणी मुरू होई जांदी—“जालू सै बी नियाणे हुंदे थे —तालू कियां सै अपणियां अम्मां कनें भगड़ी नें मेले जो नौआं भग्गू, सुथणू सियांदे, हत्थां दा बणेया नौआं जुटू ल्योदे, तां जिस दिन मेला हुंदा, तिस दिन भियागा ई तौलें तौलें तियार होई नें अपने संगी-साथियां, हमजोलियां कनें बांदरां साईं उटकदे मटकदे, किलकदे, खेलदे मल्हदे, हसदे गांदे सारेयां ते पेह्लां ई मेले च पुज्जी जांदे थे ।”

एह् सब किच्छ चेतें आंदेयां ई सै बी घरे दे फिकरे जो छट्टी नें, मुंह हत्थ धोई नें, मुच्छां जो काला जेया मसाला (खजाब) मली नें मलमले दा चिट्टा जां रंगदार, जेह्ड़ा कुसी नें मुडुए दे व्याहे जो रंगाया हुंदा ए, साफा बन्हीं नें, नौआं कुरता पजामा, फतूई पेन्ही नें, नौएं ना होण तां पुराणे जूट्टेयां जो फाटिया लीरा कनें पूंभी नें जमीनां पर दो तिन बरी ठप ठप करी भाड़ी नें, साफ करी नें तियार होई जांदे हन ।

ईयां सब्बे मरद-जणासां, गवरू, छोहरू सजी संगरोई करी मेले जो जिम बेलां चलदे हन, तां रस्ते दा सारा बातावरण मस्ती भरिया मलूम हुंदा ए। जिस बेला सारे ई अपणे अपणे हाणियां कनें टोलियां बणाई नै, हसदे गलां दे मेले भलां जां दे हन, ईयां लगदा ए भेई ब्रह्मा दिया सृष्टिया च हण दुःखे दा नां निसान मिटी गया ए। निक्के २ छोरू छोरियां अपणे २ हाणियां सौमी लंगूरां साईं टपूसियां मारदे, तांह् उतांह् दियां गप्पां मारदे, जे पढ़े होण तां अपणे मास्टर - मास्टरनियां दी न्दिया कनें प्रसंसा करदे अगे २ नसदे जां दे हन। कुड़ियां मिली नै इक दूइयां दे गले च बाईं पाईं नै मिठिया तानां च गीत गां दियां जां दियां हन।

बुड्डे बुड्डियां दियां बी अपणियां ई टोलियां बणियां हुं दियां हन। सै बी अपणे बीते सभे दियां गलां करदे, अपणे २ पुराणे कारनामेयां दियां डीगां मारदे, फिरी जुआन मलूम हुं दे हन। नौएं नौएं गवरूआं दी तां गल ई क्या करनी। सै तां जुआनियां दे घोड़े पर स्वार होई, मस्तियां दे फंग लाई सारेयां दे उप्परी उड़दे २ सबनां जो लंघदे पिच्छे छड़दे चले जां दे हन। नौइयां व्याहियां जोड़ियां दी तां अपणी ई चाल हुंदी ऐ। सै तां दुनियां दे सारे भगड़ेयां स्यापियां ते दूर अपणे ई सुरगे दे हुलारे लैदे, नखरे नजाकतां करदे धरती पर इयां डग्दे डरदे पैर रखदे चलदे हन, जियां भेई तिन्हां दे पियार भरे दिले जो ठोकर बजणे दा डर होऐ।

इयां सब्बे जणे अपणी २ दुनियां च मस्त होए, कुसी अणबुभे नसे च डुब्बे मेले भल नठदे चले जां दे हन। बाटा कोई क्वाल आई जाए, तिन्हां जो कोई पता नेई, कुस बेल कोई गये जां लोई गये। चाएं कोई खडुनालू आई जाए, तिन्हां जो कोई चेता नेई काल्हू लंघी गये। उप्पर धुप पौआ करदी ऐ जां छात्रो ऐ। गास साफ ऐ जां बग्खा लगणे आली ऐ, इन्हां गलां दी तिन्हां जो कोई चिन्ता नेई। सै तां अपणियां धुनां च मस्त होए, अगें बढे, मेले च पुजी जां दे हन। सै किनां पैडा करी आये हन, तिन्हां जो कोई पता नेई लगदा।

मेले च पुजी नैं तां होर बी रंग बज्भी जांदा ए। चौहू, पासीं मुन्दरता दा समुद्र ठाठां मारदा दिसदा ए। इयां लगदा ए, भेई बुढापे जो जुआनी आई गई ऐ। कुसी जो कोई गम नेई, कुसी जो कोई उदासी नेई। कुसी दा चेहरा मुरभाया नेई। कुसी दा मुंह लटकेया नेई। सारे जणे हसदे गांदे हन। सबनां दे रिस्तेदार, सम्बन्धी, मित्र, सज्जन तित्थू मिलदे हन। तिन्हां जो जपफियां पाई २ मिलदे हन। चिरां दे बिछड़ेयो साख नाते, जाणू पछाणू तित्थू मिलदे हन। इसी करी इसा दा नाआं बी “मेला” पेया ए।

मेले च नियाणे वंसरियां, बाजे, गणगोजू कनैं सीटियां बजादे हन। जिन्हां दी आवाज मेले च नौई रीणक पैदा करी दिदी ऐ। मुनियारां दियां हट्टियां पर तां मटियारां दी ई भीड़ हुंदी ऐ, तित्थू सै अपणियां गोरियां गोरियां बाई जो जेह्ड़ियां पहलैं ई चूड़े जां वन्दां कनैं सजियां हुंदियां हन, रंग बरंगियां लाल २ बंगां कनैं होर बी सूह्णियां बणाने दी कोसिस करदियां हन। कोई होर टिकलुए बिदलुए दा ई साज समान खरीददी ऐ। कोई कज्जले दे डब्बू जां परांदु।

इन्हां चीजां वस्तां जो खरीदणे बेनैं जेह्ड़ा अपू चीं हासा मखौल हुंदा ए, सै बी बड़ा मजेदार हुंदा ए।

हलबाइयां दी तां इत्थू चांदी ई हुंदी ऐ। जे मेले आई नैं पाआो भर जलेबियां नेई खादियां तां मेले आई नैं कीता ई क्या ? इस करी जे होर किच्छ नेई तां पाआो - अघ सेर जलेबियां जरूरी खांदे हन, कनैं अपने मेलियां गेलियां जो खुआंदे हन।

जित्थू मरदां जां नियाणेयां जो अपने खाणे पीणे दा ई फिकर हुंदा ए तित्थू घरे दिया घरीणिया जो घरे दियां जरूरी लोड़ां दा बी ख्याल रेंह्दा ए। उजो घरे दे फुट्टेयां दुधूनुआं कुज्जुआं - मल्लुआं दा चेता आई जांदा ए। फिरी उजो तिन्हां दा ई फिकर लगी जांदा ए। तां सै दूधे काढ़णे जो दुधूनू, छाई पाणे जो छनाड़ी कनैं दहुएं जो धियालू खरीदी लेंदी ऐ। निक्के जेए मुन्नुएं जो खलाणे वास्तें छूण-छूणू लेई दिदी ऐ। उसा दे

पैरां जो निक्के निक्के बूटलू लैंदी ए । मुन्निया जो रंगदार घुंइ
कनै गले जो मणकेयां दी माला लेई दिंदी ए । गलाणे दा मतलब
एह् भेई सारे जणे अपणी अपणी जरूरतां दियां चीजां खरीददे,
हसदे गलांदे मेले च घुमदे फिरदे हन ।

एह् सब किच्छ करदे करांदियां कोई मिठ्ठे सुरे नै जातहू
इयां गीत गाण लगी पौंदा ए :—

कीयां बोलदा मेरी जान भाबी,
कूकू कीयां बोलदा ?
भरेया घड़ोलू भाबी डगिया पर रखेया ।
चुकणा नीं दिदा ठाणेदार,
भाबी कूकू कीयां बोलदा ?
दराणी जठाणी भाबी पाणिये जो चलियां
बाई पर मंजर तेरा,
भाबी... ..

तां सुनणे आले भूमणा लगी पौंदे हन । इयां ई सारा दिन
खुसियां मनांदे, खांदे पींदे सब लोक संभा जो घरें मुड़ी आंदे हन ।

एह् मेले इत्थू दे लोकां जो इक नौआं हींसला, नौआं जोस
कनै अगें कम करने दा नौआं उत्साह देणे दा साधन समझे जांदे
हन । कुतीं कुतीं इन्हां मेलयां च पसुआं दी मंडी बी लगदी ऐ ।

कांगड़े दे मसाहूर मेले एह् हन :—

(क) देवी दे मेले

एह् मेले नरात्रेयां च चिन्तपुरणी, ज्वालामुखी, कांगड़े कनै
चामुंडा देवी मन्दरां च लगदे हन । इत्थू नौ दिन मेला लगदा
ए । दुर्गा अष्टमी जो बड़ा मेला हुंदा ए । दूरे २ ते देवी दे
भगत जां होर लोक इत्थू मेला दिखण आउंदे हन । (जियां भेई
पह्लां इन्हां दा वर्णन कीता जाई चुकेया ए) ।

(ख) बसोए दा मेला

एह् मेला व्यासा नदिया दे कंठें बसाख महीने दिया
संगरांदी जो लगदा ए । इसी करी इसा जो बसाखी बी गलांदे

हन । इत्थू लोक ब्यासा च जां पंज तीर्थिया च न्हौं दे कनै मेला दिखदे हन ।

(ग) चिन्तपुरणी दा मेला

एह् मेला सौण म्हीने दी अष्टमी जो चिन्तपुरणी लगदा ए, तिसा च हजारों लखां लोक कट्टे हुंदे हन । इसा दी बाबत पैह्लां ई लिखी चुके आं ।

(घ) गूगा नौमीं दा मेला

एह् मेला तां लगभग कांगड़े दे सबनां आं च लगदा ए । जित्थू २ बी गूगे दे थान हन, तित्थू २ गूगे दे मेले लगदे हन । एह् मेले भादों म्हीने दिया नौमीं, जिजो गूगा नौमीं गलांदे हन, लगदे हन ।

मेले ते पैह्लां गूगे दे छत्तर चढ़दे हन । गूगे दा चेला छत्तर लैई घर २ जांदा ए, तिदे कनै गूगे दे गीत गाणे आलेयां दी इक टोली हुंदी ऐ । जेह् डी डौरू वज्जी वज्जी नैं, नची २ नैं गूगे दे गीत गांदे हन ।

जिदन गूगे दा मेला जां छिज हुंदी ऐ, रातीं जो गूगे दे थानां पर टम्मक कनै ढोल बजी नैं छिजा दी सूचनां लोकां जो देई दिती जांदी ऐ । सारी रात टम्मक बजदा रेंहदा ए । भियागा मेला लगदा ए । लोक दूरे २ ते छिज दिखण आंदे हन ।

पैह्लां जदू सस्ते समें हुंदे थे, तदू दूरे २ ते बड्डे २ पैह्लवान इन्हां छिजां च मुलणें बास्तें आंदे थे । पर हण जमाना ई बदली गया । देसे च लोक दुधे दे पोडरे दी चाह् पीण लगी पये । जे दुध ई नेई रेआ तां घियो कुत्थू ते होणा ? एह् चीजां ना मिलणे करी मुलखे च पैह्लवानां दा बी अभाव होई गया ।

पर फिरी बी उत्थू दे ई जां नेड़े तेड़े दे थोड़े मते पैह्लवान निकली ई आंदे हन ? कनै निक्के २ छोह् रू किच्छ पैसेयां दे लालचे च भग्गुआं खोली नैं इक दूए दी पिठु लाई छिजां दिया रस्मां जो पूरी करी दिंदे हन ।

तसील ऊने च कड़पे दे गूगे दा मेला बड़ा पराणा कनें मसाहर ऐ ।

(ड) सैरी दा मेला

इसा तिहारे बाबत पैह्लां दस्सी चुके आं, भेई किन्नां बड़ा तिहार ऐ । इस दिन तिथू (पलमां च) मेला बी लगदा ए !

(च) दसैहरे दा मेला

एह् मेला अस्सुए देयां नरात्रेयां च लगदा ए । लोक पैह्ले नरात्रे ते ई दिने जो राम लीला करणा लगी जांदे हन । जिसा बिच रामचन्द्रां दी लीला ते छुट धार्मिक भातियां लोकां जो दसदे हन । रातीं जो राम नाटक जां दूए धार्मिक ड्र मे खेलदे हन । दसैहरे आले दिन तां रौणक दिखदेयां ई बणदी ऐ । जाल्हू इक पासै हनुमाने दी बानरी फौज (जेह्ड़ी लाल रंगे दे कपड़े लाई छोहरूआं दी बणी हुंदी ऐ) कनें दूए पासै काले कपड़े पैह्नी राखसां दी सैनां बिच लड़ाई हुंदी ऐ, तां बड़ा नजारा बभदा ए ।

रावणे दे मरने परन्त तिदे बुतां जो जाल्हू अग्न लगदी ऐ, तां सब लोक खुस होइ नैं चाटकियां बजांदे हन ।

एह् मेला लोकां जो सिखेया बी दिंदा ए । लोक रामचन्द्रां दे आदर्मा पर चलने, कनें रावणे दे बुरे कमां जो तिदे नतीज्यां जो दिखी नैं बुरे कमां ते वचणे दा निस्चा करदे हन ।

(छ) पंज भीष्मां दा मेला

एह् मेला कत्तक म्हीने डेरा बाबा रुद्रानन्द, जिजो बाबा लुद्रू बी गलांदे हन, जिह्ड़ा ऊने ते छे-मत मील दूर ए, तिथू लगदा ए । लोक कादसी ते ई पंज भीष्मां दे दीये बालणा सुरू करी दिंदे हन । पुण्यां जो एह् पर्व मुकदा ए । तिस दिन तिथू बड़ा मेला लगदा ए । हजारां लोक तिथू आंदे हन, इक मेला लगी जांदा ए ।

तित्थू बड़े २ पंज पिप्पल हन। गलां दे हन। सै पैह्लां पंज ऋखी हुंदे थे, जेह्ड़े तित्थू तपस्या करदे थे। तपस्या करदे करदे सै तित्थू ई समाई गए। तदुएं ते लैई नैं एह् मेला तित्थू लगदा ए। मेले च औए लोक तित्थू आटा, दाणे कनै पैसे चढ़ां दे हन।

(ज) डले दा मेला

धर्मसाला दे नगरे ते उपर भागसू नाथे पास इक बड़ी बड्डी पाणिये दी भील ऐ, जिजो “डल भील” गलां दे हन। इत्थू दो-तिन मन्दर बी हन। इयां तां इत्थू भीला दे कनै पहाड़ां दे सूहणे नजारे ते छुट होर कोई रौणक नेई हुंदी, पर कत्तक म्हीनैं तित्थू इक मेला लगदा ए, जिजो “डले दा मेला” गलां दे हन। ताल्हू उत्थू दुकानां बी लग्गी जांदियां हन। सारिया धर्मसाला दे लोक कनै आसे पासे दे पहाड़ां दे लोक तित्थू मेला दिखण आई जां दे हन। बड़ी रौणक हुंदी ऐ। लोक इत्थू मेला दिखी नैं भागसू नाथे दे दसन बी करन जां दे हन।

(झ) शिवरात्रि दा मेला

एह् मेला शिवरात्रि दे दिन बैजनाथ दे मन्दरे च लगदा ए, जिसा दा पैह्लां वर्णन करी चुके आं।

(ञ) होला मुहल्ला (मैड़ी)

होलियां दे दिनां च एह् मेला मैड़ी जित्थू डेरा गुरभागसिंह दा गुरद्वारा ए, तित्थू लगदा ए। तित्थू लखां दी गिणती च पंजावे दे सिख भाई कनै इत्थू दे लोक कट्टे हुंदे हन। इंनी भीड़ हुंदी ए, भेई बड़ियां २ माहणुआं दा बी साह् घटोई जांदा ए।

खास करी नैं गट्टणां तित्थू भारी गिणती च औदियां हन, जिन्हां च मतियां सारियां ओत्थू गुरद्वारे च सिर खलारी नैं, मुंड घुमाइ २ नैं उच्चि २ कूकां मारदियां हन। गलां दे हन भेई इन्हां जो छलेडा चिमड़ी गोया ए, तिस करी एह् कूकां मारदियां

हन । अदेया लीकां च बिस्वास ऐ, भेई तित्थू मत्था टेकी नैं सै
राजी होई जांदियां हन ।

पुन्यां एकमा दे गब्बें उत्थू “मंजी साहब” गुरद्वारे च इक
बड्डा उच्चा प्यूले रंगे दा भंडा चढ़दा ए, जिजो होले दी रस्म
गलांदे हन । भंडा चढ़ने ते परन्त जातरूआं जो जाणे दी छुट्टी
होई जांदी ऐ, तात्हू मेला छुट्टी जांदा ए जानी बिखरी जांदा ए ।

इस मेले दी खास विसेषता एह् आ, भेई इस मेले च हिन्दू-
सिख कनैं मुसल्मान सब आँदे हन । पर कदी बी कोई दुःखदायी
घटना नेई घटी । एह् मेला सारेयां लोकां जो साम्प्रदायिक
एकता (*Communal Unity*) धार्मिक सहनसीलता (*Religious
Tolerance*) कनैं सबनां जो मिली जुली नैं रह्णे दा मारग
दसदा ए ।

इन्हां बड्डे २ मेलेयां ते छुट इत्थू होर बी केई छोटे २ मेले
ग्राएं २ च टैमे टैमे पर लगदे हन । तिन्हां च दो तिन एह् हन :—

(१) शिवबाड़ी दा मेला

गगरेटे ते इक मील दूर “शिवां दी बाड़ी” ऐ । एह् मेला
तित्थू बसाख म्हीनैं शनिचर वारे जो लगदा ए । उत्थू इक
पुराणे जमाने दा शिवां दा मन्दर ऐ । मन्दरे दे आसैं पासैं बड़ी
बड्डी बाड़ी (भिड़ी) ऐ । इसी करी इस जगा दा नाआं शिव
बाड़ी जां शिवां दी बाड़ी पेया ए ।

लोक मन्दरे च मत्था टेकी नैं मेला दिखदे हन ।

(२) पिप्पलू दा मेला

तसील म्हीरपुर कनैं ऊने दिया हद्दा पर इक पिप्पलू नाएं
दी धार ऐ । तिजो पिप्पलू, दी धार गलांदे हन । तित्थू इक
शिवां दा कनैं ठाकरां दा मन्दर ऐ । तित्थू एह् मेला जेठ म्हीनैं
निर्जला कादमी जो लगदा ए । लोक जेठ म्हीने दी धुप कनैं
गरमी दी परबाह् न करदे होए धार चढ़ी नैं तित्थू पुजदे हन ।
खूब मेला लगदा ए ।

(३) पीरे दा मेला

अपणे देवी देवतेयां ते छुट इत्थू दे लोक अनेक पीरां पगम्बरां, जखां च बी यकीन रखदे हन। तित्थू सै दुध, दौह, घियो चढांदे हन। इत्थू दे लोकां च बिस्वाम ऐ भेई पीरां जखां जो मंनणे ते तिन्हां दे पमु, गाई, मैई मता दुध दिदियां हन, कनें बिगड़दियां नेई।

इन्हां पीरां दे थानां पर बी मेले लगदे हन। इयां ई पीर “सलूहिया दा पीर” इक बड़ा मंनोया पीर ऐ। तित्थू जेठ म्हीने मेले लगदे हन। तिन्हां च लोक आई नै अपणे डंगरां दिया भलाइया वास्तें मुखणा करदे हन।

इयां इत्थू दे मेले इत्थू दे लोकां दे थकेयो जीवने च इक नौई ताजगी कनें नौई खुमी भरने दा साधन हन। इत्थू दी संस्कृतियां जो जीदा रखणे दे सहायक हन।

— ❀ —

अतिथि सेवा दी भावना Spirit of Hospitality

घरें आए परौह्णे दी जां अतिथिए दी सेवा करना कांगड़े दी सभ्यता दा इक मुख अंग ए। इत्थू दे लोक अतिथियां कनें परौह्णेयां दी आओभगत करना अपणा धर्म बुझदे हन। जियां बिदुरे दे घर भगवान् श्री कृष्ण गये, ताहू बिदुर खुसिया कनें गदगद होई गेया, तियां ई इत्थू दे लोक बी परौह्णे आये ते खुसी होई उठदे हन। सारा टक्कर तिसा दी सेवा जो दीड़ी पौंदा ए। कोई तिसा जो बैठणे बास्तें मंजा डांहा ए, कोई मंजे पर दरी, खेमी जां चादर बछादा ए। कोई तिसा जो (जे तमाखू पींदा होए, तां) हुक्का जां नरेलू भरी लियौंदा ए। कोई तिसा दे पैर दवणा लगी जांदा ए। घरे दी साणी चाह् बणान लगी जांदी ऐ। गलाणे दा मतलब एह् भेई हर कोई घरे दा निक्का बड्डा माहणू अतिथि-सेवा दा पुन लैणा चांदा ए।

चाह् पाणी प्योणे ते परन्त बड़े आदरे सम्माने कनें मुख-सांद पुछदे हन। परौह्णे दे औणे दा धनवाद करदे हन। मते दिनां बाद औणे दा गिला करदे हन। चिट्ठी-पत्री छेनी न पाणे गरोभा करदे हन। फिरी भुलियां विसरियां प्यार भरियां (गुम्से गिले आलियां बी) गलां हुंदियां हन। पर क्या मजाल ! जे परौह्णे दिया सानां ते खिलाफ कोई गल कुमी दे मुंऐ ते निकलै। सै तां प्यार भरे दिले दे उदगार ई हुंदे हन।

फिरी परौह्णे बास्तें राती दे खाणे दी तियारी हुंदी ऐ। बड़े चाएं चाएं भट्ठू तलदे हन। खास खास किस्मां दियां सब्जियां जियां घीया, घंडोलू, तोरियां, करेला, पैहू बनाऊं, कद्दू, लुंगडू, लौकडू बगैरा जेह् डियां बी मौसमे मनाबक मिली सकण, परौह्णे बास्तें बणांदे हन। कनें कोई अम्बां जां अमचुरे दी

चटणी, जां गलगलां, निम्बुआं जां अम्बां दे चारे दी फाकड़ी बी रखी दिदे हन। परौह्णे दे हत्थ, पैर, जंघां तत्ते पाणिये कनें अप्पू मली २ धोंदे हन, जिते परौह्णे दी थकावट उतरी जाए। सारियां चीजां परोसी नैं तिसा जो रोटी खुआंदे हन। जे गरमी होऐ तां रोटी खांदे जो पखुए दी ठंडी हौआ करदे हन। जे सीत होऐ तां अगरी दी गीठी जां कांगड़ी ढकें रखी दिदे हन।

गलाणे दा मतलब एह् भेई प्रौह्णे दा घरीं आणा जां कोई तिहार होणा, इत्थू दे लोक इक बरोबर बुझदे हन।

रातीं जो फिरी गलां सुरू हुंदियां हन। बेह् डे च जां आंठें गुआंठें जिजो बी पता लगदा ए, सै बी चाएं चाएं परौह्णे दा हाल चाल पुछणे, सुख सांद लैणे बास्तें आई जांदा ए। अगलियां पिछलियां सारियां गलां दिल खोली नैं हुंदियां हन। गलां करदे करदे केई बारी अधी रात बीती जांदी ऐ।

भियागा परौह्णे जो चाई कनें किछ होर खरा खरा जियां कड़ाह् जां खीर खाणे जो दतियालू दिदे हन। फिरी परौह्णे बास्तें दोपैहरां दा खाणा तियार करदे हन, जिजो रसो गलांदे हन। जित्थू पैह्लां भत्ते कनें मिरफ दाल जां म्हाणी (खट्टा) बणादे हन, तित्थू अज मंदरा (दोंएं घियोए दा बणेया) गरी, बदाम, सोए, कालियां मरचां पाई नैं मिट्टा न्योड़ा बणादे हन। जे कोई होर बी खरा घर होऐ, तां कनें खट्टी मुंगी जां तेलिये माष (मांह) बणादे हन। इयां रसो तियार करी बड़े प्रेमे कनें। परौह्णे जो रसो खुआंदे हन। परौह्णा चाएं किने दिन बी रए, उसा दी इयां ई खातर हुंदी ए। सेवा च कोई फरक नेई पौंदा। कुसी दे मत्थें कोई बट नेई पौंदा। कुसी जो कोई दुख नेई हुंदा।

दूई विसेषता इत्थू दी एह् ऐ, भेई परौह्णां चाएं कुसी दें बी ओऐ, बेह् डे च जिने बी घर होण, सब बारी २ परौह्णे जो अपणे २ घरीं रोटी खुआंदे हन। जाल्हू ताई परौह्णां सारेयां दे घरीं रोटी ना खाई लै जां चाह् ना पी लै, ताल्हू ताई तिसा जो जाणा नेई दिदे।

एह् तां होई साख नाते परौह्णे दी गल । अपने दी तां सारे ई सेवा करदे हन । करनी बी पौंदी ऐ कनें करनी चाई दी ऐ, ताई नक्क रेंह् दा ए । पर इत्थू दे लोकां दा एह् बी इक खास गुण ऐ, भेई कोई भुलेया भटकेया मुसाफर कदीं इन्हां दे घरी रातीं जो आई जाए तां एह् तिसा जो चोर गलाई नें फटकारदे, डांटदे जां घरे ते नेई कढ़ी दिंदे, बल्कि उसा दा बी उंना ई मान पान, आदर सत्कारदे हन, जिना अपने सगे परौह्णेयां दा । उजो बी उसी चाए कनें बठालदे, रोटी खुआंदे, कनें सुलांदे हन, जिस चाए नें अपने सक्के रिस्तेदारां जो । उसा दे औणे दा बी तिन्हां जो उंनां ई चा हुंदा ए, जिनां अपने मितरां दे औणे दा ।

इयां एह् प्रथा इत्थू दिया संस्कृतिया दा मुख अंग ऐ ।

—५४०—

कांगड़े दे रीति-रिवाज

Customs & Manners of Kangra

होरनां गल्लां साईं कांगड़े दे रीति-रिवाज बी बड़े सूह्णे हन। इत्थू दे लोकां दा रैह्ण-सैह्णा, खाणा-पीणा, बोली कनें पैह्वावा तिसी किस्मां दा ए. जियां अजे ते केई बरियां पैह्लां चीनी यात्रियां फाह्यान (४०० ई० ते ४१५ ई०) कनें हह्यून सांग (६३० ई० ते ६४४ ई०) नें इत्थू दे बारे दस्सेया था। इन्हां सबनां चीजां दा संक्षेपे कनें वर्णन इयां ए :—

इत्थू दा रैह्ण-सैह्ण

कांगड़े दे लोकां दा रैह्ण-सैह्ण बड़ा सिधा साधा ए। इन्हां दे घर कच्चे हुंदे हन, जिन्हां दियां कंधां जां तां मिट्टी कुट्टी नें भरियां हुंदियां हन जां कच्चियां इट्टां जां सैलां, पत्थरां दियां बणियां हुंदियां हन। पत्थरां कनें सैलां दियां कंधा पर बी एह् लोक मिट्टिया-चिक्का कनें लपाई करी दिदे हन।

एह् घर उप्परे ते स्लेटां जिन्हां जो सैल जां स्लोट बी गलांदे हन, जां मरफड़ा कनें छाए दे हुंदे हन। मती गिणती स्लेट छाएयां घरां दी हुंदी ऐ, इदी बजा एह् ऐ भेई इत्थू स्लेटां दियां खानां मतियां हन, तिन्हां च सबनां ते बड़ी खान घनियारें ऐ। इस करी स्लेट इत्थू किच्छ सस्ते पेई जांदे हन। कनें बणां च लकड़ी बी काफी मिली जांदी ऐ, इसी बजा ते लोक स्लेटां दे ई छप्पर बणांदे हन। कुती कुती खपरे बी लोक छत्तां पर पांदे हन।

ग्राम करी नें घर इकमंजले जां दुमंजले हुंदे हन। इयां तां इत्थू दे लोक अपणियां गोरनीं जां कुडीं घरां ते दूर ई बणांदे हन, जित्थू घाए दी जां गोआ सट्टणे दी सहूलत होऐ; पर

जित्थू बर्फ पौंदी ऐ, तित्थू लोक थल्ले दियां मंजलां च बुन्ह अपणे डंगरां जो बन्हणे दी जगा बणाई लेंदे हन । उपरलिया मंजलां च अप्पू रेंह्दे हन । इयां सै बुभ्भदे हन भेई पमुआं दिया गरमसां कनें उपरले कमरे बी गरम रेंह्दे हन ।

केई गरीब लोकां दे घरां च इको ई कमरा हुंदा ए । सै तित्थू ई अप्पू बी रोटी पकांदे, सौंदे वेंह्दे हन कनें अपणे छेलुआं भेडुआं जो बी तित्थू ई इक पासं वन्हीं करी गुजारा करदे हन ।

घरां च ग्राम करी नें इक बड्डा कमरा हुंदा ए, जिजो ओग्रान गलांदे हन । इक कमरा ओग्राने कनें ई ओवरी हुंदा ए, एह् ओवरी इन्हां दा स्टोर हुंदी ऐ । ओग्राने च घरे दे सारे जणे रेंह्दे, बाँदे कनें सौंदे हन । ओवगिया अन्दर घरे दा खास खास समान, सन्दूक, ट्रंक कनें गैह्णे-गट्टू, पैसा धेला रखदे हन । इत्थू सीत मता हुंदा ए, कनें ठंडी बर्फानी होआ बी चलदी रेंह्दी ऐ, इस करी घरां च कोई बड्डी खिड़की जां रोमनदान नेई रखदे, पर कुनीं २ थोड़ी जिनी होआ ओणे बास्ते कन्धा च निक्का जिना इक लकोलू रखी छड़दे हन । ओवगिया ता एह् लकोलू बी नेई हुंदा । कें जे इत्थू दे लोकां जो डर रेंह्दा ए, भेई बाहरे ते साड़े समाने जो कोई दिक्खी ना लैए । इसा ओवगिया च दिने जो बी इना न्हेरा हुंदा ए भेई दोपैह्रां बेले बी दीया बालणा पौंदा ए । एह् कमरा चौआं पासेयां ते कंधां कनें ठक्केया हुंदा ए, इस करी इत्थू दा 'ओवरी' सब्द सस्कृत दे आवरण सब्दे ते बिगड़ी नें बणैया ई मलूम हुंदा ए ।

अपणे गैह्णे-गट्टुए जो इत्थू दे लोक ग्राम करी नें घरे अन्दर कुसी जगा टोहा कड्डी नें दब्बो छड़दे हन, जाल्ह जरूरत पौए, ताल्ह कड्डी नें फिरी तित्थू ई दब्बी दिंदे हन । जदू रपये, पैसे बी चांदिया जां तांबे दे हुंदे थे, तदू एह् अपणे खर्चें चे ते किच्छ ना किच्छ बचाई नें कुमी गडबुए जां कुज्जुए, जे मने रपये पैसे होण तां बड्डे कुज्जे जां बलयोऊए च पाई नें कुनीं धरतीं च दबी दिंदे थे, जेह्ङे ओवे बेलें तिन्हां दे काम आंदे थे ।

केई बेरी एह् धन जमीनां च ई दबोएया रई जांदा था ।
 कं भेई स्याणे मरण लगे कुसी जो दस्सी जांदे । अज बी कुतीं
 कुतीं पुराणे घरे जो पुट्टदे २ एह् रुपये पैसे मिलदे हन ।

लोक घरां जो लिप्री पोची नैं उप्पर गोलू जां प्यूली मिट्टी
 फेगदे हन । कंधां पर हरे, लाल, प्यूले रंगे कनैं भांती २ दे फुल
 वणांदे कनैं लिखणू पाई नैं सजांदे हन । अन्दरां च फर्स तां हुंदा
 ई नेई । इस करी एह् लोक हरा रंग गोण च मेली नैं तिसा जो
 ई अन्दरां च फेरी करी फर्मे दा चा पूरा करी लेंदे हन ।

घरां च हरेक त्वारे जो गाई दा गोआ फेरना, देहलीं उप्पर
 हरी द्रव कनैं फुल्ल चढाई नैं तिन्हां दी वन्दना करणा इत्थू बड़ा
 मुभ मनेया जांदा ए ।

हण किच्छ नीए जमाने दा प्रभाव इत्थू दे रैह्णे-सैह्णे
 पर बी पौणा लग्गी पेया ए । जीयां कच्चे घरां बिच कुतीं २
 लाल पक्कियां इट्टां दे पक्के छप्पर बी दुस्सणा लग्गी पौए हन ।
 कुतीं २ सलेटां जां छाएओ छप्परां दे कनैं कनैं लैटर पाएओ
 कोठे बी दुमदे हन । मिश्रा दे परचार होणे करी नैं लोक खुली
 कनैं ताजी हौआ, रोगनियां दे महत्त्व जो बी समझणा लग्गी पौए
 हन । इस करी मकानां च खिड़कियां कनैं रोसनदान रखणा
 लग्गी पौए हन । धर्मसाला, नगरौटा, पालमपुर, बैजनाथ,
 कांगड़ा, म्हीरपुर कनैं ऊने वगैरा नगरां च सैहरां साई
 बड्डियां २ बिल्डिंगां वणां करदियां हन ।

पर घ्रां दे रैह्णे-सैह्णे च मता फर्क नेई पेया । तिन्थू
 लोकां दी बहु-गिणती अज बी तीयां ई अपणा जीवन निर्वाह
 करदी ऐ ।

लोकां दा सुभाअ Nature of the People

कांगड़े दे लोकां दा सुभाअ मता ई सरल हुंदा ए। एह् लोक छल, कपट जां धोखा तां जाणदे ई नेई। भूठ बोलणे जो एह् म्हां पाप समझदे हन। चोरिया ते बड़ा होर कोई अपराध नेई बुझदे। इसी करी इत्थू चोरियां दे कनें डाकेयां दे केस बड़े घट हुंदे हन। पुराणे जमाने च चीनी यात्रियां नें हिन्दोस्ताने दा जेह् डा वर्णन कीता था, तिसा दी पूरी तस्वीर इत्थू अज बी दिखणे जो मिलदी ऐ।

अबबल तां एह् लोक घरां जो भित्त लगवांदे ई नेई। जे लगाणा बी, तां लकड़िया दे सिधे सादे फट्टे लाई नें बाहर इक संगली लाई दिंदे हन। अन्दर दोई पासी कंधा च इक बंजे दा डंडा फसाई दिंदे हन, जिजो अगला गलादे हन। गलाणे दा मनलव एह् भेई लोक घरां दे द्वारां जो मोटे मोटे सरिधे जां कुंड़े नेई लादे। कै जे इन्हां जो चोरां दा डर नेई हुंदा।

इत्थू दे लोकां दे सुभाअ दा बड़ा गुण एह् ऐ, भेई सैं कुसी जो अखरदा नेई। तिदे बिच इनी मिठास हुंदी ए भेई सैं दूए दे दिले जो मोई लेंदा ए। बगैर किसी लाग लपेटा ते सिधी सादी मिट्टी गल करनी, दिले च कोई भेद भाव ना रखणा, पियारे कनें दूएआं जो मिलणा, बरतणा, दुए दे दुखे जो अपणा दुःख, दुए दे सुखे जो अपणा सुख समझणा। होरनां दे दुखे सुखे च सामल होणा, ओखियां भारियां च दुए दी मद्दता बास्तें म्हेसां तियार रैह्णा एह् सब गुण इत्थू दे लोकां जो सबनां दा पियारा बणाई दिंदे हन। इन्हां ते छुट म्हेसां हसदे रैह्णा, गरीबिया च बी मिली जुली नें घरे दिया गड़िया जो चलांदे रैह्णा अर्थात्

सन्तोख रखणा, प्हाड़ों दे कठण जीणे च मुखी रहणा इत्थू दे
लोकां दे सुभाए पर मुन्ने उप्पर मुहागे दा कम करदे हन ।



इक बुड्डी गद्गल

इक होर गल जेह्ड़ी इन्हां लोकां दे भोलेपणे जो प्रगट
करदी ऐ, सँ एह्—भेई एह् लोक अपणे डगरेयां कनै वी तिनां
ई पियार करदे हन जिनां सँ अपणे टब्बरे दे कुसे सैम्बरां कनै ।
भेडुआं कनै छेलुआं जो तां एह् अपणे नेयाणेयां साई पालदे हन ।
तिन्हां कनै खेलदे मल्हदे हन, तिन्हां जो पियारे नै दुध प्यांदे हन,
तिन्हां जो कुददे दिक्खी नै तियां ई खुसी हुंदे हन, जियां अपणे
निक्के २ नेयाणेयां जो । केई तां तिन्हां जो अपणे कनै सुआई बी
छडदे हन ।

जे कदी कोई भेड़ जां बकरी बिमार पेई जाए, तां सारेयां दे मुंह उदास होई जांदे हन । इयां लगदा ए, जियां कोई तिन्हां दे घरे दा ई बिमार पेई गेया होए । सारा टब्बर तिसा दिया सेवा च लगी पौंदा ए, जाल्हू ताई तिसा जो अराम न आई जाए, तिन्हां जो चैन नेई औदी ।

एह् गल इन्हां लोकां दे सुभाअ दी सादगी कर्नें सब प्राणियां दे ताई इन्हां दी पियार भावनां कर्नें समदृष्टिया जो दरसांदी ऐ, जेह् डी इत्थू दी ई नेई, सारे मुलखे दी प्राचीन संस्कृतियां दी मुख विसेषता ए ।

—०*०—

कांगड़े दी बोली

Language or Dialect of Kangra

कांगड़े दे लोकां दी बोली कांगड़ी ऐ। एह् बोली डोगरियां कनें मिलदी जुलदी ऐ, कनें होरना बोलियां साईं संस्कृत चे ते निकलियो ऐ। अज बी संस्कृत भाषा दे तत्सम जां तद्भव सब्द सांजो इसा बोलिया च मिलदे हन। जीयां :— सै=स (सं०)। कुतां=कुतः। कुत्थू = कुत्र। खेतर = क्षेत्र (तद्भव) वगैरा होर बी मते सब्द लोक अपणियां गलां बातां च इस्तेमाल करदे हन। इसा ते छुट इसा बोलिया दी एह् विसेषता एह् ए भेई एह् बोली उकारान्त कनें इकारान्त जियादै ए। जीयां :—भाऊ, मुनू, वापू, छोकरू, ठौकरू, घोड़, बच्छू इयां होर बी संज्ञा, विसेषण कनें क्रिया विसृषण सब्द उकारान्त हन।

चली पेया, बैटी जा, उठो खड़ोता आद सारे क्रिया सब्द इकारान्त हन। क्रियां जियादेतर संयुक्त हुंदिया हन।

एह् बोली इंनी मिट्टी ऐ, जिसा च कोई बनावट नेई, कोई दिखावा नेई, कोई हेर फेर नेई जां कोई छल कपट नेई। एह् इत्थू दे लोकां दी अपणी, इत्थू दी, इम प्रदेशे दी अपणी बोली ऐ। कुसी दूए पासे ते मंगियो नेई, उधारी लैइयो नेई। इसा च कोई बी रूखापण नेई, कोई औघड़पणा नेई। इसा च इंनी मिठत ए, भेई बोलणे आला दूए दे दिले जो मोई लैदा ए, कनें बिच बिच म्हाबरेयां कनें लोकोक्तियां दी जेह् डी चासनी लगदी ऐ, तिन्हां करी एह् होरनां जो छेती अपणा वणाई लैदी ऐ। इसा बोलिया दा दूए पर अमिट प्रभाव हुंदा ए।

चाएं तसीलां दियां हृदबदियां करी नैं इसा बोलिया दे हरफां च किच्छ २ फरक पेई गया ए। जियां तसील देहरा गोपी पुरे च, मिजो, तिजो। तसील नूरपुरे च मेकी, तेकी, साकी,

—०४०—

बोलिया व ई गल बात करमा पसन्द करदे हन ।
 जो अपणी माऊ । बाप कुनी बी बली जाल, अप्पू बी अपणिया
 हन । निहो जो अपणी बोली निनी ई पियासी ऐ, निनी निहो
 इत्यु दे लोक अपणिया बोलिया कने बडा पियार करदे
 पर पजारी भाषा दा बी फिकछ २ पुठ बडी भैया लगदा ऐ ।
 पजारी लोका दा इत्यु सप्तक होले करो नै इत्यु दिया बोलिया
 अजकल इत्यु दे लोका दे बाहुर भीले जाल करो नै कने
 व रनी भर बी परक नेई ।
 व कोई घाटा बाधा नेई । निसा व जेहूँ भावना ऐ, निसा
 सवना दिया बोलिया व जेहूँ मिठन ऐ, सै इक जेहूँ ऐ, निसा
 'नीया' जो 'वेडा', 'सै' जो 'हो' गलदि हन । फिरी बी इत्यु
 'दाव' गलदि हन । इया ई हरीपुरे लसीला व 'ईया' जो 'एडा'
 रवाकी । पालमपुरे व मिजा, निजा । ऊने व वेन, मने, सावे,

कांगड़े दा पैहरावा Dress of Kangra

सबनां लोकां दा अपणा ई पैहरावा हुंदा ए, जेह्ड़ा तिन्हां दिया सभ्यता संस्कृति कने सुभाअ जो प्रकट करदा ए, कनें जित्थू सै लोक रेंह्दे हन, तिन्थू दे जलवायु, मौसमें वारें दसदा ए ।

कांगड़े दे लोकां दा पैहरावा तिन्हां साई सादा कनें इत्थू दे मौसमें मुताबक बखरा बखरा ए । मर्द गरमियां च खुल्हा २ कुर्ता, पजामा, फतूई, बास्कट पैह्न्दे हन । सिरे पर चिट्टा जां रंगदार साफा बन्ह्दे हन जां टोपी लांदे हन ।

स्याले दे मौसमें च भेडां दिया उंना दिया पट्टिया दा जेह्ड़ी ग्राम तीर पर अप्पू ई कतियो कनें बुणियो हुंदी ऐ, लम्मा बन्द गले दा कोट पैह्न्दे हन । पैरां च देसी जुट्टे जां फलीट पांदे हन । कनां च मोटियां २ मुन्ने दियां नंतियां बी पांदे हन, जेह्ड़ियां उन्हां जो कर्णवेध संस्कारे बेलें जां यज्ञोपवीत संस्कारे दे मौकें पेह्नाइयां जांदियां हन ।

जणासां कुर्ता जां जम्पर कनें सलवार पैह्न्दियां हन । पुराणे जमाने दियां जबरियां चूड़ीदार मुथण लांदियां हन । घरे ते बाह् र जाणा लग्गेयां सलवारा उप्पर छोट्टा दा जां कालिया सूफा दा घेरदार लेंह्गा लांदियां हन । लेंह्गा इत्थू दियां ब्याहियां जणासां दे पैहरावे दा खास अंग ऐ । पर मापयां दे घरी कुड़ियां चाएं ब्याहियां होण चाएं क्वारियां, लेंह्गा नेई लांदियां । सिरे उप्पर रंगदार चादर, चुन्नी जां दुपट्टा ओढ़दियां हन । विधवा जणासां चिट्टा दुपट्टा ओढ़दियां हन । सै रंगदार चादरां नेई ओढ़दियां ।

सुहागणां जणासां नक्के च कोका जां लींग पांदियां हन ।

जेह्ड़ा तिन्हां दे चन्दे साई गोरेयां मुखड़ेयां जो होर बी सजाई दिदा ऐ। कंनं च चांदी जां सुन्ने दे कांटे जां बालियां पांदियां हन। हत्थां च कच्छू दियां रंग बरंगियां बंगां जां चांदियां दे बंद जां चूड़ियां पांदियां हन। विधवा जणासां एह् सबो चीजां उतारी दिदियां हन।

पैरां च देसी चमड़े दियां पणियां जां स्लीपर पैह् नदियां हन। अज कल चप्पलियां कनै सेंडल बी पाणे दा रिबाज चली पेया ए।

पलमां दे इलाके दे गद्दी गद्दणां दा अपना ई पैह् रावा हुंदा ए। गद्दी सिरे पर चिट्ठी पग बन्हदे हन। उंना दा चिट्ठा चोला



कांगड़ा घाटी दे गद्दी

पांदे हन। लक्के कालिया उंना दा काला डोरा लपेटदे हन। एह् डोरा तिन्हां दे लक्के जो तगड़ा रखदा ए, कनै इन्हां जो थकणा नेई दिदा ए। पजामा सै पैह् नदे ई नेई, चाएं सरदी होऐ चाएं गरमी, नंगियां लत्तां ई सै रेंह् दे हन। पैरां च देसी चमड़े दे मोटे २ जुट्टे पांदे हन, जेह्ड़े तिन्हां दे पैरां जो सरादियां, गरमियां कनै कंडेयां दियां लम्मियां २ सूलां ते बचांदे हन।

इन्हां दे चोले दी खास विसेषता एह् हुंदी ऐ, जित्थू सै चोला इन्हां दे जिस्मे दी सीते कनै होआ ते रक्षा करदा ए, तित्थू

सै तिन्हां दे निक्के २ लेलुआं जो चुक्की करी लेई जाणे कनें
अपणा गुड़गुड़ लुकाणे बास्तें टोकरूए दा कम बी दिदा ए ।

इयां गह्णां दा पैह्-रावा बी होरनां जणासां ते बख्खरा ई
हुंदा ऐ । सै सिरे पर लाल सूहा, काला चादरू बन्हदियां हन ।
गह्दियां साई चोला पैह्-नदियां हन, लक्कें काला डोरा लपेटदियां
हन कनें फुलदार छींटा दा लैह्-गा लांदियां हन । तिन्हां जो
गैह्-णे बड़े पियारे हुंदे हन । इसी करी नक्के च लौंग, कनां च
बड्डियां २ बालियां, बाई च चांदिया दे चौड़े २ बंद, कड़े जां
कंगणू हत्थां च गूठियां पैह्-नदियां हन । गले च जे चांदिया दा
हार नेई, तां मणकेयां दी मालां जरूर पांदियां हन ।

इत्थू नंगें सिरें कोई नेई रह्-णा पसंद करदा । नंगा सिर
रखणा इत्थू दिया सभ्यता दे बिरुद्ध ऐ । पैह्लां तां नंगा सिर
सै ई करदा था, जिदा बव्व मरी गया हुंदा था जां घरे च कोई
मातम होई गया हुंदा । जणास सै ई नंगा सिर करदी थी, जिसा दे
सिरे दा साया उठी गया होऐ अर्थात् जेह्-डी बिधवा होऐ ।
भियागा भियागा जे कोई नंगे सिरें मुभी जाए, तां बड़ा
मनहूस धियाड़ा बुभदे हन । जे कुती जांदेया जो अगें कोई
नंगे सिरें मिली पोऐ तां कुसगन गिणदे हन, तां जाणे आला
मुड़ी नें थोड़ी देर घरें बैठी नें दौह खंड खाई नें फिरी जांदा ए ।

पर हण जमाना किच्छ बदली गया ए । कांगड़े दे नौइयां
पीढियां दे मुंइ कुडियां स्कूलां च पढ़न लग्गी पैए हन, जित्थू
पढ़ाइयां नें तिन्हां दे कपड़ेयां पर, तिन्हां दे बोलणे चालणे, उठणे
बैठणे दे ढंगे पर किच्छ असर पाया ए । तित्थू तिन्हां दे सिरां
दे चादरू (घुंइ) कनें टोपू उतारी नें तिन्हां जो नंग-सिरे बणाई
दित्ता ए । तिन्हां जो नंगें सिर रह्-णे दा सुकीन बणाई दित्ता
ए । हण सै नंगें सिर रह्-णा बुरा नेई बुभदे । पर पुराणेयां
घरां च हण बी नंगें सिरें रह्-णा बुरा समभदे हन ।

जणासां पर बी नौइयां सभ्यता दा रंग चढ़दा जा करदा
ए । नौइयां पीढियां दियां जणासां पढ़ी लिखी नें हुस्यार होई

गेइयां हन। सै हण लैह्गा लाणा, मीढियां आलियां गुत्तां
करना पसंद नेई करदियां ।

पैह्लां इत्थू परदे दी प्रथा थी, सै बी किच्छ घटदी जा
करदी ए । पैह्लां नूह बड्डेयां ते घुंड कढ़दी थी, परदा करदी
थी । एह् रिवाज बी घटदा जा करदा ए ।

पर बड्डेयां घरां च हण बी नूहां धीयां तियां ई परदा
करदियां हन । इत्थू परदा ई जणासां दा मुख गुण बुझदे हन ।
परदा इत्थू दी सभ्यता दा मुख अंग ऐ ।

इयां असी दिखेया ए, भेई इत्थू दे लोकां दा पैह्रावा सारे
देसे ते न्यारा, सूह्णा पैह्रावा ए ।

—०❀०—

कांगड़े दे लोकां दा खान-पान Foods of Kangra

कांगड़े दे लोकां दा खान-पान बी तिन्हां दियां होरनां गल्लां साई बड़ा सादा ए। छल्लियां दी रोटी, सरूआं दा साग, भत्त, खट्टा (म्हाणी) दौह छाह तिन्हां दा रोजी दा खाणा ऐ। इत्थू धानां कनें छल्लियां दियां फमलां खरियां हुंदियां हन, इस करी इत्थू दे लोक इन्हां जो ई जियादा पसंद करदे हन। पलमां दे इलाके च इक डंग भत्त जरूर खांदे हन।

(१) पैह्लां भियागा ई उठी नें किच्छ कम काज करी नें, जंगल पाणी जाई नें, रातीं दी बेई रोटी सेकी करी छाह्, दौह जां लूणे कनें खाई नें अपने २ कमें लग्गी पौंदे हन। भियागा दे इस खाणे जो दतियालू गलांदे हन। दोपैहरां जो भत्त, दाल खट्टा बणांदे हन। इत्थू दे लोक खट्टा खाणे दे बड़े सुकीन हन। जे भत्ते कनें खट्टा न बणेया होए, तां रसो रंडी बुभदे हन। इस करी अमचूर, इम्ली जां खट्टे दी खटियाई काढी नें बणेया खट्टा इन्हां दी रसो दा खास अंग हुंदा ए। जे कोई परीहणा आणया होए, तां मंदरा जा मिट्टा न्योड़ा बी कनें बणाई लैंदे हन।

रातीं जो छल्लियां दी रोटी जां कणकां दे आटे दे भटूरू पकांदे हन कनें सरूआं जां होर कुसी जिड़ए मिड़ुए दा साग, चरेलिया जां पालके दा भुज्जू, छाह् गरम करी नें तिसा दा भोल, जिजो पलदा जां रेहड़ बी गलांदे हन, जां होर कोई न्योड़ा बणांदे हन। छाई दे रेहड़ुए कनें छल्लियां दी रोटी जां भटूरू इत्थू दियां जणासां दा मन भौदा खाणा ए।

(२) जिस दिन कोई तिहार होए, तिस दिन इन्हां लोकां दा बड़ा खाणा हुंदा ए। इस दिन एह् घेयोए जां तेले च भटूरू तलदे हन। खरे २ न्योड़े बणांदे हन। जियां सौण महीने दिया

संगरां दी जो तीजा दा तिहार हुंदा ए । अस्मुए दिया संगरां दी जो सैरी दा तिहार हुंदा ए, इयां ई होरनां तिहारां जो अमीर गरीब सब जणे रोटियां तलदे हन कनें लोकां च बंडे हन ।

(३) इत्थू मास खाणे दा बी रिवाज ऐ । जित्थू जियादा सीत हुंदा ए जां बर्फ पौंदी ऐ तित्थू तां सबनां जातां दे लोक मास खांदे हन । कोई ब्याह् सादी होऐ तां कइयां बकरेयां, भेडां दी सियामत आई जांदी ऐ । नदियां जां पाणिये दे कंठे रैह्णे आले लोक जियां जैसिहपुर, मुजानपुर टीहरा, नदौण, देहरा, गुलेर बगैरा गां दे बसनीक, मच्छिलां बहुत चाएं कनें खांदे हन ।

(४) जदू कणकां दी नौई फसल निकलदी ऐ, तां कणक जां जौआं जो भुं नी तिसा जो पीह् नें सत्तू बणांदे हन । फिरी तिन्हां च गुड़, सक्कर जां खंड मेली नें, पाणिये च घोली करी पींदे हन । सत्तू गरमियां जो सान्त करदे हन ।

(५) इत्थू दुधे दी कमी हुंदी ऐ । कै जे इत्थू म्हेसां नेई हुंदियां । गाईयां बी थोड़ा २ दुध दिंदियां हन । इस करी इत्थू चाह् पीणे दा जियादे रिवाज ऐ । ऊआं बी इत्थू चाह् दी पेदावार हुंदी ऐ, दुआ सीत बड़ा पौंदा ए, इस करी इत्थू दे लोकां जो चाह् पीणे दी आदत बणी गइयो ऐ । अप्पू तां एह् लोक जिनी बेरी चाह् मिली जाए, पी लेंदे हन, जे कोई पगैह्णा इन्हां दे आई जाए, तां उजो बी चाह् पियाई २ नें रजाई छड़दे हन । जे कोई इन्हां दे घरीं जाए, तां पैह्लां चाह् पियांदे हन । फिरी होर गल करदे हन ।

(६) इत्थू दे लोकां च कुतीं २ सराब पीणे दा बी रिवाज ऐ । लोक चोरी छिपे कुमी कुमी जगा सराब कढे हन, जिजो “मुर” गलादे हन (जेह्ड़ा संस्कृत दे ‘मुरा’ सब्दे दा बिगड़ेया रूप ए) । इमा जो पी नें लोक मस्त होई नें भूमदे हन । कुतीं कुतीं लोक चौलां दा भोल बणाई नें पींदे हन ।

इयां इत्थू दे लोकां दा खान-पान बी इत्थू दे लोकां माई अपणी किस्मां दा ई ऐ ।

—०१०—

....१७

कांगड़े दे व्याह् Marriages in Kangra

भारते दिया संस्कृति दा आधार गृहस्थाश्रम ऐ, गृहस्थाश्रम
दा मूल व्याह्-संस्कार ऐ । कांगड़े दिया संस्कृति दा मूल बी इत्थू
दा गृहस्थ-जीवन ऐ, जित्थू व्याह् संस्कारे दा बड़ा महत्त्व ऐ ।
इत्थू व्याहे जो सिरफ इक रस्म ई नेई बुझदे इजो मनुख-जीवने



कांगड़े दे व्याहे दा इक नजारा
दा धर्म बी समझदे हन । इत्थू व्याहे जो सिरफ इस जन्मे दा ई
सम्बन्ध ई नेई गिणदे, जन्म जन्मान्तरां दा रिस्ता गिणदे हन ।
इसी करी इत्थू व्याह् बड़ा सोची बिचारी नै करदे हन ।

पैह्लां इत्थू एह् रिवाज था, भेई मुंडुए दे मापे कुड़िया दे मापेयां पास तिन्हां दी कुड़ी मंगणा जादे हुंदे थे। इसी करी कड़माइया जो मंगणी गलादे थे। सै जमाना था, जदू मुंडुआं दा ब्याह् बड़ियां मुस्कलां नै हुंदा था। पर हण जमाना बदलोई गेया ए, हण कुड़ियां आलेयां जो मुंडुए दे मापेयां दियां मिणतां करनियां पौदियां हन। पर अजै बी कुती २ पराणा ई रिवाज चलेया औदा ए।

पैह्लां इत्थू ब्याह् बट्टे अर्थात् ‘अपणी कुड़ी दूए दे घर, दूए दी कुड़ी अपणे घर’ करदे थे। जे बट्टा ना होई सकै तां कुती २ धीयां दे पैसे लैई नै बी ब्याह् करने दा रिवाज था। हण लोकां च जागृति औणे कनै एह् दोनों रिवाज खरे नेई समझे जादे। इस करी एह् दोनों ई रिवाज हण हटदे जा करदे हन।

इन्हां रिवाजां दे हुंदेयां बी रिस्ता नाता करने बेलें इत्थू दे लोक इन्हां गल्लां दा खास धियान रखदे हन :—

[क] अपणा गोत न मिलदा होए।

[ख] मुंडुए कुड़िया दे मापेयां बिच पैह्लां दूरे दा बी रिसता न होए।

[ग] मुंडुए कुड़िया दे ग्रैह् मेलदे हन। रिस्ता करने ते पैह्लां मुंडु कनै कुड़ी दूई दियां टीपां जेह् डीयां तिन्हां दे जम्मणे पर कुमी पाधे जां पंडते ते वणवाइयां हुंदियां हन, मेलदे हन। मतलब एह्, जे दोतां दे ग्रैह् मिलदे होण, तां ई रिस्ता होई सकदा ए।

[घ] मुंडु जां कुड़ी दूईयां जाती दे नां होण। इत्थू अन्तर्जनी ब्याहे (*Intercast Marriage*) जो बुरा बुझदे हन।

[ङ] दूई पासेयां दा खानदान खरा होए।

[च] दूई पासेयां दे रीति-रिवाज मिलदे जुलदे होण।

[छ] दोए पासे भले माणम होण।

इन्हां सारियां गल्लां दा मतलब एह् ऐ, भेई इत्थू अपणे गोते च नाता नेई हुंदा। जे अप्पू ची कोई पराणा दुधे दा

रिस्ता होऐ तां रिस्ता करना धर्म ते विरुद्ध मंनदे हन । जे मुंडुए कुडिया दे ग्रैह् ना मिलदे होण तां रिस्ता करना हानि-कारक बुझदे हन । दुइया जाति च रिस्ता करना धार्मिक कर्ने समाजिक रीति दे खिलाफ बुझदे हन । सुभाअ कर्ने रीति रिवाज बी मिलणे जरूरी हन, ताई रिस्तेदारियां दा मजा औंदा ए । नेई तां नाते च फिक पौंगे दा डर रेंह् दा ऐ ।

इयां जाल्हू मारियां गल्लां दी पूरी तसल्ली होई जांदी ऐ, ताल्हू मुंडुए-कुडिया दी कड़माई करी दिदे हन । मुंडुए जो कुडिया आले रुपैया कर्ने छुआरा दिदे हन, कड़माई पक्की होई जांदी ऐ । इत्थू एह् गल्ल चेता रखणी चाई दी ऐ, भेई जित्थू बाकी मुलखे च मुंडुए जो धीयां आले कड़माई करने बेले वड्डे २ सगण भेजदे हन, फिरी बी दिखणे च औंदा ए, भेई कड़माइयां टुट्टी जांदियां हन । तित्थू इमा बुगइया ते एह् इलाका वचेया ए । इत्थू इक रुपये कर्ने ई धीयां आले मुंडुए जो, तिह्दे मापेयां जो, रिस्तेदारां जो म्हेमां बास्तें अपणा वणाई लेंदे हन । (हण इत्थू बी दूएआं दी देखादेखी मता २ सगण भेजणे दा रिवाज सुरू होई गेया ए ।)

जाल्हू दूई पासेयां जो स्थूलत हुंदी ऐ, ताल्हू ब्याह् दा साहा मुधांदे हन, अर्थात् लग्न महूरत दिक्खी नें ब्याह् दा दियाड़ा पक्का करदे हन । फिरी दूई पासीं ब्याहे दियां तियारियां होणा लग्गी पौंदियां हन । जिणम खरीददे हन । नौए २ कपड़े मियादे हन । बाजे आलेयां जो, कहारां जो, रमोइयां जो, पाणी भरने आलेयां जो साइयां देई दिदे हन ।

अपणे २ रिस्ते दारां जो न्यूं दरा पाई दिदे हन ।

इयां तां तिसी दिने ते जणासां दे गीत गाणे सुरू होई जांदे हन, जिदणे ते ब्याह् रखदे हन, पर जाल्हू ब्याहे जो थोड़े दिन बाकी रेई जांदे हन, तां दूई घरीं जणासां रातीं जो रोज गीत गांदियां हन । मुंडुए आले पासें जणामां घोड़ियां गांदियां हन :—

बीरा तेरी घोड़ी जो मुच्चे जड़े ।
 मुच्चे जड़े नीं सतारे जड़े,
 बीरा तेरे देखणे जो लक्खां खड़े ।

... ..

—जां—

घोड़ी तां तेरे बाबे नें बुलाई ऐ ।
 बुलाई तां बजी ऐ बघाई,
 छणो छण बेह् डेयां जो आई ।

... ..

इयां ई होर बी मतियां घोड़ियां जणासां गांदियां हन ।
 कूड़ियां दे पासै सै “सुहाग” गांदियां हन :—

इक अरज दूजी मिणत दूजी-बाओ दूर ना देयां ।
 पैरां दियां घसी जांदियां भांजरां
 जित्थू जांदा ना कोई ।

... ..

(इयां ई चाचे, मामे, ताये दा नाओ लैई नें गीत गांदियां हन ।)

इस सुहागे च धी अपने बापुए, चाचे, ताये अगै मिणत
 करदी ऐ, भेई उजो दूर मत देणा, कै जे उत्थू तिसा जो मिलण
 बी कोई नेई जांदा । इक होर सुहागे च बेटी अपने बापुए जो
 अपने दिले दी इच्छा दसदी ऐ :—

बेटी ! तू बाबे दे मैह् लीं लाडो !

कै खड़ी ?

बाबल ! मै दिखदी थी वर अपने जो,

चाल छनरिया आबे रथ चढ़ी ।

बाबल ! उन्हां साजनां जो थोड़ा देयो,

लाजक बौह्ती करेयो... ..

इयां ई बारी २ मामे, चाचे दा नाओ लैई नें गांदियां हन)

ब्याहे ते दो तिन दिन पेह्लां समूहत हुंदे हन । धीयां
 आले मुंडुए आलेयां जो इक साह् चिट्ठी अपने परोह्ते पास

भेजदे हन, इसा चिट्टिया च ब्याहे दा सारा प्रोग्राम—किस बेला समूह्त् करने हन, काल्ह प्रसाई, काल्ह सांद करनी ऐ ? लग्न किस बेला दा ए ? अन्दरेरां काल्ह होणा ए ? एह् सारियां गलां लिखियां हुंदियां हन । साहे चिट्टियां कनें कपड़े दा थान, मुंडुए जो कपड़े, चांदिया दी कौली कनें द्रुब, कुंकम, केसर-चंदन भेजदे हन । इन्हां चीजां ते छुट गोला, फल, मेवा, मठियाई कनें समर्था मूजब होर बी मूह्णीयां चीजां दिदे हन । एह् सब चीजां समूह्तां आले दिन लाड़े दे मत्थे पर चनणे दा टिकका लाई नें तिसा दे पल्लें पौदे हन ।

समूह्तां जो दूई पासी मुंडुए कुड़िया जो बुटणा मली नें नुग्रांदे हन । बुटणा मलदियां जणासां इयां गीत गांदियां हन :—

वाहे वा कटोरा बुटणे दा,

वाहे वा मलांदियां दो जणियां ।

वाहे वा भेई सक्कियां भैनड़ियां

इयां वारी २ माऊ, मामियां, मामियां दा नाग्रों लैई २ नें गांदियां २ बुटणा मलदियां हन ।

फिरी भिजेयो छोले सक्कर जां बक्कर आएकां लोकां जो बंडदे हन । समूह्तां ते परन्त ब्याहे दी धूम धाम मुरू होई जांदी ऐ परौह्णे औणां लग्गी पौदे हन । जाल्ह कोई धी धियाण औंदी ऐ, तां जणासां गीत गांदियां हन, जिजो कोएल गलांदियां हन :—

कोएले ! कीण धियाण आई, कोएले ।

कोएले (धियाणा दा नाग्रों लैई नें) धियाण आई कोएले ।

... ..

इयां ई मामियां जां होरनां रिस्तेदारां दे औणे ते अलग २ गीत गांदियां हन, जेह्ड़े इत्थू दे लोकां देयां परौह्णेयां दे प्रति प्रेम भावनां जो दसदे हन ।

ब्याहे आले दिन मुंडुए आलें पासें खास रीणक हुंदी ऐ । जणासां नौएं २ मूह्णे कपड़े, गैह्णे पाई नें उच्चै २ गीत

गांदियां हन । खूब बाजे बजदे हन, जिन्हां च नगारे सहनाइयां जिन्हां जो पीपणियां बी गलांदे, बीनां, डफले, ढोल हुंदे हन । (अज कल इक अंग्रेजी बाजा चली पेया ए, जेह्ड़ा नौइयां २ तरजां कही नैं दूइयां दे दिले जो मोई लैदा ए) इन्हां सारेयां बाजेयां दी अबाजां कनैं सारा ग्रां गूंजी उठदा ए । मुंडुए दिया माऊ जो इंनी खुसी हुंदी ऐ, भेई तिसा दा पैर धरती पर नेई टिकदा, सैं अपने जन्मे जो अज सुफल बुझदी ऐ ।

बापुए दा बी ऐई हाल हुंदा ए, सैं बी प्याजी पग बन्हीं नैं नठी नठी सारा कंम करदा ए । उसा जो मुनुंए दे व्याहे दी इन्नीं खुसी चढ़ी जांदी ऐ, भेई तिस दिन सैं खाणा पीणा बी भुल्ली जांदा ए । सारा कंम नसी २ नैं करदा ए, पर थकदा नेई । जालू कोई हरिया द्रुबा दे डालू देई नैं तिमा जो बघाई दिदा ए, तां तिसा दिया खुसिया दा कोई ठिकाणा नेई रेंह्दा । सैं द्रुबा जो सिरे रक्खी नैं भगवाने दा सौ २ सुकर करदा ए । सैं इस व्याहे जो सिर्फ अपना फर्ज ई नेई समझदा बल्कि तिसा जो इस गल्ला दी बी खुसी हुंदी ऐ भेई पितरां दा जेह्ड़ा कर्जा तिसा दे सिरे पर था, हण उतरणे आला ए ।

मिथेयो टैमें पर परसाइ करी नैं ऐई हाल बैह्णीं कनैं बाकी रिस्तेदारां दा हुंदा ए । जणेत बड़ियां सानां नैं चढ़ी नैं कुड़मां दे ग्राएं च पुज्जी जांदी ऐ । उत्थू जणेतियां दा बड़ा स्वागत हुंदा ए । कुसी सराई च जणेता जो डेरा देई दित्ता जांदा ए ।

पैह्लां मिलणी हुंदी ऐ, जिह्दे च कुड़म अप्पूं ची मिलदे हन । मिलणी करी नैं जणेता जो 'धाम' खुआदे हन । धाम खुआई नैं लग्न हुंदे हन, जिन्हां च कन्या दा पिता (जे पिता न होए तां माऊ) बरे जो निमचित समें पर कन्या दा दान करदा ए । इत्थू लग्ने दा बड़ा महत्त्व ऐ, जेह्ड़ा लग्न निमचित होऐ तिसी च कन्या-दान होगा जरूरी हुंदा ऐ ।

जालू लाड़ा लग्नां जो औंदा ए तां जणासां एह् गोत गांदियां हन :—

तू बाह्र आ मेरी श्याम सुन्दरी,
 काह्न लग्नां जो आएआ ।
 मैं किकण बाह्र आमां म्हारज मेरे !
 मैं बाओ ते सरमांदी आं ।
 तेरे बाओ जो मैं मत्तां देयां,
 होर क्या फरमानी एं ॥

... ..

दुए पासें जणासां गांदियां हन :—
 ना डर बेटिये नीं !
 बाओ खड़ा तेरे पास ऐ ।
 डरै लाड़ा लाडला नीं ?
 अस्मां आंदी ना साथ ऐ ॥

... ..

पुरोहित वेद मंत्रां दा उच्चारण करदे हन । बाजे होर बी
 जोरे नैं वज्जी उठदे हन, अदेए सुभ मुहुर्ते च कन्यां दे माता पिता
 सारे रिस्ते नातेयां, मित्रां सज्जणां दे साम्ह्णे बरे जो कन्या दा
 दान करी दिंदे हन । इसी रस्मां जो लग्न गलांदे हन ।

फिरी वेदीं हुंदियां हन । छत्थू अग्नीं दी फेरी लैई नैं दोए
 लाड़ा लाड़ी सारी जिदगी भर इक दुए दे बफादार बणे रह्णे
 दी प्रतिज्ञा करदे हन । ताल्ह लड़की बरे दे खब्बें पासें बैठदी ऐ,
 ताल्ह सै वामांगी बणी जांदी ऐ । इसा दा मतलब एह् ऐ, भेई
 हिन्दु धर्म दे अनुसार पत्नी दी जगा पति दे खब्बे पासें हुंदी ऐ ।
 फेरेयां ते परन्त ई कुड़ी खब्बें पासें बैठदी ऐ । ताल्ह सै पूरे तीर
 पर तिसा दी पत्नी बणी जांदी ऐ । इसा रस्मां जो खारियां
 बदलनां गलांदे हन । ताल्ह जणासां गांदियां हन :—

खारियां बदली लैइयां,
 हण होई पराई ।
 चाचे भतीजडिये,
 हण होई पराई ॥

... ..

(इयां ई सारेयां दा नाओ लैई २ गीत गांदियां हन ।)

फिरी 'लाजा होम' हुंदा ए, तिदे बिच कन्यां दे भाऊ कनें
दूए संबन्धी खिलां दा हवन करदे हन । ताल्ह जणासां इयां
गांदियां हन :—

हत्थां पर फुल्लियां थम्मदे नी,

मेरे अम्मां दे जाए ।

अम्मां दे जाए सै आपणे नी,

होर लोक पराये ॥

... ..

इयां ई हरेक मौके पर जणासां मिट्टे २ गीत गांदियां हन,
जिन्हां च इत्थू दियां कुड़ियां दा मापेयां कनें, भाऊआं कनें,
चाचेयां - तायेआं - मामेयां कनें, इत्थू दे लोकां दा बी अपणियां
धीयां कनें कुदरती पियार प्रकट हुंदा ए, कनें जिन्हां ते इत्थू
दिया सम्यता दा बी पता लगदा ए ।

भियागा सिर गुंदी हुंदी ऐ । नेण कन्यां दे सारे जो गुंदी
नें सौहरेयां दे घरे दे सारे गैह्णे जिन्हां च चौक फुल्लियां इत्थू
दे गिवाजे मुताबिक जरूर हुंदे हन. तिसा जो पैह्नांदी ऐ । इस
मौके सालियां जीजे जो जेहड़े मखौल करदियां हन, तिन्हां दा
वर्णन नेई होई सकदा । सै लाड़े जो लाड़िया ते हर पासैं होछा
वणाने दी कोसस करदियां हन । तिन्हां दे गीत बी इसी किस्मां
दे हुंदे हन :—

वे तू लम्मां लम्मां लम्मां,

बरी लेया कीस गल्ली ।

मेरी मां गई बंजा हेठ,

म्हीनां था जेठ, मै था उह्दे पेट,

मै लम्मां लम्मां लम्मां ।

... ..

(इयां तिजो काला-माड़ा बगैरा दसदियां हन ।)

—जां—

अवख मीटडुआ दंद जीकडुआ ।

अम्मां के नी लंदी अवख मीटडुआ ।

मैं डरदा मैं डरदा,
मेरी अम्मां वड़ी चक चाल ।
उस ते मैं डरदा ।

... ..

इयां लाड़े जो मखील करदियां कनें तिसा नें छेड़
छाड़ करदियां हन । ताल्हू लाड़े दी जेह्ड़ी हालत हुंदी ऐ, सै
ओई जाणदा ए । कुसी २ बेला एह् हासा मखील जां छेड़ छाड़
दुर्घटना दा कारण बी बणी जांदा ऐ । जियां केई बेरी केई
फूह्ड़ जणासां लाड़े दिया खारिया थलें तक्ला जां डोडे रक्खी
दिदियां हन, तिते बैठण लगेयां केई बेरी तक्ला लाड़े जो चुभी
जांदा ए, जां डोडेयां दे खिसकणे ते लाडा डिग्गी पौदा ए ।

जाल्हू सिर गुंदी होई हटदी ऐ तां सालियां जीजे ते छंद
मुणदियां हन । ताल्हू जीजा छंद पौदा ए :—

छन्द परागें आइये जाइये, छन्दे अगें केसर ।
सस मेरी पारवती, सौह्रा मेरा परमेसर ॥

इयां दो तिन छन्द मुणी नें ई सालियां तिसा दा छुटकारा
करदियां हन । जेह्ड़े फूह्ड़ चलाक लाड़े होण, सै इक एहो
जेया छन्द पाई नें अणणा पिच्छा छुड़ाइ लैदे हन :—

छन्द परागें आइये जाइये, छन्दे अगें काओ ।
दुआ छन्द ताल्हू पाणा, दसगी खसमे दा नाओ ॥

इयां सिर गुंदियां दी रस्म पूरी होई जांदी ऐ । फिरी
जणेती जो चाह् प्यादे हन ।

दोपहरां जो जणेती जो भोज दिदे हन । जिदे बिच भट्ठरू
जां पूरियां, कड़ाह् कनें खरियां २ सब्जियां बणादे हन । पर
सबनां चीजां ते मजेदार जेह्ड़ी भोजे च हुंदी ऐ सै हन जणासां
दियां गालीं, जेह्ड़ीयां सै जणेतियां जो बारी २ इक २ दा
नाओ लेई २ नें दिदियां हन । इन्हां गालीं दा सुआद ताल्हू
कड़ाहे ते बी बधी नें मलूम हुंदा ए । जाल्हू जणेत बेह्ड़ें बड़दी
ऐ, ताल्हू मै तिसा दा इयां स्वागत करदियां हन :—

जज गिल्हड़ेयां दी, जंज गिल्हड़ेयां दी,
 चंगा इक बी नां आयेया । जंज.....
 जज बुड्डेया दी, जंज बुड्डेयां दी,
 गवरू इक बी नां आयेया । जंज.....
 जंज काणेयां दी, जंज काणेयां दी,
 सुराखा इक बी नां आयेया,
 जज काणेयां दी ।

जाल्हू जणेत खाणा लगदी ऐ, तां इक २ जणेतिये दा नाओ
 लेई नें जणासां गांदियां हन :—

इजो होर पाएओ जी, इजो होर पाएओ जी ।
 ईह् दा ढिढ बड़ा चकूणां,
 खांदा सबनां ते ए दूणां,
 इजो होर पाएओ जी ।
 इजो होर पाएओ जी, इजो होर पाएओ जी ।
 एह् तां कल्ले दा बी भुखा,
 कल्ले परसुएं दा बी भुखा,
 इजो होर पाएओ जी ।

जाल्हू ताई जणेत भोज खांदी रेंह् दी ऐ, ताल्हू ताई जणासां
 दियां गालीं दी मजेदार रिमझिम बरखा बी तिन्हां पर हुंदी
 रेंह् दी ऐ । भोज खाई हटणे पर बी सें जारी ई रेंह् दी ऐ :—

हरेया तोतेया बे, तेरी काली प्यूली चुंज ।
 होरनां लाइयां चूटियां,
 लाड़े दे बब्बै डोबेया मुंड ।
 हरेया तोतेया बे

इयां ई लाड़े दे चाचेयां, मामेयां, भाऊआं दा नाओ लेई २
 नें गांदियां हन ।

— जां—

नस्सी जाओ नस्सी जाओ जणेतइयो वे,
 नी तां मुंड फड़ी लैनगे ।

एह् सब गल्लां वातावरणे जो होर बी मनमोह्क बणाई दिदियां हन ।

त्रकालां जो कन्या दे बिदा करने दा समां आई जांदा ए ।
कुड़िया दे मापे यथा सक्ति दाज दाने कनें तिसा जो सौहरे-घर
भेजणे दी तियारी करदे हन । ताल्हू सारा वातावरण गंभीर होई
जांदा ए । जणासां दे गीत होर बी रूआणे आले हुंदे हन ।
ताल्हू सै गांदियां हन :—

तेरे मैह्लां दे बिच बिच जी,
बाआो मेरी माता रोए ।
तेरिया माता जो चुप केरी लेंगे जी,
धीये घर जा आपणे ।
तेरे मैह्लां दे बिच बिच जी,
बाआो साड़ा डोला अड़ैया ।
इक इट्ट छुडाई लेंगे जी,
धीये घर जा आपणे ।

... ..

ताल्हू कुण माहणू हुंगा, तिसां दियां अक्खीं च पाणी नेई
आई जांदा । धी बिदा होई नें अपने घर चली जांदी ऐ, कनें ई
घरे दी सारी रौणक लेई जांदी ऐ । जिस घरें थोड़ी देर पैह्लां
बड़ी धूम धाम थी, तित्थू उदासी छाई जांदी ऐ । मापेयां दा
दिल तां कुनी पुच्छेया । तिन्हां दे दिले च जित्थू पराये धने जो,
बगानियां अमानतां जो तिसा दे असली मालके पास सौपी
देणे दा सन्तोख हुंदा ए, तित्थू पियारिया बिट्टिया दे बिछड़णे दा
दुःख बी असह्य हुंदा ए ।

जाल्हू जणेत घरें पुज्जी जांदी ऐ, तां निसचित म्हरते पर
अन्दरेरा हुंदा ए । लाड़ी सारेयां कनें गुणे खेलदी ए (एह्
बी इत्थू दी इक रस्म ऐ) दूए दिन अम्बिका पूजन जां दाड़नां
दा पूजन करी नें धाम हुंदी ऐ । इसा धामा जो गोत कणाले दी
धाम गलादे हन । इसा बिच नूआं जो, जेह्ड़ी पैह्लां पराये
गोते दी हुंदी ऐ, अपने गोते च सामल करदे हन । सस लाड़िया
दे मुएं च, लाड़ी सस्सू दे मुएं च भत्ते दे ग्राह् पांदी ऐ । इयां

ई पाणिये दियां चूलियां इक दूइयां जो प्यादियां हन । इस रस्मां दे परन्त लाड़ी पूरी तरां तिन्हां दे कुले दी इक अंग बणी जांदी ऐ ।

फिरी नूआं जो बापिस मापेयां दे घरीं भेजी दिंदे हन । व्याहे दा कारज मुक्की जांदा ए ।

इसा ते परन्त मकलौआ (द्विरागमन), तिरीजा हुंदा ए । फिरी लाड़िया दा आीणा जाणा खुल्ली जांदा ए ।

(इत्थू इक गल होर दसणी जरूरी ऐ, भेई जातूह जणेत व्याह्णा चली जांदी ऐ, तां पिच्छों जणासां भांती भांती दे स्वांग बणी नै गिद्धा पांदियां रेंहदियां हन, गिद्धा इत्थू दे व्याहे दा खास अंग ऐ । इत्थू दे गिद्धे दे गीत बी बड़े मसाहूर हन ।)

व्याहे दियां विसेपतां

इत्थू दे व्याह् च बड़ियां विसेपतां हन :—

(क) व्याह् इक पवित्र रिस्ता :—

इत्थू दे व्याह् दी बड़ी विसेपता एह् ऐ, भेई इत्थू व्याहे जो धन कमाणे दा जां संसारिक भोगां दा साधन नेई, बल्कि इजो पति-पत्नियां दा पवित्र रिस्ता बुझदे हन । व्याहे जो कुल बधाणे दा साधन मनदे हन । इत्थू व्याह् इक अजेई रस्सी ऐ, जिह् दे कनै बभेयो लाड़ा-लाड़ी जन्म जन्मांतर तक बी नेई छुटदे । इत्थू व्याह् इक ऐसा खेतर ऐ, जित्थू आई नै दो आत्मां मिली करी इक होई जांदियां हन, तिन्हां च कोई भेद भाव, कोई बखरापण नेई रेंह् दा ।

(ख) दाज प्रथा दा अभाव :—

इत्थू तिसा प्रथा दा जेह्ड़ी अज सारे समाजे दे मत्थे पर कलंक ऐ, अभाव ऐ । इत्थू मुंडुए आले धीयां जो मता दाज देणे बास्तै तंग नेई करदे । न ई कुड़ियां जो मापेयां दे घरां ते होर धन ल्यौणे बास्तै दुःखी करदे हन । इस बुरे रिवाजे करी जेह्ड़ियां दुर्घटनां बाकी दे मुलखे च होआ करदियां हन, धीयां

कनै जेह्ड़ा दुर्व्यवहार तिसा दे सौहरे करदे हन, तिन्हां सबनां बुराइयां ते इत्थू दे लोक बचेयो हन। इत्थू कुड़ियां दे मापे जो किच्छ बी खुसी होई नै पलंग पीही, चरखा घरे दे भांडे बर्तण, गां, म्हैस देई देण, कुड़म स्वीकार करी नै धनवाद करदे हन। मतलब एह् इत्थू सारे मुलखे च बदनाम कुड़ियां दी जान लैण आली जां तिन्हां दे मापेयां जो जन्मे जन्मे ताई साहुकारां दा गुलाम बणाई देणे आली दाज प्रथा नेई ऐ।

(ग) सुखी गृहस्थ जीवन :-

इत्थू दा गृहस्थ जीवन बड़ा सुखी कनै सन्तोख भरिया हुंदा ए। पति पत्नि दोए इक दूए दे जाणे मरणे दे साथी बणी नै रेंहदे हन। दोनों जणे गृहस्थे दिया गड़िया दे दो मजबूत पहिये बणी नै तिसा जो चलादे हन। घरे च चाएं किनी गरीबी, किनी तंगी कै ना होऐ, घरे आली कदी बी बाहर जाई नै घरे दी बेज्जती नेई करदी। सै घरे दिया इज्जती जो अपणी इज्जत समझदी ऐ। जे घरे दी हालत माडी होऐ तां सै कपड़ेयां जो टल्लू पाई नै गुजारा करी लेंदी ऐ। रूखा सूखा, जे दाल सब्जी न होऐ, तां लूणे नै ई खाई नै कम करदी रेंह् दी ए पर घरे आले जो कर्जा चुक्की नै तिसा जो खरे २ कपड़े, बधिया २ चीजां लेयाई नै खुआणें बास्ते कदी तंग नेई करदी। सै मालके दे मुखे जो अपणा ई मुख बुझदी ऐ।

इस गल्ला ते छुट बड़ी गल्ल एह् ऐ, भेई पति चाएं गोरा होऐ, चाएं काला। चाएं सुन्दर होऐ, चाएं करूप। चाएं काणा होऐ, चाएं टीणा। चाएं ऐबी होऐ, चाएं बबाबी। गलाणे दा मतलब एह् भेई चाएं सै कदेया बी होऐ, पत्नि उजो पति परमेसर मंनी नै पूजती ऐ। उसा दी हर इच्छा जो पूरी करने बास्ते राती दिनें तियार रेंह् दी ऐ।

दूए पासैं मर्द बी अपणियां जणासां कनै तियां ई व्यहार करदा ए। सै बी तिसा दी हर गल्ल मनदा ए। हरेक कमे च तिसा दी सलाह् लेंदा ए। सै चाएं काणी होऐ, चाएं टेपरी।

चाएं काली होए, चाएं गोरी । चाएं सूहणी होए, चाएं बदमूरत । चाएं अमीर घरे दी होए, चाएं गरीब घरे दी । इदेइयां गलां जो लैई नें इत्थू कदीं बी कोई भगड़ा नेई होएया, ना ई कदीं तलाके दी नौबत आई । इसी करी इत्थू इस प्रथा दा अभाव ऐ । सै (पति) जणासा दे हरेक सुखे दा म्हेसां ख्याल रखणा अपणा धर्म समझदा ए । तिसा दी हरेक इच्छा जो पूरी करने दा पूरा यत्न करदा ए । तिसा ते कुसां गल्ला दी चोरी नेई रखदा । अपणी सारी कमाई त्याई नें तिसा दे हत्थे पर रखी दिदा ए ।

(घ) घरे दा कंम काज सांझी :-

इत्थू दे ब्याह् दी चौथी विसेषता एह् ऐ, भेई घरे दा सारा कंम काज मर्द जणास दोएं मिली नें साम्ह् दे हन । इत्थू हरेक कंमे च मर्दा कनें जणासां दा बराबर हिस्सा हुंदा ए । मर्द बाहरे ते कमाई त्यांदि हन, जणासां तियार करी नें परवारें जो खुआंदियां हन । जे मर्द खेतां च हल बांहुंदा ए, तां जणासां कुठेले कनें ठीमैं भनदियां हन । जे मर्द बुआई करदे होण तां जणासां पिच्छैं केरा करदियां हन । जे मर्द धानां दी ऊरी तियार करदे हन, तां जणासां गोडें २ पाणिये च खड़ोई नें ऊरी लांदियां हन । जे मर्द फसल बढदा ए तां कनें जणासां बी बढदियां हन जां पुलिया बणांदियां हन । जे मर्द फमला जो गांहुंदा ए, तां जणासां फसला जो उड़ाई नें दाणे साफ करदियां हन । गलाणे दा मतलब एह्, भेई इत्थू दियां जणासां सई अर्था च अपने आपे जो “अर्धागणी” (मर्द दा अर्धा सरीर) कंहुंलाणे दा हक रखदियां हन ।

अबबल तां कदी बी अजेया मौका नेई आंदा, भेई कदीं मर्दे जणासां दा अप्पू च मन मुटाव जां कुसी किस्मां दा तकरार होऐ, पर जे कदी अजेई नौबत आई बी जाए, तां अप्पू च समझीता होणे जो बी देर नेई लगदी । थोड़ियां देरां परस्त मनमनीती होई जांदी ऐ । फिरी तियां ई सै दोएं हस्ती २ कंम करणा लग्गी पौंदे हन ।

(ड) गरीबी दिया हालता च बी खुसी रेंहणा :-

इत्थू दे विवाहित जीवने दी इक होर बड़ी खूबी एह ऐ, भेई सै गरीबी दिया हालता च खुसी रेंह दे हन । इत्थू दे लोकां दी माली हालत कमजोर ई हुंदी ऐ । लोकां दा गुज्जारा थोड़ी जिनी खेतिया पर जां भेडां बकरियां पाली नैं तिन्हां दी उन, खलड़ू बेची नैं हुंदा ए । होर आमदणी दे साधन घट हन । इस करी घरां च कोई न कोई चीज मुकियो रेंह दी ऐ । पर सै कदी बी इमा गल्ला जो लैई नैं रोदे नेई ना ई अपने भागां जो कोसदे हन । जणास कदी बी मर्दे जो इस गल्ला बास्तैं नेई कोसदी, बल्कि बड़े सन्तोखे कनैं अपने बाल बच्चेयां जो पालदे पोसदे खुसी २ अपना बक्त कटदे हन ।

तंगी दी हालता च बी खुसी रेंहणा इत्थू दे लोकां दे मुभाअ दी बड़ी विसेपता ए ।

—०*०—

....१८

कांगड़े दे जन्मोत्सव

Birth Ceremonies in Kangra

जियां होर सब घरे च मुंडुए जां कुडिया दे जम्मणे पर खुसी मनांदे हन, तियां ई इत्थू दे लोक बी नोए माहणुए दे घरे च औणे ते खुसी करदे हन । जे घरे च जागते दा जन्म होए तां घरे दे लोकां दिया खुसिया दा ठिकाणा नेई रहेदा । जागत जम्मणे पर अन्दर बैठियां जणासां थाली बजादियां हन, जिसा दा दूंह तरां दा मतलब हुंदा ए । इक तां एह् भेई बाहर बैठेयां जागते दे बापुए, बैह्ण, भाऊआं कनें चाचे ताउआं जो पता लग्गी जाए, भेई औणे आला माहणू जागत ई ऐ । दुई गल एह् भेई पैदा हुणे आला जागत थालिया दी अवाजा जो मुणी नें छेती ई अपनी गर्भ निदा जो छड़ी करी होसा च आई जाए । थालिया दी छेड़ मुणी नें जागत रोणा लग्गी पौंदा ए । जागते जो रौंदा मुणी नें उमा दी भाऊ जो मागियां पीड़ां भुल्जी जांदियां हन । बापुए, बैह्ण, भाऊ चाचे-नाउआं दे दिल खुसियां कनें भरी जांदे हन । अन्दर बैठियां जणासां गीत गाणा लग्गी पौंदियां हन, जिन्हां जो हमणू-खेलणू गलांदे हन ।

ए हमणू-खेलणू मेरे प्यारेया ।

क्या लेई जाणा संसारे दा ए ॥

जिस दिन गीमे नें जन्म लेया मेरे प्यारेया ।

अंगण रिभदी खीर बी ए ॥

—जां—

अंगणें मरुए दा रूख,

अजी रामा अंगणें मरुए दा रूख,

मरुए छावां कौण खड़ी हां वे आं ।

मैं हां गरीबां दी धी, अजी रामा ।

मैं हां गरीबां दी धी ।

जे तू गरीबां दी घी, छोड़ी २ आओ चढ़ी ।

बड़ी भारी सरमां दी गल,

किसी संग केही ना मकां,

दाई माए, सही देयो ।

इयां ई होर बी मते गीत सारी २ रात गांदियां रेंह् दीयां हन ।

दस ग्यारां दिनां ताई राती दिनें लोक औंदे रेंह् दे हन, मुंडुए दे बापुए जो कनें बड़केयां जो हरी द्रुव दिंदे कनें वधाई दिंदे हन । जणासां हसणू-खेलणू गांदियां हन । फिरी खरा (मुभ) दिन, वार, मूर्त दिक्खी नें प्रसूनिका स्नान करांदे हन, जिजो इत्थू दिया बोलिया च गूंत गलांदे हन । गूते दा इत्थू बड़ा महच्च ए । जाल्हू ताई गूंत ना होई जाए, ताल्हू ताई घरे च सूतक रेंह् दा ए । जिमा दा मनलव एह् हुंदा ए, भेई घर अमुद्ध हुंदा ए । घरे च कोई पुन बग्त, मोख जां पूजा दा कम नेई होई सकदा । गूंत लैई नें ई घर पवित्र हुंदा ए ।

गूते जो पंडत जागते दी टीप लिखदा ए । टीप लिखी नें पंडत जागते दे खरे बुरे ग्रेंह् दा फल सबनां जो सुणांदा ए । जागते दे खरे ग्रेंह् मुनी नें मापे बड़े खुसी हुंदे हन । फिर जचां, जो कनें बच्चे जो गर्म पाणिये कनें स्नान कराई नें पुगोहत माऊपुत्ते जो तूलियां कनें गाई दा गूंत चटांदा ए । गाई दा गूंत पी नें जच्चा-बच्चा दोए पवित्र होई जांदे हन (ऊयां बी गाई दा गूंत पीणा सेहता बास्तें ठीक हुंदा ए) सारा घर पवित्र होई जांदा ए । सूतक हटी जांदा ए । पडने जो कनें औणे आले लोकां जो सक्कर छोले बंडे हन । समर्था आले लोक बाजे बी बज्वांदे हन ।

जे कुड़ी जम्मे तां चाए घरे च इनी खुमी नेई हुंदी, फिरी बी सब चज चार तियां ई करदे हन, जियां जागते दे जम्मणे पर । पर कुड़ियां जम्मणे पर गूंत छेती ई लैई लैंदे हन ।

नामकरण :-इत्थू जागतां दे नाओ रक्खणे दा बी किच्छ नोखा ई ढंग ऐ, जे जागत तिनां कुड़ियां परन्त जम्मैं (तिजो इत्थू खरा नेई बुझदे) तां तिसा दा नाओ तेलू, जे बीर वारे जो जम्मैं तां उसा दा नाओ बीरू, जे सौण म्हीने जम्मैं तां सौणू, जे

बसाखे च जंमैं तां बसाखी नाओं रखी दिदे हन । जे जागते दा रंग गोरा होए तां गोरू, जे रंग काला होए तां कालू बगैरा नाओं रखदे हन । जागते जो मंदी नजर ना लग्गी जाए, इसा मल्ला ते बचणे ताई तिसा दा होछा जेया नाओं जियां चमारू चूह्‌डू, मांगू रखी दिदे हन । कदी २ तां पियारे च अजेए नाओं रखी दिदे हन, जिन्हां जो मुणी नैं हासा औंदा ए, जियां मकोड़ू, पीजू, फांदू, फीचू बगैरा । इन्हां दा एह् नाओं बड्डे होइ नैं बी सै ई रह्‌दे हन ।

इयां ई बिट्टियां दे नाओं बी भीखी, निक्की, जौडी । जे बड़ी ई लाडली होऐ तां चूही, मकोड़ी बगैरा रखी दिदे हन । एह् सब गल्लां इत्थू दे लोकां दे भोलेपणे जो दसदियां हन ।

हण नौइयां पीढ़ियां दे जागतां कने बिट्टियां दे नाओं नौएं जमाने मताबक ई रखे जादे हन । हण पैह्लां दे मकोड़ू—महेव कुमार, कीडू—कृष्ण कुमार, चूह्‌डू—चंचल कुमार बणी गए हन । इयां ई बिट्टियां बी भीखी, निक्की, चूही, मकोड़ी बगैरा नेई रेइयां, सै बी उषा, मुन्ना, उर्मिला, निर्मला आद बणी गइयां हन ।

पर पैह्लां दे नाओंआं च इक विमेषता जरूर थी, भेई सै नाओं बालकां दे गुण, कर्म, मुभाअ, रूप, रंग कने चाला दे मताबक ठीक हुंदे थे । दोएं चीजां अप्पू चीं समान धर्मी हुंदियां थियां । पर अज कल लोक रखदे हन सूह्णा जेया नाओं चाएं सै मुंडुए कुड़िया दे गुणां ते बिल्कुल उल्टा होऐ । जियां मुंडुए दा नां विद्याधर रखी दिदे हन चाएं वड्डा होई सै डंगरे ई चारैं । इयां कुड़िया दा नाओं निर्मला, उर्मिला रखी दिदे हन, चाएं कपड़ेयां पर धड़ी २ मैल जंमी होऐ । नाओं जरूर उषा रखी दिदे हन, चाएं रंग रातीं आला ई होऐ ।

फिरी बी सियाणे लोक अजे पुराणे नाओं ई पसंद करदे हन । स्याणियां बुड्डियां जो तां नौए नाओं लैणे बी नेई औंदे ।

इयां ई वाकी संस्कारां जो बी इत्थू दे लोक चाएं चाएं करदे हन ।

मरण-संस्कार

Death Ceremonies

कांगड़े च बाकी संस्कारां साईं मृतक संस्कार बी पूरी रीति कनें करदे हन । मरणे आले दी उमरा दे अनुसार इस संस्कारे दी रीति बी अलग अलग ऐ :—

जे नियाणे दी मौत होई जाए तां उजो दबदे हन, कनें पंज जां मत्त दिन मोग करदे हन ।

जे बुढा (जवरा) मरी जाए, जेह्वा दोहते, पोतेयां, धीयां, नुआं आला, भरोए परवारे आला होणे, तां सारे अपणियां भट्ठां करांदे हन । वड़े ठाठे कनें जवरे दा विमान कढदे हन अर्थात् उसा दिया अथिया जो खूब सजांदे हन । अथिया अग्नें बाजा बजदा चलदा ए । फिर तिसा जो ग्राएं ते बाहर मसाण घाटें (जेह्वा सारे ग्राएं दा सांभी हुंदा ए) लैजाई नें चनन कनें आम्ले दी लकड़ी पाई नें दाह संस्कार करदे हन । सारे ग्राएं दे लोक मातमें च मामल हुंदे हन । मुरदे जो लकड़ी पीणा बड़ा पुंने दा कम बुभदे हन ।

दाह संस्कारे परन्त पूरी रीतिया कनें पिंड दान करदे हन, अठ जां दस दिन मोग मनांदे हन । जणासां मिर खुल्ले रखदियां हन, हत्थां दियां बंगां, नक्के कनें कनां दे सारे गैह्णे खोलही दिदियां हन । खूब स्यापा करदियां हन । ग्यारां जां तेहरां दिनां परन्त तिसा दे क्रिया कर्म करदे हन । कर्मा तीक घरें च पातक रहेदा ए । इन्हां दिनां च होर कोई कम करना इत्थू धर्में दे खिलाफ बुभदे हन । कर्मा ते परन्त प्राणिये दी सद्गति होई बुभदे हन । घर पवित्र होया मंनदे हन ।

जे गबरान् दी मौत होई जाए, तां परवारे पर दुःखां दा

प्हाड़ टुट्टी पौदा ए । बुड्डी ग्रम्मां कूँजा साईं कुरलांदी ए ।
 बच्छ बच्छड़िया गाई साईं पुत्ते दे वियोगे च रड़ांदी ऐ, वरलाप
 करदी ऐ । बैह्णां पाणी बच्छड़ी मच्छियां साईं तड़फदियां
 हन । बुड्ढे बापुए दा गलाणा ई क्या, तिसा दा तां लक्क ई
 कनें नेई रैह्दा तिसा बास्तें सारा संसार सुंना होई जांदा ए ।
 बाहरे ते तां सै होरनां जो दिलासा दिदा ए, पर तिसा दे दिले
 च जेह्ड़ा तूफान मचेया हुंदा ए, तिसा जो सै ई जाणदा ए । पर
 विधि दे विधाने जो कुण मेटी सकदा ए ? रोंदे, रड़ांदे, अपने
 फुट्टेयां कर्मां जो कोसदे तिसा दे बी सारे संस्कार करदे हन ।

इयां ई इत्थू जणासां दे मरने पर बी सब्बे संस्कार कीते
 जांदे हन ।

—o❀o—

लोकां दा पेशा (धंधा)

Occupation of the Peoples

कांगड़ा इक कृषि प्रधान प्रदेश ऐ। इत्थू दे लोकां दा मुख धंधा खेती बाड़ी ऐ। खेती बाड़ी ते छुट्ट इत्थू दे लोक खाम करी नें गद्दी भेडां बकरियां बी पालदे हन। इन्हां भेडां बकरियां ते तिन्हां जो मते लाभ हन :—

इक तां तिन्हां दियां उंतां दे पट्टू, कम्बल, लांघां कर्नें अपने बास्ते कपड़े बणादे हन। पट्टू, कम्बल, लांघां बेची नें से पैसे बटदे हन।

दूई गल्ल एह् तिन्हां दियां मींगणां, गुंतरे दी खाद बणाई नें खेतां च पांदे हन। जेह् डी सारियां खादां ते बधिया मनी जांदी ऐ। इसा खादी ते तिन्हां दे खेतां दी पैदावार त्रिगुणी होई जांदी ऐ।

त्री गल्ल एह् इन्हां भेडां, बकरियां दे छेलुआं - भेडुआं जो बेची नें इत्थू दे लोकां जो आमदण हुंदी ऐ।

जे खेती बाडिया दा कम ना होऐ, तां इत्थू दे मर्द मिहणत मंजूरी करदे हन। बणां च बहाई कटाई, चिराई दुआई करदे हन। जणासां बी बेहू ले टैमें च घर नेई बैठियां रहे दियां। सै चाई दे बगीचेयां च पत्तियां तोड़ने दा कम करदियां हन।

केई लोक मच्छियां पकड़णे दा बी कम करदे हन। व्यासा दे तेज बगदे पाणिये च महासीर नाओं दियां मच्छियां मिलदियां हन। इन्हां ते छुट्ट माली, सौल, बचवा कर्नें शिघाड़ा किम्मां दियां मच्छियां बी इत्थू हुंदिया हन। नदीण, देहरा गोपीपुर, मुजान पुर टीरा कर्नें अन्दोरा, मच्छियां पकड़णे दे मुख केन्द्र हन।


पाल्पामपुरे नजलैक चाई ठे कारखाने छी इक अलक



चाई दा बाग



चाई दा कारखाना



चाई पत्ती तोड़दी इक प्हाड़ नार

व्यासा ते छुट्टे इत्थू खड्डा च बी मच्छियां हुंदिया हन ।
कांगड़े कने बैजनाथे दे नेडै खड्डा च बधिया किस्मां दियां
मच्छियां मिलदियां हन ।

इन्हां कमां ते छुट्टे इत्थू दे गबरू फौजा च बी भरती हुंदे
हन । इत्थू दे सपूत, खास करी नै म्हीरपुरे दिया तसीला दे
भारती फौजां दे प्रधान ग्रंग हन । इन्हां दी बहादरी दा लोहा
सारी दुनियां मनदी ऐ । इत्थू दे बीरां दी डोगरा फौज केई
बेरी दुस्मणा दे दंद खट्टे करी चुकी ऐ । इत्थू दे मसाहूर जरनैलां
दी बाबत असीं पैह्ला ई दस्सी चुके आं ।

पैह्ला गरीबिया करी नै इत्थू दे मुंडू सैहरां च जाई नै
तित्थू घरां च नौकरी करदे थे, जेह्ड़ा इस इलाके दे मत्थे पर
इक कलंक मलूम हुंदा था । पर अजे दे मुंडुआं, गबरूआं ने
पढ़ी लिखी नै इस कलंके जो ना सिर्फ धोई दित्ता ए, अपणे खरे
कारनामेयां दे सेहरे कने इसा दे मत्थे जो होर सजाई दित्ता ए ।

—०❀०—

आर्थिक-अवस्था

Economic-Condition

एह गल पैह्ला ई दस्सी चुक्के आं, भेई इत्थू आमदणी दे साधन बड़े, घट हन। इस करी लोकां दी माली हालत कमजोर ई ऐ। लोकां दी बहुगिणती गरीब ऐ। गरीब होणे करी नें ई लोक अपने लौह् के २ नियाणेयां, अपने कालजे दे टुकड़ियां जो सैह् रां च दूएआं दे नौकर बणने बास्तें भेजी दिंदे थे। उत्थू जाई नें सै लोकां दे घरां च नौकरी करंदे थे। सै लोक तिन्हां जो मुंङ्ग करी सददे थे। मुंङ्ग तिन्हां दे घरे दा सारा कम करदा, सै तिन्हां दे नियाणेयां जो खेलांदा, तिन्हां दे चूल्हे गीठियां बालदा, तिन्हां दे घरां दी सफाई करदा था। सै बीबी जी बास्तें बजारे ते सब्जी होर छोटा मोटा सौदा ल्यौंदा, इयां सै तिन्हां दे तां वड़ा कम औंदा पर अण्णू सै निकम्मां, अनपढ़ ई रेंह् दा। जाल्हू बड्डा होई नें घरे जो औंदा, तां अनपढ़ होणे करी नें सै होर तां कोई कम नेई करी सकदा था, सिवाए इसा दे भेई अपने मापेयां साई घरे दिया पुराणियां लकीरा पर चलदा रेंह् दा, जां कुतीं दफ्तरे च चपड़ामी जां चौकीदार बणी जांदा, जां फौजा च सपाई भरती होई जांदा। इयां तिजो बी अपने बुजुर्गा साई सारी उमर निरधनता दियां चक्किया च पियोणा पौंदा।

पर हण सै गल्ल नेई रेई। हण इत्थू दे लोक स्याणे होई गए हन, सै अण्णे मुंङ्गआं जो सैह् रां दा खिलौना बणने ताई सैह् रां च नेई भेजदे, इत्थू ई तिन्हां जो पढ़ांदे, लिखांदे, खरे २ कम सखालदे हन। जिस करी तिन्हां जो बी मदद मिलदी ऐ कनें मुंङ्गए दा जीवन बी सुखी बणदा जा करदा ए।

फिरी बी इत्थू दे मते लोक गरीब हन। पर सै इमा

गरीबिया च बी सन्तुष्ट रेंह् दे हन । होरनां जो अमीर दिक्खी
 नैं तिन्हां जो कोई ईर्ष्या नेई, कोई जलन नेई हुंदी । होरनां जो



धानां दे खेता च कंस करदी इक प्हाड़ी नार

बदधे दिक्खी नैं तिन्हां जो कोई हौल नेई । कदी होरनां दिया
 चीजां दिक्खी नैं तिन्हां जो चोरने, ठगणे जां लुटणे दी गल्ल

तिन्हां दे दिले च नेई आँदी । एई कारण ऐ भेई इत्थू चोरी जां
लुटमारां दियां घटना नेई हुंदियां । लोक दसां नैह् दी कमाई
करी नें जो किच्छ पौदे हन, सै चाएं थोड़ा होऐ, चाएं मता,
तिसा बिच ई अपने आप जो सुखी रखदे हन । बेइमानी, ठगी
जां चोरी करनी स म्हां पाप बुझदे हन । एई इत्थू दी सभ्यता
दा खास गुण ऐ ।

—०४०—

कांगड़े च सिक्षा

Education in Kangra

तित्थू होर सारियां गल्लां इत्थू सूहणीयां, बांकियां कनें मनमोहणीयां हन, उत्थू इक गल्ल अजेई बी ऐ, जिसा नें अज्जे ताई इस इलाके जो बाकी सारे मुलखे ते बिछेड़ी रखेया, जिसा नें इत्थू दे हीरेयां मोतियां जो कौडियां भाएं बिकाया। जिसा नें इत्थू दे होनहारां जो दूएआं दे खिलीने बणने ताई मजबूर करी रखेया। सँ ए इत्थू दे लोकां दी “असिक्षा”, “अनपढ़ता”।

एह् गल्ल इत्थू वास्तें ‘चन्दे च कलंक होणे’ साई ऐ। पर इसा दे बी किच्छ कारण हन :—

(क) पैह्लां देस बिदेसियां दे अधीन था। बिदेसी सरकारा नें इत्थू दे लोकां दियां पढ़ाइयां बल्ल तां क्या धियान देणा, सँ तां बाकी मुलखे च बी सिक्षा दा कोई प्रबन्ध नेई करना चाह्दी थी।

(ख) बड्डे स्कूलां दी तां गल्ल ई क्या। छोटे नियाणेयां दे बी स्कूल बिरले ई हुंदे थे।

(ग) लोक गरीब हन, इसी करी सँ मुंडुआं जो स्कूल भेजणे दी बजाए कुसी दी नौकरी करी नें चार पैसे कमाई नें ल्योणे जो खरा बुझदे हन।

(घ) अनपढ़ होण करी मापे पढ़ाइया दे महत्त्व जो नेई बुझदे, इस करी तिन्हां दा ख्याल ऐ, भेई स्कूले च वक्त गुआणे दी बजाए एह् गल खरी ए, भेई तिन्हां दा छोह्क भेडां, बकरियां जो ई चारी ने लई आऐ। जां घरे दे कमे च तिन्हां दा हत्थ बटाये। इस करी सँ नियाणेयां जो स्कूल नेई भेजणा चाह्दे।

पर इसा असिक्षा दे न्हरे च बी इत्थू कुतीं कुतीं केई तारे

अजेए चमकदे रँए हन, जिन्हां दे लसकारेयां नैं ना सिरफ इसा लाके दे नाएं जो सारी दुनियां च रोसन करी दित्ता, बल्कि सारे मुलखे जो ई चमकाई दित्ता । तिन्हां च सर जय लाल, बरूशी टेक चन्द, अंग्रेजां दे बक्ते बी हाई कोर्टे दे जज रँई चुके हन । श्री मेहर चन्द म्हाजनैं तां स्वतन्त्र भारते दे बड्डे जज बणी नैं सुप्रीम कोर्टे दी कुसिया दी बी सोभा बधाई । अज्ज बी तिन्हां दे सपुत्र कने सर जय लाले दे सपुत्र पंजाब-हरियाणा हाई कोर्टे दे जज बणेयो हन ।

हण लोकां च जागृति औआ करदी ऐ । इत्थू बी ग्राएं २ च प्राइमरी स्कूल, हाई स्कूल कने किच्छ कालेज खुली गए हन, जित्थू कांगड़े दे जागत पढ़ी नैं, ना सिर्फ कांगड़े बास्तें ई बल्कि सारे देसे बास्तें फँदे मंद साबत होआ करदे हन । सैं मुलखे दिया मसीनरिया दे निहायत जरूरी पुर्जे बणदे जा करदे हन ।

अज्ज ना सिर्फ इत्थू दे मुंइ ई बल्कि कुड़ियां बी स्कूलें जाणे जो मापेयां अग्यें तरले करदियां हन । जियां इसा गीते च इक कुड़ी अपने मापेयां जो गलांदी ऐ :—

मिजो स्कूले च पा मेरे बापू ।

पा मेरे बापू, मिजो स्कूले च पा ।

मिजो बी पढ़ने दा चा मेरी अम्मां ।

चा मेरी अम्मां, मिजो बी पढ़ने दा चा ।

कमला बी पढ़दी तां बिमला बी पढ़दी ।

मिजो बी पढ़ने दा चा ।

... ..

इयां अज्ज इत्थू ते असिक्षा दा न्हेरा दूर हुंदा जा करदा ए । अज्ज इत्थू दे मुंइ कुड़ियां अप्पू च मास्टर मास्टरनियां बणी नैं अपने बेह्णां भाउआं जो पढ़ाने दिया कोससा च लगेयो हन । सैं दिन दूर नेई, जदू इत्थू दे ज्ञान मूरजे दियां प्रभाती किरणां सारे देसे च उजाला करी दिगियां । पर अजे काफी कोससां दी जरूरत ऐ ।

—०*०—

अन्ध-विश्वास

Blind-Faith

एह् गल्ल असां पैह्लां ई दस्सी चुके आं, भेई इत्थू असिक्षा जां अनपढ़ता जियादै ए, इत्थू मते लोक अनपढ़ हन । अनपढ़ होणे करी नैं सैं कइयां किस्मां दे अन्ध-विश्वासां कनैं भरमां दे सिकार हन । जियां पैह्लां बी दस्सेया ए, इत्थू लोक नंगे मिरैं रैह्णा बुरा बुझदे हन । चलण लगेयां छिक्क बज्जी जाए, चलदेयां जो अगैं खाली घड़ा घड़ोलू मिली जाए, अजेयां होर बी मतियां गल्लां जो इत्थू दे लोक बुरा कुसगण मनंदे हन ।

भूतां भरमां नैं एह् प्रदेश भरेया ए । जादू दूणियां पर तिन्हां दा पूरा विश्वास ऐ । जे कुसी बेला निक्का नियाणा मता रोऐ, चुप कराणे ते बी चुप ना होऐ, तां बुझदे हन । “इजो कुसी दी बुरी नजर लग्गी गेइयो ऐ” । ताल्हू सैं लाल मिर्चा तेले च डोबी नैं नियाणे उपरी परेड़ी नैं बलदिया अग्गी च पीदे हन, चाएं नियाणे दे ढिड्डे च ई पीड़ होऐ, तिन्हां दा पैह्ला इलाज ऐई हुंदा ए ।

जे कदी नियाणा बमार होइ जाए कनैं तिसा जो अराम ना होऐ, तां तिसा जो पूतना दा कोप समझी नैं पूतना दा पुतला बणाई नैं तिजो चंगेरा च रखी नैं रंग बरंगियां झडियां नैं सजाई करी पज सत्त दीये बालदे हन । फिरी पूतनां दी पूजा करी नैं त्रकालां बेलैं चुरस्ते च रखी आंदे हन । इसा जो ‘भरण’ छडना गलांदे हन ।

इयां ई जे कोई मर्द जां जणास मते रोज बमार रैए कनैं तिसा जो कोई दवा ना लग्गी तां इत्थू बुझदे हन, ‘इसा जो कुसी प्हाड़ी देवते दा खोट होई गेया ए’ । ताल्हू कुसी चेले जो सद्दी नैं रोगिये जो मुट्ठा लुआंदे हन (सैं मोरे दे फगां दी बणियो जूड़ी

हुंदी ऐ) । चेला मुठ्ठे जो इक बारी बिमारे माहणुए कनें छुआई नें दूई बारी तिजो धरती नें पटकी नें किच्छ बुड़बुड़ करी मंतर पढ़दा ए । फिरी बिमारे जो मंतरी नें लौंग, लैचियां खाणे जो दिदा ए ।

जे प्रमूता जणासां जो हौआ लग्गी नें संनिपात होइ जाए कनें बदकिस्मतियां नें जणास सब्बे करी बकणा लग्गी जाए, तां तिसा दा इलाज करने दी बजाए बुभदे हन, “इसा जो भूत जां बतावू चिमड़ी गया ए, तां ई एह् बोला करदी ऐ ।”

इयां सोची करी कुसी चेले जो सददे हन । चेला गुग्गल धूप धुखाई नें लोए दे मुंगल छणकाई करी जणासा दा भूत कढणे दा जतन करदा ए । पर भूत तां क्या निकलणा, केई बेरी टैंमें पर दुआई ना मिलणे करी नें बिचारिया दे प्राण ई निकली जांदे हन ।

इसी तरां जे कोई दिमागे दिया खराबिया करी बकणा लग्गी पौऐ, तां बी तिसा जो ओपरे दी कसर बुभदे हन । इक अजेई घटना साड़े रिस्तेदारां दे ई घटी । घरे दे किच्छ फिकरां करी नें कुड़िया दे दिमागे च किच्छ नुकस पेई गया, सै बोलणा लग्गी पेई । तिसा दे घरे आलेयां समझेया, “एह् मंगले धियाड़ें न्हरे होए ते पिप्पले हेठां लंघी थी, इस जो तित्थू किच्छ चिमड़ी गया ए ।”

बस फिरी क्या था ? चेले जो सदेया । चेले नें गुग्गल धुखाई करी मंतर तंतर पढ़े कनें चला गया । चेले ते इलाज कराणे परन्त कुड़िया पर किच्छ मनोविज्ञानक असर होई जाणे करी नें सै दो तिन दिन चुप रेई । घरे देयां बुझेया, हण एह् ठीक होई गेई ऐ कनें साडा अन्दाजा ठीक था ।

पर दो तिनां धियाड़ेयां परन्त फिरी सै कुड़ी बोलणा लग्गी पेई, सगों पैह्लां ते बी जियादा । इक मिट बी चुप ना होई । फिरी तिन्हां सोचेया, इस जो हाली छटा रेई गेई ऐ । तिन्हां फिरी चेला सदेया, पर हण चेले दा कोई असर नेई होएया । तिनी काफी मंतर पढ़े, अपना जोर लाएया पर तित्थू कोई भूत

हुंदा तां मंतरां नैं नमदा, मै तां दिमागे दी खराबी थी । मै तां इलाजै नैं ई ठीक होणी थी । अखीर चेला अपना जोर लाई चला गया । कनै कुड़िया दा दिमागे दा भूत नियां ई तिमा जो बुलांदा रेया ।

जाल्ह कुड़ी ठीक ना होई, कनै तिमा दे बोलणे नैं मारे घरे दा जीणा मुमकल करी दिता तान्हू तिन्हां जो अकल आई । लोकां नैं बी समझाएया इसा जो कुनी हस्पताले च दस्मा । तान्हू सै अमरतसर पागलां दे हस्पताले च तिमा जो लैई गेए । तित्थू इक बरी बिजलिया दा भटका लाणे ते सै कुड़ी बिल्कुल ठीक होई गेई । हण सै गजी खुमी ऐ ।

इयां ई होर बी मने दृष्टान्त सांजो इत्थू मुणने कनै दिखणे जो मिलदे हन ।

माहणुआं ते छुट जे इत्थू कुमी दी गार्ई जां म्हाँम भुक्खी होणे करी दुध ना दैए, ता बुभदे हन, भेई एह् कुमी नैं बगाड़ी दितीयो ऐ । इस करी सै पीरे जो जां सिद्धे जो मुखणा मुखदे हन । डंगरेयां जो होरनां दी बुरी नजर लगणे ते बचाणे वास्तें तिन्हां दे गलां च उंता दे काले डोरु पाई दिंदे हन ।

इयां ई जे कुमी दी कोई चीज गुम होई जाए, तां सींहूए पास जाई नैं पुच्छ लुआंदे हन । सींहू बाबा सीटियां बजाई तिन्हां दी गवाची चीज कुत्थू ऐ' दसणे दी कोसस करदा ऐ ।

इसी तरां होर बी इत्थू बथेरे भूत भरम हन । इन्हां जो ई दिक्खी नैं इक प्हाड़ी कवि बी इयां गलांदा ऐ :—

इत्थू कोई —

चेला जोगी आई करी, जोतां जगांदा ।

सींहूए जो पूजी करी, मने च बसांदा ॥

पुच्छ देई करी ताएं, मन परचांदा ।

छाड़ा छड़ी करी पाएं छुटकारा ॥

—०❀०—

उपसंहार

Summary

ईयां असां दिक्खेया, कांगड़े दी संस्कृति किनी पराचीन ऐ ? किनी म्हान ऐ ? किनी पवित्र ऐ ? किनी मुच्ची कनें किनी उच्ची ऐ ? सांजो अपने पुगणे भारते दी सई तस्वीर इसा च दिक्खणे जो मिलदी ऐ ।

इत्थू दे लोकां दा जीणा बी किना सूह्णा कनें मनमोह्णा ऐ जिना दी मिसाल सांजो कुतीं नेई मिलदी । इसा च किच्छ अखिआइयां जरूर दुसदियां हन । पर सांजो चेतें रक्खणा चाइदा ऐ—“भेई जेहड़े माहणू समुंद्रे च चुब्बी लाणे दी हिम्मत रखदे हन, सै ई मोती पाई सकदे हन कनें जेहड़े माहणू समुंद्रे दियां लैहूरां जो ई दिखदे डरी जांदे हन, सै कंठे बँठी नें भूरदे रेंहू दे हन, तिन्हां दे हत्थें किच्छ नेई औंदा ।”

जाल्हू इसा गल्ला जो सोचदे आं, ताल्हू इत्थू दियां सारियां कठनाइयां मुखालियां लगणा लग्गी पौंदियां हन । इस करो इसा कनें पियार करना सबनां भाइयां दा धर्म ऐ, फर्ज ऐ कनें कर्तव्य ऐ, इसा दिया उन्नतिया नें ई सबनां दी उन्नति ऐ, इसा दिया खुसहालिया नें ई सारेयां दी खुसहाली ऐ ।

कांगड़ा गुण-गान (कविता च)

कांगड़ा, एह् देस मिजो,
जानी ते बी पियारा ए ।

[१]

धौली धौलाधार जिह्दे, मत्थे जो सजांदी ऐ ।
मत्थे जो सजाई करी, होर चमकांदी ऐ ॥
म्हानता - संदेस जिह्दा, जग्गे जो मुणांदी ऐ ।
बरखां बरह्आई करीं, जिसा जो नुआंदी ऐ ॥

गासे कनें गल्लां करै,
ऊचची लम्मी धारा एह् ।

कांगड़ा, एह् देस.....

[२]

ब्यासा जिदे चरणां जो, राती दिनें धोंदी ऐ ।
चरणां जो धोंदी रेंह्दी, जरा बी नेई बौंदी ऐ ॥
गुण जिदे गांदी गांदी, कदी बी नेई सौंदी ऐ ।
होर बैह्णां मिली करी, सागरे च पौंदी ऐ ॥

मिट्टा मिट्टा पाणी जिदा,
जरा बी नेई खारा ए ।

कांगड़ा, एह् देस.....

[३]

हरे भरे वण जिदे, चोले जो संवारदे ।
 सूह्णे मनमूह्णे फुल, (मिली) जिमा जो संवारदे ॥
 कोलां, तोते, मोर पेंछी, जिह्दी आरती उतारदे ।
 छल छल नदी नालू, पापियां जो तारदे ॥

सै ई एह् देस, सारी
 दुनियां ते नियारा ए ।

कांगड़ा, एह् देस.....

[४]

देवी जिह्दी ज्वालामाई, लाटां आली बी सदांदी ऐ ।
 जगदियां जोतां करी, ज्वालामाई बी कोआंदी ऐ ॥
 भगतां जो पार करै, सदा राखसां सतांदी ऐ ।
 जेह्ड़ा छेड़ छाड़ करै, तिदे नक्क रगड़ांदी ऐ ॥

खुस होई जाए तां,
 करै दूर न्हेयारा ए ।

कांगड़ा, एह् देस.....

[५]

देवी चिन्तपुरणी इत्थू, देवी बडी नियारी ऐ ।
 ऊचे भौणां आली कनें, भगतां दी पियारी ऐ ॥
 भंडे छत्तर भेटां करी, संगतां संगारी ऐ ।
 चिन्ता देए दूर करी, माता एह् हमारी ऐ ॥

बड्डी सक्ति आली एह् ,
 बड्ठा चमत्कारा ए ।

कांगड़ा, एह् देस.....

[६]

कांगड़े दी ब्रजेशगो तां, सारें ममाहूर ऐ ।
कांगड़े दा नाग्रों जिनी, नीता बड़ी दूर ऐ ॥
सजी सिंह स्वारी जीदी, हत्थी तरमूल ऐ ।
तिदा सिर छेदै जेह्ड़ा, बड़ा मगरूर ऐ ॥

जाणदा जमाना जिजो,
बुझै जग मारा ए ।

कांगड़ा, एह् देस.....

[७]

चंडमुंड नासनी दा बी, सुहणा इत्थू मन्दर ऐ ।
बग्गुआं नगरोटे नेडें जेह्ड़ा बड़ा सुन्दर ऐ ॥
आद सक्ति चामुंडा बांकी, सजी तिदे अन्दर ऐ ।
शिवां दी बी इक तित्थू, नोखी दूंधी कंदर ऐ ॥

दिक्खी करी जिमा जो,
मन नचै महारा ए ।

कांगड़ा, एह् देस... ..

[८]

बैज नाथ मन्दर जिजो, दिखण सारे आदे न ।
मन्दरे जो दिक्खी करी, मूंग उंगली पांदे न ॥
अन्दर जाई शिवा जो, सिर बी नमांदे न ।
बहु नंदीगण पूजी, बर तित्थू पांदे न ॥

पुराणा मन्दर साडा एह्,
ऊचा बहु भारा ए ।

कांगड़ा, एह् देस.....

[६]

डेरा गुरुभाग इत्थू, बड़ा गुरुद्वारा ऐ ।
 बहादर सिंह मूरमेयां दा, पवित्र ठाकरद्वारा ऐ ॥
 ग्रन्थे दा प्रकाश इत्थू, सदा मारै लमकारा ऐ ।
 सतसिरी अकाल इत्थू, बोलण मारै नारा ऐ ॥

होलियां च पुज्जे इत्थू,
 पंजाब म्हाचल मारा ए ।

कांगड़ा, एह् देस.....

[१०]

मूह्णा भागमू नाथ मन्दर, नेडै धर्ममाला ऐ ।
 डल, मकलोड गंज, जिदे मुन्दर गलै माला ऐ ॥
 प्हाड़ां कनै घिरेया सै, दिनै लगै पाला ऐ ।
 स्लेटां दी ऐ खान तिथू, गब्बै बग्गे नाला ऐ ॥

भगतां कनै पापियां जो,
 सदा ब्रह्मण हारा ए ।

कांगड़ा, एह् देस.....

[११]

दयूट सिद्ध बाबा जित्थू, मारे लोक जादे न ।
 लाल घजां, छेलू जित्थू, चाए नै चढादे न ॥
 मने दियां मुखणां, जाई जित्थू पादे न ।
 बाबा जी दे गोता गादे, मुड़ी घरै आदे न ॥

मारी बाट लादे जादे,
 बाबे दा जैकारा ए ।

कांगड़ा, एह् देस.....

[१२]

होर किने गूगे थान, पीर इत्थू रेंह्दे न ।
 श्रद्धा कने लोक जिदे, गीत गुण गांदे न ॥
 मत्था तित्थू टेकी करी, पीड़ां जो हटांदे न ।
 छुटकारा जीजुआं ते, म्हेसां लेई पांदे न ॥

सारी पीड़ दूर होए,
 लांदेयां पंधारा ए ।

कागड़ा, एह् देस.....

[१३]

सूह्णे सूह्णे नगगर जित्थू, सूह्णे नगरोटे न ।
 धर्ममाला पालम पुर, चाएं छोटे छोटे न ॥
 पाणी पौण खाई इत्थू, सारे होण मोटे न ।
 महीरपुर नृगपुरे दे, सूह्णे इत्थू जोटे न ॥

ऊने दा बी घट नेई,
 जित्थू नमकारा ए ।

कागड़ा, एह् देस.....

[१४]

लोक इत्थू भोले भाले, धर्म दे बी पक्के न ।
 हिर फेर किच्छ नी बुभदे, दिले दे बी सच्चे न ॥
 सारे दिन कम करदे, पैरां दे नेई कच्चे न ।
 पूरे देस-भगन सच्चे, भारत मां दे बच्चे न ॥

सूह्णे सुच्चे कर्म जिन्हां दे,
 सूह्णा सुच्चा कारा ए ।

कागड़ा, एह् देस.....

[१५]

गबरू न छेले, जेह्ड़े देसे जो संगारदे ।
कम करदे दिल लाई, दम नेई मारदे ॥
नाज उपजांदे कनें, दुस्मणां ललकारदे ।
देसे दिया बेड़िया जो, जोर लाई तारदे ॥

बड्डे सूरबीर, जय हिन्द,
तिन्हें दा नारा ए ।

कांगड़ा, एह् देस.....

[१६]

जातूह् श्रीखी भारी पैए, भट उठी दोड़दे ।
मौती जो बी दिक्खी करी, मूएं नेई मोड़दे ॥
बैरिया दे खट्टे करी, दंद दाढ़ां तोड़दे ।
बुरिया नजरा दिखै जेह्ड़ा, अक्खी तिदियां फोड़दे ॥

दुस्मणां जो दिक्खी करी,
मारदे हुंकारा ए ।

कांगड़ा, एह् देस.....

[७१]

बाकियां न नारां जित्थू, चन्दे जो सरमादियां ।
मन मोई लैण कनें, दिले जो तरमादियां ॥
देसे दिया सुन्दरता जो, चार चन्द लांदियां ।
परियां दा देस इस, देसे जो बणादियां ॥

हूरां दा बी हुमन जित्थू,
होई गेया नकारा ए ।

कांगड़ा, एह् देस.....

[१८]

सूआ सालू ओढ़ी करी, परी बणी जांदियां ।
चिट्टा चोला पाई करी, धौलाधार होई जांदियां ॥
चितला लेंह गा लाई करी, तितली बणी जांदियां ।
लाल बिन्दलू लाई करी, उषा जो लजांदियां ।

दिक्खी करी दिल तरसण,
कोई नेई चारा ए ।

कांगड़ा, एह् देस.....

[१९]

कोलां जो लजाण जाल्हू, किच्छ बी गलाण सैं ।
भीरे बी सरमाण जाल्हू, लाण लम्मी तान सैं ।
हंस बी कतराण जाल्हू, कुतीं औन जान सैं ।
माहणुआं दी तां गल्ल क्या, देउआं जो सरमाण सैं ॥

दिक्खी करी सोच करण,
कुण एह् संसारा ए ।

कांगड़ा, एह् देस.....

[२०]

नूरपुरे दे संतरे, निम्बू लोक चूसदे ।
ऊने कने कांगड़े दे, अम्ब गन्ने चूपदे ॥
तूत अमरूद खाई, नियाणे जित्थू कूकदे ।
पलमां दी चाई पी पी, नसे कने भूमदे ॥

बागां दा एह् देस,
(सांजो) सबनां जो पियारा ए ।

कांगड़ा, एह् देस.....

[२१]

जेह् डे आई जाण इत्थू, मुड़ी नै नैई जादे न ।
मुड़दे होई जाण मन, इत्थू छड़ी जादे न ॥
नजारेयां जो इत्थू देयां, दिले च बसादे न ।
कदी बी नी मूरता जो, मने ते भुलादे न ॥

भारत माऊ दा पियारा, तिदी

अक्खी दा एह् तारा ए ।

कांगड़ा, एह् देस.....

[२२]

बीरां दी एह् जन्म भूमि, साजो बड़ी पियारी ऐ ।
विद्वानां दी एह् जन्म भूमि, सबना ते नियारी ऐ ॥
देवनेयां दी एह् वाम भूमि, सोभा इदी नियारी ऐ ।
ऋषियां दी एह् तपो भूमि, पवित्रता दी कियारी ऐ ॥

गीत इदे खुसी खुसी,

गांदा जग सारा ए ।

कांगड़ा, एह् देस मिजो ।

जानी ते बी पियारा ए ॥

